

撰述那


釋氏稽古略

續集之一
元世祖至
明熹宗止

			三	漢
		一	三	書
		三	四	門
		六	九	
五	一	九		
冊	架	函	號	類

庫文閣内			
三		三	漢
一		三	書
函		四	
一	九	九	
架	冊	號	類

内閣文庫	
番號	漢 3349
冊數	5 (5)
函號	310 144



綴じ部(喉部分)の文字など開きが不鮮明な箇所あり

續集稽古畧叙

淺草文庫

嘗言爲僧而不兼外學懶而愚非博也難
乎其高爲儒而不究內典庸而僻非通也
烏乎其大株守而弗移自畫而無進空腹
高心拘墟束教終貽笑於大方也已矣試
觀古簪之博碩鉅公淵宏開士誰不出入
於內外典章圓融淹貫張天覺云吾因學
佛然後知儒妙蓮經云治世語言皆順正



法羣茸釀蜜衆味和羹匪能博涉而通研
寧識殊岐而一詣哉然古今傳記之作各
有所專國史則遺佛教禪編則略世緣無
怪乎二宗學者之非博非通也有元名衲
華亭念常所集佛祖通載兼繫歷朝綱紀
繼此職里高僧寶洲釋鑑稽古一書備列
皇王政治賢聖風規

佛祖源流法門軌則編年叙世一貫無遺
俾夫簡閱之者其猶瞻象闕而躔度詳明
探龍宮而珠璣畢聚富哉此書無分儒釋
宐家貯而戶蓄枕寶而袖珍者焉奚特名
山藏爲哉杏溪 大叅蘧菴嚴翁乘大願
輪不忘付囑弘通之翦抽資重刻與廣流
傳不慧 寓司其廬備員校訂因并緝輯
元世

熙朝兩代事蹟纘承其後庶見古今上下

之道脉連持世與出世之宗猷踵接擬茲
續貂之尾蓋不欲為最後斷佛種之人繪
空摹影以俟來哲觀感興起聯輝續焰以
無窮焉耳 峇

皇明崇禎龍集著雍攝提格月屆蕤賓敦
牂令節壽光比丘大聞薰沐撰



釋鑑稽古略續集

遼庵居士嚴爾珪較梓

歸安杏溪濠菴比丘大聞 幻輪彙編

元

自太祖成吉思皇帝於宋寧宗開禧二年丙寅歲法天啓運稱聖武
年號建大蒙古國號都和林云上都至理宗紹定二年己丑太宗嗣
位至淳祐六年丙午定宗嗣位至淳祐十一年辛亥憲宗嗣位至開
慶元年己未慶宗嗣位至景定元年庚申歲世祖登基稱中統至甲
子改元至元歷六世五十九 世祖 成宗 武宗 仁宗 英宗
年今從世祖甲子元年叙起 泰定 明宗 文宗 寧宗 順宗

世祖

名忽必烈憲宗同母弟也以庚申歲嗣位己卯歲滅宋襲統一十
六年壽八十而崩 帝仁明英武屢立大功好征遠夷連年用兵
悉皆臣服遂混一區宇文臣如許衡姚樞等謀謨廟堂武將如伯顏
董文炳等攻城略地大闡嘉猷制禮作樂民物阜康占未有也 旣

甲子至元元年

大宋景 秋七月薨出柳其光燭天長數
定五年 十丈自四更見東方日高始滅

度僧 是歲八月劉秉忠請定都於燕世祖從之詔修營宮室城池以燕京
授戒 為中都改元大赦設會度僧詔請國師扮彌達發思登座授秘密戒

○八月拜光祿大夫太保參領中書省事制曰長生天氣力皇帝聖旨
秉忠 咨爾劉秉忠氣剛以直學富而文雖晦迹於空門每潛心於聖道朕
晦迹 居藩邸卿實實僚側聞高誼餘二十年出從遐方幾數萬里迨予嗣
空門 服須汝計安不先正名何以壓眾宜崇師位兼總政機可特授光祿
大夫太保參領中書省事卿其勉輔朕躬率先乃屬察朝夕之勤惰
審議論之是非凡有施為並聽裁決佇看成績別示寵章准此通載
真宰○以伯顏為中書左丞相伯顏凝重寡言諸曹白事有
輔 難決者伯顏一二語斷之省中警服以為真宰輔元

乙丑 至元 大宋咸 去年十月理宗崩度宗嗣 春正月朔
二年 淳元年 位事蹟見於前書茲不錄 日有食之

大經 五月劉秉忠參領中書省事既入拜以天下為己任知無不為世祖
良法 咨以治天下之大經養民之良法秉忠條上祖宗舊典參以古制之
宜於今者世祖善之命下之日綱舉目張
一時人材咸見錄用文物燦然一新元

許衡○召許衡至命中書省議事丞相安童時年二十一素聞
衡名心慕之及見於行館既還嘆服日訪以政事元史

張德○世祖聞張德輝之名召見參議中書省事輝以聖賢道德之與修身
輝 治國之方古今治亂之繇詳陳於帝俾教胥子學官內外煥然一新

丙寅 至元 宋咸淳 佛教東被震旦至此已一千二百年矣
三年 二年

丁卯 至元 宋咸淳 宋帝詣太學謁孔子行舍菜禮以顏回
四年 三年 曾參孔伋孟軻配享升顯孫師於十哲

許衡陳時務五事一曰立國規模二曰中書大要三曰為君難
以踐言四曰農桑學校五曰慎微上嘉納之乞歸鄉里許之元史

佛國禪師 師諱至溫字其玉號全一謚佛國普安刑州郝氏子也禮
辨菴訥公披荆佐無還富公於萬壽參萬松為侍者既而

資戎 太保劉公為世祖知遇薦師召語大悅將授以官弗受曰天下佛法
流通臣僧之願富貴非所望也憲宗命海雲王釋教詔天下作資戎

會 會師持旨宣布中外而輔成之劉公衛承制錫師茲號總攝諸路僧
尼之事師銳意衛教僧眾賴之後納印辭職是年五月十一日以疾

終於桓州之天宮西向右脇而化當暑儀容如生更有異香火浴心
口牙不壞培地數尺猶得舍利壽五十一臘四十學士虞集撰碑通

戊辰 至元 宋咸淳 元阿朮劉整圍宋襄陽
五年 四年 知府呂文煥告急

繫籍 謝訪得論云官為宰相可以生殺廢置人官為臺諫可以彈駁榮辱
聖賢 人官為國子監可以考校去取人此三等謂之繫籍聖賢也元史

巳巳 至元 宋咸淳 二月帝師發思巴制蒙古字成頒行天下

六年 五年 宋之常州鷄翼生距 詔請膽巴金剛上師住 持仁王寺普度僧員

錫

帝師

茲芻發思巴說根本有部出家錫摩儀軌親制序曰原夫瞻部 嘉運至第四佛釋迦文如來遺教利見也天元御世第五主憲

天述道仁文義武大光孝皇帝登極也天資福慧諦信內乘普使萬 邦咸歸一化雖敷天垂拱而至治無垠眷支那弘道而在躬不息欲 以自佛相承師資繼踵迄今不替正戒儀軌為從善行人一一恒持 精練三業堅守四儀此實聖皇臣正佛法之睿旨也云云通載

戒

孔子○廉希憲立朝謹正世祖令受帝師僧八思馬戒希憲對曰臣已受孔 子戒上曰汝孔子亦有戒耶對曰為臣當忠為子當孝是也

辛未

至元 宋咸淳 十一月始建大元國號取易乾元之義 始興蒙古學校從太保劉秉忠請也

化

以許衡為學士衡每謂書中無疑看得有疑有疑即看得無疑方是 有功衡之教人也必因其所明開其所蔽而納諸善時其動息而弛 張之慎其萌蘗而防範之日漸月漬不自知其變也日新月盛不自 自知其化也又為學者治生最為先務又言士君子當以農桑為生

壬申

至元 宋咸淳 宋少傅葉夢鼎辭歸秦願勵精寡欲收人心 九年 八年 固邦本又云廉耻事大死生事小扁舟徑返

盤谷禪師

號麗水海鹽人師貌不揚而志氣超邁博覽經史性耽山 水之樂至元中遊五臺峨嵋伏牛少室名山勝地嘗云足

講華 嚴經 淨業

迹半天下詩名滿世間時附馬高麗潘王聞師德望具書聘講華嚴 大意於杭之慧因寺師展四無礙辯七眾傾伏王大悅聲價益重後 至松郡精舍勤修淨業日課彌陀佛號年七十餘無疾 預告以時端坐而寂有遊山詩集三卷行世高僧傳

癸酉

至元 宋咸淳 元圍襄陽日久二月破樊城都統范天順嘆 十年 九年 曰生為宋臣死當為宋鬼即所守處縊死

許衡還至懷孟簡絕人事常居山下勤以自治公愛兼盡不嚴而整 閨門之內若朝廷然夫婦相待如賓喪祭一遵古制懷孟化之

甲戌

至元 宋咸淳 七月宋度宗崩太子少帝嗣立年四歲 一年 十年 八月大霖雨天目山崩水涌溺死無筭

忠孝 禮義

是年八月劉公薨贈儀同三司太傅謚文貞制曰臣以忠孝而事上 貴輸獻納之誠上以禮義而遇臣思篤始終之愛視死之日猶生之 年故光祿大夫太保劉秉忠學窺天人識貫今古遂冲而有守安靜 而無華昔侍潛藩稔聞高論適當三接之際懇上萬言之書蓋將舉

天下而措諸安，以戒為人主者過於殺。朕服嗣而伊始，卿盡力以居多。蓋得卿實契於朕心，而朕悉知於卿意。事皆有驗，人匪他求。周旋三十年，不避其艱。剴切數百奏，各中其理。共成庶政，方圖任於舊人。誰謂旻天，不愆遺於一老。興言及此，何日忘之。載惟台輔之尊，厥有泉扃之賁。是用錫之綸命，峻一品之尊階。遂以袞衣，躡三槐之正位。復加顯號，允答殊勲。惟爾英靈，識予哀寵。可贈太傅，謚文貞。通載

劉文貞公 諱秉忠，字仲誨，瑞州劉季村人。禮天寧虛照禪師，披剃為僧。後遊雲中，住南堂寺。同海雲禪師北覲，謁世祖於潛邸。

一見應對稱旨，自是屢承顧問。公獻書陳時事所宜者數十條，凡萬餘言，率皆尊主庇民之事。上嘉納之，從上征伐，方便救護，全活甚眾。及上正位宸極，制定朝儀，立官制，改元建號，一切所當施設，時物之宜，皆公所草定。公齋居蔬食，終日澹然。是年八月壬戌，端坐而薨，享年五十有九。自幼好學，至老不衰。雖位極人臣，不異平昔。上謂左右曰：秉忠事朕三十年，小心慎密，其陰陽術數之精，占事知來，若合符。帝命史天澤、伯顏、師師南征，召諭之曰：古之善取江南者，惟曹彬一人，汝能不殺，是吾曹彬也。

○史天澤真定人，身長八尺，音如洪鐘，善騎射，出入將相五十年。在石四朝，師表百辟，為開國元臣。人方郭子儀、曹彬云，年七十四，謚忠武。

乙亥 至元十 宋德祐 宋恭宗改元德祐，在位二年。元兵執之北行，殂於沙漠。

江西提刑文天祥起兵勤王，其友止之。天祥曰：國家養育臣庶，三百餘年，一旦有急，徵天下兵，無一人一騎赴者，吾深恨之。故不自量，欲以身殉。庶天下忠臣義士將有聞風而起者。義勝者謀立，人眾者力濟。如此則社稷可保也。天祥性豪華，自奉甚厚。至是痛自抑損，盡以家資為軍費。每與賓僚語及時事，輒撫几流涕。言曰：樂人之樂者，憂人之憂；食人之食者，死人之事。聞者莫不為之感動。

○湖南提刑李芾遣兵入援，發壯士三千人，使將將之勤王。後謚忠節。
○行人郝經使宋被留一十六年，撰集諸書，至是歸燕。卒謚文忠。
○宋詔張世傑總督諸軍，後與陸秀夫、陳宜中航海，以狗國難溺死。
○有二星闕於中天，一星隕。六月朔，日有食之，既晝晦如夜。

丙子 至元十 宋德祐 五月宋端宗立，改元景炎。後航海，崩於嶺南之崗州。

二月，日中有黑子，大如鷄卵，相盪火之。
○丞相文天祥常言國亡與亡，此男子心。元人以天祥北去。
○錢塘江湖三日不至，時元軍分駐江沙上。杭人方幸之，而潮汐不至。
○三月，元伯顏入臨安，建大將旗鼓，受宋帝及太后、庶僚，趨赴京入覲。

○姚樞仁恕恭敬未嘗疑人之欺。凡有與謀者必忠告。人莫不敬之。時以為翰林學士。宋侍從之臣。及士子至上都。皆令樞隨學行而官之。

丁丑 至元十一年 宋景炎 封宋主為瀛國公。令往脫思麻路。習學梵書。西番字經。全后於正智寺為尼。

建大聖萬安寺

廉希憲官至平章。伯顏謂之宰相中真宰相。男子中真男子。世以為名言。至是卒。

戊寅

至元十年 宋祥興 宋帝昺立。改元祥興。在位二年。後航海至五年 元年 厓山。張世傑與元戰敗。陸秀夫抱之沉海。

○有大星南流隕海中。小星千餘隨之。聲如雷。數刻乃止。

己卯

至元十年 二月 宋亡。宋自太祖起。六年 至帝昺通三百二十年。

文文山

姑蘇人。諱天祥。為宋狀元丞相。封信國公。有忠孝大節。被執。目擊厓山。有詩哀悼。歔又歌曰。颶風起兮海水飛。噫。文武盡兮火德微。噫。鷹鷂相擊兮靡所施。噫。鴻鵠欲舉兮將安歸。噫。權歌中流兮任所之。噫。獨抱春秋兮莫我知。噫。又正氣歌曰。天地有正氣。雜然賦流形。末云。顧彼耿耿在。仰視浮雲白。悠悠我心憂。蒼天曷有極。哲人日已遠。典刑在宿昔。風簷展書讀。古道照顏色。○零丁洋詩

辛苦遭逢起一經。干戈落落四周星。山河破碎水漂絮。身世浮沉風打萍。惶恐灘頭說惶恐。零丁洋裏嘆零丁。人生自古誰無死。留取丹心照汗青。○過金陵。草舍離宮轉夕暉。孤雲飄泊欲何依。山河風景原無異。城郭人民半已非。滿地蘆花和我老。舊家燕子傍誰飛。從今別却江南路。化作啼鴉帶血歸。○後至臨終。從容謂吏卒曰。吾事畢矣。南向拜而死。年四十七。其衣帶中有贊曰。孔曰成仁。孟曰集義。惟其義盡。所以仁至。讀聖賢書。所學何事。而今而後。庶幾無媿。○平生作文。未嘗屬草。有指南集。吟嘯集。有集杜詩百首等行世。

○建司天臺於大京。立安樂堂。疾者醫之。饑者廩之。死者葬之。

庚辰

至元十年 六月 新曆成。賜名授時。明年始頒行天下。遣使窮黃河之源。由星宿海至崑崙山。始抵其地。

○竇默為人樂易。平居未嘗一言方人。官至學士。至是卒。謚文正。帝諭真金太子曰。伯顏文武全才。汝勿以常人遇也。

帝師入寂

癸思八為大元帝師。是年十一月二十二日示寂。年四十二歲。上聞不勝震悼。追懷舊德。建大宰堵波於京師。實藏真身舍利。輪奐金碧。無儔學士王磐奉勅述行狀曰。皇天之下。一人之上。開教宣文。輔治大聖。至德普覺。真智裕國。如意

大寶法王西天佛子。大元帝師。班彌怛拔思發帝師。乃土波國人也。生時諸種瑞應。具詳家譜。初禮伯父薩師。加哇為師。秘密伽陀。一二千言。過目成誦。七歲演法。辨博縱橫。猶不自足。復徧咨名宿。鈎玄索隱。盡通三藏。年十五。世祖皇帝龍德淵潛。師知真命有歸。馳驛徑詣王府。世祖宮闈東宮。皆秉授戒法。特加尊禮。年二十。釋道訂正化胡經。憲宗皇帝詔師剖析是非。道不能答。自棄其學。上大悅。年二十二。世祖登極。建元中。統尊為國師。授以玉印。任中原法主。統天下教門。辭帝西歸。未朞月。召還。年三十一。時至元七年。詔制大元國字。師獨運摹畫。作成稱旨。即頒行朝省郡縣。遵用迄為一代典章。升為帝師。更賜玉印。統領諸國釋教。旋又西歸。至元十一年。專使召之。抵京。王公宰輔士庶。離城一舍。結大香壇。設大淨供。羅拜迎之。萬眾瞻禮。若一佛出世。為真金太子設彰所知論五篇。存藏行世。

彰所知論 帝師為太子說佛智大師沙羅巴譯。初器世界品。備載大界諸天等。次情世界品。備列地獄餓鬼。旁生。人道。修羅。天道。成住壞空。四劫始終之相。及釋迦祖承歷代輪王之事。後道果無為。五法等。

辛巳 至元十年 十月。命僧道二家辨折。特奉聖旨云云。除道德經。是老子真實經旨。其餘皆後人造作。差官盡行燒毀。

壬午 至元十一年 處士劉因。天資絕人。日記千百言。過目成誦。愛諸葛孔明靜以修身之語。表其扁曰靜修。徵為贊善。不受。

癸未 至元十二年 正月六日。大赦天下。

乙酉 至元十三年 聖旨焚毀諸路偽造道藏經。書事於石。碑記甚悉。

化胡經 猶龍經 聖紀經 西昇經 出塞經 明真辨偽經

九天經 赤書經 上清經 南斗經 玉緯經 十二虛無經

紀勝賦 辨仙論 斲邪論 三破論 太上實錄 青陽宮記

玄九內傳 帝王師錄 三天列記 十異九迷論 歷代應現圖

佛道先後論 欽道明證論 輔政除邪論 謗道釋論 十山論

辟邪歸正論 藏天隱月經 赤晝度命經 歷代帝王崇道記

三教根源圖 混元生三清經 混元實錄 靈寶四十二生經

高上內傳 樓觀先生內傳 五公問虛無經 通載

○聖旨就大都大愍忠寺。焚燒道藏偽經。命大都報恩禪寺林泉長老。下火謝恩。畢拈香云。佛心天子。愍眾生。恐墮三塗。邪見坑。个裏了無偏黨處。就中朱紫。要分明。所以道聖鑒無私。天機莫測。既來頌德。敢不酌恩。此香端為祝。延當今皇帝云。伏願金輪與法輪並轉。福越三

祇舜日共佛日齊明壽延億劫次舉火云憶昔當年明帝時曾憑列
燄辨妍媸大元天子續洪範顯正摧邪誰不知杖屨遂以火炬打一
圓相云諸仁者只如三洞靈文還能證此火光三昧也無若也於斯
會得家有北斗經枉教人口不安寧其或未然從此灰飛烟滅後任
伊到處覓天尊急著眼看林泉長老從邁奉勅下火通載

○對道士持論師德一十七名

圓福寺從超

奉福寺德亨

藥師院從倫

法寶寺圓胤

資聖寺至溫

大名府明津

甘泉山本璉

上方寺道雲

開覺寺祥邁

傳教寺了詢

法華寺慶規

龍門縣行育

延壽寺道壽

仰山寺相獻

資福寺善朗

絳州祖珪蜀川元一

丙戌

至元二

大都道者山雲峰禪寺住持如意

勅撰辨偽錄五卷

辨偽錄

其篇目云妄立天尊偽創立劫運年號偽開分三界偽隨代
為帝王師偽老子出靈寶三洞偽遊化九天偽偷佛經教偽

老君結氣成字偽周文王時為柱下史偽前後老君降生不同偽三
番作佛偽冒名僭聖偽合氣為道偽偷佛神化偽辨說淵博具如通

如意禪師

諱祥邁博通內外典章洞徹淵微理致住持名都巨剎應
旨撰辨偽錄五卷制伏允慳有弘傳序註載法華要解

丁亥

至元二

戊子

至元二

正月二十一

日大赦天下

雲峰和尚

師住徑山初江淮釋教都總統楊輦真迦集江南禪教諸
僧朝覲登殿對御論禪宣上竺僧問講何經答云法華經

對御論禪

次問仙林僧講何經奏云百法論次問師云禪以何為宗奏對曰禪
也者淨智妙圓體本空寂非見聞覺知之所可知非思量分別之所
能解構又云夫禪與教本一體也禪乃佛之心教乃佛之語因佛
語而見佛心譬之百川異流同歸於海到海則無異味云謝恩賜饌

吉祥禪師

鎮江普照寺沙門普喜號吉祥山東人精究慈恩相宗研
習唯什師地因明等論是年世祖初立江淮御講之所普

照居一詔師主之升座外日誦華嚴大經以十卷為常課後入寂茶
毘舍利甚夥建塔丹徒鎮江之民多有圖像祠之稱為吉祥古佛云

玉崗法師

杭州下竺蒙潤字玉崗海鹽人古源清法師之甥竹堂傳
法師之高足也生時母感異夢禮伽藍土偶皆作修觀音

懺而心疾即愈講法華而屠沽易業居風篁嶺專精念佛修法華光
明大悲淨土以七七為期甚多後示弟子止觀安心之法稱佛而逝

已丑

二十

正月抄數

庚寅

二十

秋九月日

大赦天下

以下

自隱

謝疊山

枋得天資嚴厲雅負奇氣風岸孤峭而以植世教立民彝為任官至招諭使宋亡以下自隱時徵見用力辭書云大元制

世民物一新宋室孤臣只欠一死所以不死以九十三歲之母在堂耳至燕不食將行有友張子惠詩云此去好憑三寸舌再來不值半文錢枋得會其意竟死於驛平生無書不讀文章高邁奇絕自成一

王文忠公

王磐字文炳廣東人世業農歲得麥萬石號萬石王家公大肆力於學蒐羅經史百氏文辭宏放蕩無涯涘受業者

嘗數百人以上疏言天子宫門不應入而入者謂之闌入由第一門至第二門輕重有差官至翰林學士卒時九十三贈太傅國公謚文忠

辛卯

二十八年平陽地震壞民居萬有八百二十六區壓死百五十人全太后為尼瀛國公為僧有地三百六十頃劍免徵租

壬辰

二十九年楊恭懿奉元人初與許衡俱徵不起太子真金令有司以漢聘四皓故事聘之考正曆法授集賢學上至是卒

癸巳

至元卅年劉文靖因性不苟合不妄交隱居教授師道尊嚴年四十五卒贈學士謚文靖所著有四書精要詩集五卷云

可慎

皇孫鉄木耳總兵北邊召伯顏居大同皇孫舉酒餞之曰公去何以教我伯顏舉所酌酒曰可慎者惟此與女色耳

雲峰入寂

杭州徑山第四十三代雲峰禪師諱妙高句之長谿人從雲夢澤公受具戒首參癡絕冲禪師次見無準於徑山又

何山

見偃谿於育王入室掌藏鑰一日谿舉譬如牛過牕楞頭角四蹄都過了因甚尾巴過不得師劃然有省答曰鯨吞海水盡露出珊瑚枝谿可之出世南興大蘆遷江陰勸忠及雪川何山寺雲衲四來三堂皆溢朝命陞蔣山至元庚辰遷徑山兩遭回祿尅苦重興隨觀趨京對御論禪皇情大悅賜食寢殿是年六月初小參訓餘學者十七日說偈而逝壽七十五臘五十九塔於寺西之居頂菴

回回李可獻大珠邀價鈔數萬錠帝曰珠何為當留此錢以周貧者十月彗星入紫微垣抵斗魁光芒尺餘凡一月乃滅

甲午

至元三十一號世祖聖德神功文武皇帝春正月壬子朔帝不豫免朝賀癸酉帝崩於紫檀殿

世祖潛龍時出征西國好生為任迷徑遇僧開途受記由是光宅天下統御萬邦大弘密乘尊隆三寶迎旃檀瑞像歸內宮安奉萬歲山仁智殿為現世之寶仍建大聖壽萬安寺供奉令一切人俱得瞻禮定光佛塔毫光發現帝命開視內有舍利光耀人目由是重建寶塔帝命寫金字藏經軸前圖像未定帝云此經是釋迦如來所說止畫說主庶看誦者知有所自

○帝詔徧天下每一歲中行布施度僧。詔講華嚴大德於京城大

○讀大藏經隨處放光現瑞禎祥不一。寺開演以彰如來之富貴。

○帝設大會七處放光。帝以金為泥命僧儒繕寫大藏經

○顯示華嚴七處玄旨。一藏貯以七寶琅函祈流傳萬世。

○帝以宋朝鎮庫旃檀方圓。帝賜講經僧紅袈裟。帝日持數珠課

○丈餘刻為佛像利益人天。令說法人與佛無異。誦自奉施食。

○帝詔東昌大師演教聽。帝頒王音詔昊天講主云因朕在

○之大悅賜以寶王柱杖。世戒約學徒究明佛法毋令滅滅。

○帝命逸林上師譯藥師壇法儀軌。帝設十萬僧會令十師對御說

○為天下消八苦之灾增無量之壽。法賜白金十錠王柱杖十根。

○帝詔十高僧內殿供養帝端居不動諸。帝命高僧重整大藏分大

○大德亦復默然帝乃云此是真實功德。小乘再標芳號徧布天下。

○帝命諸山師德校補弘法寺久。帝印大藏三十六藏遣使分

○遠藏經鼎新嚴飾以傳無窮。賜歸化外羣皆令得瞻佛日。

○帝印造菩薩戒本千部流通散施。帝令諸路高僧俱賜

○普令大地衆生皆奉如來寶戒。紅黃大衣傳授大戒。

○帝以清涼為真佛境界建。帝每齋日以南天竺佛孟置百

○立五大寺為最上福田。味珍羞澄心觀想廣修供養。

○帝以如來舍利寶塔統御刹中。一十。帝見僧人有過不加

○九所各頒錢帛廣加嚴飾大陳供養。王法只令閱教懺悔。

○帝以天下寺院田產二稅盡。天下寺院山林樹木徧諭王音嚴

○行蠲免普令緇侶安心辨道。加護持毋令斫伐以嚴佛聖境界。

○帝告群臣云朕以本覺。帝聞五教義曰頓教即心是佛。

○無二真心治天下國家。諸佛境界凡夫不修如何得到。

○帝命兩土名德對辨經教。一。帝頒聖旨諭一切僧人不揀甚麼

○無差帝曰積年疑滯今日決開。差役休當遵依釋迦佛道子行持

○宋太后削髮為尼誦經修道帝深加敬仰四事供養宋主以王位來

○歸學佛修行帝大悅命削髮為僧討究大乘明即佛理宋室宮人皆

○祝髮為尼帝曰三寶中人也命歸學佛修行供送衣糧

○帝問帝師施食至少何能普濟無量幽冥帝師云佛法真言力猶如

○飲馬珠。帝命帝師齋竟天雨金花繽紛而下帝曰何故有此祥瑞

○帝師曰陛下心花內發天雨金花讚嘆。蜀僧元一遊西天回朝獻

○玉石佛像貝多葉經帝問云西天佛有麼元一奏云當今東土生民

○上何異西天悉達多。帝問元一道家徒衆何以少如來徒衆何以

○多。元一云富嫌千口少貧恨一身多。帝問元一和尚還涉世緣

○否。奏云不知法故犯知法了應無。帝問揀壇主云何處有佛揀奏

云。我皇卽是佛。帝云朕如何是佛。棟云殺活在於手。乾坤掌上平。帝年八十歲。乃云與釋迦如來同壽。不爲天矣。

帝崩。靈駕經宣德。現大圓光。周徧天界。合境僧俗。悉皆瞻禮。蓋顯古佛示現之作用耳。以上出弘教集。具見佛祖通載。

夏四月。皇孫鉄木耳卽位。得玉璽。其文曰。受命于天。既壽永昌。

宋處士鉉翁。年逾八十。詔賜金幣。皆不受。至是卒。

伯顏深沉有謀畧。善斷。諸將仰之若神明。可謂一代之良將。世祖崩。百官總已以聽。握劍立殿。陞陳祖訓宣顧命。述所以立帝之意。辭色俱厲。諸王股慄。趨拜。位具大臣之風節。至是卒。官至開府儀同三司太傅。錄軍國重事。封淮安王。謚忠武。

成宗 名鐵木耳。世祖之孫。太子真金第三子也。世祖崩。諸王立之。在位一十三年。壽四十二崩。帝承天下混一之後。番拱而治。可謂善於守成。末年連歲寢疾。內則決於宮闈。外則委於大臣。致賊虜等反。時有小警。然不至於廢墜者。去世祖未遠。以成憲具在故也。改元二

乙未元貞元年 四月蘭州河清上下三百餘里。六月江西天水。陝西旱饑。賑之。

高峰禪師 諱原妙。蘇之吳江人。姓徐氏。受業烏戌之密印寺。得法於雪巖欽禪師之門。生於宋嘉熙戊戌。十五出家。十七受具

戒。十八習天台教。二十更衣入淨慈。立死限三年。二十一請益斷橋。叅雪巖於北磻。住雙徑。得悟。後隱龍鬚。遷雙髻。至元己卯。上天目西峯。入張公洞。扁死關不越戶者十五年。學徒叅請無虛日。僧俗受戒者幾數萬人。開山師子大覺二刹。是年乙未臘月朔。焚香說偈。告衆坐亡。世壽五十七。僧臘四十三。度弟子幾百人。塔全龕於死關之內。從治命也。祖雍識師有語錄盛行於世云。斷橋禪師

雪巖禪師 諱法欽。五歲出家。十六剃度。十八行脚。十九靈隱掛搭。移單過淨慈。一日在天目殿上行。擡眼見一株古栢。觸目省發。從此不疑生不疑死。不疑佛不疑祖。後住道林。南明仙居。湖州光孝道場。仰山北磻。諸刹。爲無準之嗣。乃高峯之師。有語錄二卷。行世

道場 丙申 元貞 授嗣漢三十八代天師張與才。爲太素凝神廣道真人。領江南諸路道教。

丁酉 大德 春正月。太后幸五臺山。初爲太后建寺於五臺山。至元年。是成。太后因臨幸之。爲兆民求福。二月改元大赦。

戊戌 大德 詔以水旱量免租稅。 己亥 三 詔遣使問民疾苦。 九月夜有流星如雷。

庚子 大德 不忽木。初世祖每聞其言。必嘆賞之。以白璧賜之。官至學士平章。至是卒。家貧賜葬。贈魯國公。謚文貞。

辛丑

大德五年八月有星孛出東井。歷紫微垣。天市垣。四十六日滅。十月有星大如盃。光燭地。自北起。分二星沒於危宿。

三垣

天象之間有三垣。一曰紫微垣。十五星在太乙之中。二曰太微垣。十星在軫翼之北。三曰天市垣。二十二星在房星之北。

壬寅

大德六年三月詔以旱溢為災。赦天下。免其差稅三年。六月建文宣王廟於京師。

真覺國師

諱文才。號仲華。清水楊氏子。少孤事母孝。性捷敏。於書無所不讀。尤邃於性理之學。好古作善吟咏。所稟敦朴。若無

宗通

所知。至於談接辭辨。莫窺其涯。徧游講席。盡得賢首宗旨。嘗曰。學貴宗通。言欲會意。以意逆志。則得之矣。語言文字。精粗之餘也。豈能開

松堂

人慧目哉。初隱成紀。築室樹松。將欲終焉。故人稱曰。松堂和尚。世祖

降旨令主洛陽白馬寺。學者彙至。聲譽日隆。成宗建大萬聖祐國寺於五臺。詔求開山第一代住持。帝師迦羅斯巴薦之。成宗即鑄金印署師為真覺國師。師辭曰。越分以居不祥。不自而行不明。帝師曰。此上命也。於是不得已而行。大弘清涼之道。至老無怠。是年九月朔示疾而逝。年六十二。塔於東臺之麓。有慧燈集。懸談詳畧。肇論疏等。載

癸卯

大德七年金剛上師諱功嘉葛刺思。訛紘。曠又名膽巴。黠。西土番人。初侍法王上師。呪誦如流。經科呪式等

秦蠲僧掠

靡不洞貫。世祖時至此。土見上問答。允稱中間。往返靈應。非一成宗時。奏蠲僧家糧稅。詔住名刹。寵資無過。是年五月十八日西逝。通載

金履祥

蘭谿人。屏居金華山中。作通鑑前編四書五經各有註疏。授徒許謙以傳。抱道自樂。不求聞達。學者稱仁山先生。謚文安。

甲辰

大德八年二月有星孛於室度。入紫微垣。約一丈。凡七十六日滅。

乙巳

大德九年四月大同地震。有聲如雷。壞廬舍五千餘間。壓死五千餘人。地裂涌水。盡黑。漂出松栢朽木。遣使賑之。

丙午

大德十年正月罷江南白雲宗。都僧錄司。二月暴風大雪。雨沙。雨雹如卵。

丁未

十一年正月丙寅朔。帝大漸。免朝賀。癸酉帝崩於王德殿。號成宗。完者篤欽明廣孝皇帝。五月武宗即位。

武宗

諱海山。順宗答刺麻八剌之長子也。初封懷寧王。總兵北邊。屢立戰功。成宗崩。諸王立之。在位五年。壽三十一而崩。帝當富有之

業。慨然欲創治。改法。故其封爵太盛。而遙授之官。眾賜賚太隆。而泛賞之恩。溥。至元大德之政。於是稍有變更矣。

○夏六月。以母弟愛育黎拔力八達為太子。追尊考曰順宗。○蕭欒陝西人。力學三十年。不求進擢。為太子諭德。疾辭歸。卒。謚貞敏。

加封孔子為大成至聖文宣王

詔曰蓋聞先孔子而聖者非孔子無以明後孔子而聖者非孔子無以法

所以祖述堯舜憲章文武儀範百王師表萬世者也朕纂承丕緒敬仰休風循治古之良規舉追封之盛典加號大成至聖文宣王遣使闕里祀以太牢於戲父子之親君臣之義永惟聖教之尊天地之大日月之明奚罄名言之妙尚資神化祚我皇元翰林承旨闕復之辭

戊申

至大元年

旃檀瑞像至是計二千三百年矣

天台佛隴修禪寺釋可號宜行博綜台宗精修止觀聽雨偈曰簷前滴滴甚分明迷處衆生聽作聲我亦年來多逐物春宵一枕夢難成

巳酉

至大二年

勅賜佛國普安禪師塔銘奎章閣虞集撰見世祖丁卯勅賜乞台薩里神道碑翰林趙子昂為文云通載

臨濟正宗

內翰趙孟頫奉勅撰碑記其略曰佛以大智慧破一切有於無所不言無所不言而至於無言夫道非言不傳傳而不以言則道在言語之外矣是惟佛法最上上乘如以薪傳火薪盡火傳不窮

海雲

海雲大宗師簡公性與道合心與法宜細無不入大無不包住臨濟院能係祖傳以正道統佛法蓋至此而中興焉又云

西雲

西雲大宗師安公能嗣其業據師子座為衆演說聞者讚嘆信者鄉風得者如寶悟者如空皇帝萬年正法永傳尚迪後人弗昧其原兩斧○阿沙不花見帝容色日悴進曰八珍之味不知御萬金之身不知愛孤樹惟麩藥是奸姬嬪是耽是猶兩斧伐孤樹未有不顛仆者帝喜拜相

庚戌

辛亥

武宗曲律仁惠宜孝皇帝

三月庚寅皇太子即皇帝位於大明殿大赦天下賜高年帛革罷僧道衙門論曰望五位以升階轉二依而就果者上乘菩薩也以四向一坐而證成三生百劫而彰號者緣覺聲聞也聖賢品級教

有明文惟妙悟自心入佛知見者千聖尚不為何階級之有未云朝廷尚行於爵秩釋子乃兢於官階官階無盡期貪愛無滿分胡不養其妻子跪拜君親何異織女七襄牽牛負軛者哉識達於此無取焉不空三藏深於大教有功授官猶媿濫污今何人欲假名器哉

仁宗

諱愛育黎拔力八達順宗次子武宗同母弟也武宗以帝為皇太子武宗崩遂嗣位在位十年壽三十六○帝天性慈孝聰明恭儉迥達儒術愛養民力孜孜為治一遵世祖成憲為盛德守文之主

壬子皇慶

元年

帝諭曰御史臺是一時公論國史院是萬世公論也五月禁諸王母得以農時出獵擾民至十月方許獵

癸丑 皇慶 帝曰善人乃可為寶善人用則百姓安茲國家所寶

承古李孟言人主之柄在刑賞賞一善而天下勸罰一惡而天下懲

又言僧道既為出世法何與官府罷僧道官 御書秋谷二字以賜

○建崇文閣於國子監以宋儒周敦頤程灝程頤張載邵雍司馬光朱

熹張栻呂祖謙及故中書許衡從祀孔子廟庭

甲寅 改元延 詔科場以經義取士庶得真儒之用而治道可興也

佛智法師 沙羅巴觀照依發思巴帝師雍染習諸部灌頂法又從著

得其道所以善吐蕃音兼解諸國文字後因迦羅思巴帝師薦于世

祖命譯中國未備顯密諸經各若十部辭旨明辨特賜大辨廣智之

號後加弘教佛智三藏法師之稱授師為江浙等處釋教都總統帝

親勞送之皇太子諸王嘗問法要所譯之經朝廷皆刊行是年十月

五示疾賜鈔萬緡勅太尉潘王視醫藥謝却之竟面佛坐逝帝悼

之賜給葬遣使馳驛送歸故里建塔通載普覺法師 姓趙氏諱英辨號普覺弱冠受具戒得慈恩宗於栢林潭

普覺法師 出世於秦州景福寺其道大振聲馳四表摧伏異見

樹正法幢而其資性真純如王含璞不加雕繪人愛重之致於悍卒

武夫亦能敬其為無佛世之佛也世祖聞其高風降旨旌異是年六

月庚戌無疾辭眾坐寂煥異景於易簣之久標奇迹於火化之餘塔

於普覺寺之後閱世六十有八臘六十有一佛祖通載

十一月京師旱疫帝問弭災之道學士程鉅夫舉湯禳桑林事以對

帝曰此實朕之責也赤子何罪明日大雪以西僧作佛事疎放罪囚

乙卯 延祐 正月詔遣宣撫使分十二道問民疾苦黜涉官吏

丙辰 延祐 禮公哥羅斑藏卜為帝師

勅建旃檀瑞像殿 翰林承旨程鉅夫撰記其略曰蓋聞道非有像作

謂如指空為鏡不若以鏡而諭空即樹占風將使識風以忘樹是以

雙林付囑舍利以凡聖而徧分千輻經行足跡亘古今而常在非炫

神通於幻境實開方便於迷津所謂由佛以念心即心而即佛者也

旃檀瑞像佛之真像也其猶萬影沉江如如不異孤光透隙一一皆

圓夫豈擇地而容蓋以隨緣而應望梅林而止渴靡不同沾泛竹葉

以言歸誰堪共載惟我聖天子道躋先聖慈等覺王祝長樂之春秋

悍武亦敬

譯經

恒依佛地。企如來之歲月。坐閭人天。○瑞像本末具載前集。宋寧宗嘉泰三年錄中。爰自西土龜茲涼州。至上京等處二千三百七年也。

勅封普庵禪師嘉號。詔曰。上天眷命。皇帝聖旨。朕聞佛氏以空寂為宗。則凡學所遵者。寧欲建名號。殊稱謂。以示天

下後世哉。而國家非此。無以昭尊德樂道之意也。朕自即位以來。聞

袁州路南泉山慈化禪寺。普庵寂感妙濟真覺昭明大德惠愛禪師。

紹臨濟之緒。超華嚴之境。德映當代。澤被方來。其道甚尊顯。心竊慕

之。既累賜大謚。惟塔號未稱。可加定光之塔。曰定光靈瑞之塔。云云。

丁巳 延祐 勅加東林遠法師號妙覺寂光宏辨大師。都省咨文。

福元講主 諱德謙。姓楊氏。字福元。寧州定平人。幼為勤策。嗜誦佛書。

受幽贊於仙公。學圓覺於一公。究唯什俱舍於頊公。聽楞嚴四分於

聞公。而數公並以識法解義聲名遠著。師皆親熏炙之。必臻其道。後

京都受華嚴於萬安棟公。初詔居萬寧寺。次遷慈恩。前後十祀。道德

簡於宸衷。聲光揚於海外。未嘗以榮顯寵遇改其志。嘗曰。哇衣之士

抗於世表。苟不媿於朝聞夕死。尚何慕焉。乃讓席幽居。括囊一室。處

幽居

世而遺世者也。是年正月日示寂。賜緡旌幢津送。塔於城之南隅。云。

光教律師 諱法聞。陝西嚴氏子。十五薙染。二十受具戒。從溫公學法

灼肌然指。庸表克誠。刺血書經。以彰重法。隱於臺山。不踰閭者六載。

讀藏經五千卷者三番。帝師命師講說。顧謂其徒曰。孰謂漢地乃有

此僧耶。天子聞之。徵至闕庭。詔居太原寺。授榮祿大夫。次遷大普慶

寺。加開府儀同三司。銀章一品。王公大臣仰止。高風猶景星鳳凰之

仰止 瑞於明時也。後賜實相圓明光教律師之號。賜遼世金書戒經。求戒

者無筭。是年三月日跏趺而逝。賜幣以葬。有司儀衛旌幢送之。通載

戊午 延祐 正月懿州地震 二月和州地震 秦州山崩

特賜國師 達益巴。師事大薩思迦帝師。十有三年。聽言論於左右。觀

經籍。部以十數。皆耳於口。授目於手。示得乎理之所歸。行之所趨。是

於譽延兩京。道重三朝。事二聖於潛邸。竭勤逾紀。賜資以千萬計。歸

以所賜大厥梵宇。加賜金印。馳紐封號。弘法普濟三藏。佑聖國師。是

年五月十六日。化於京師。給乘騎歸葬。成紀。年七十有三。通載

栽桑圖說 八月司農苗好謙撰。進帝曰。農桑衣食之本。此圖甚善。命

刊印千帙。散之民間。又印大學衍義賜朝臣。

巳未 延祐六年

徑山 虎岩禪師諱伏 本源禪師諱達 建大永福 晦機禪師諱熙 虛谷禪師有謚 寺即青塔

佛護大師 諱本無號我菴台州黃巖人幼從方山寶公薙染進具戒次依寂照於中天竺即有省處更承見湛堂澄公精研教

教禪

部寂照惜之寄以偈曰依教入禪今古有從禪入教古今無一心三觀門雖別水滿千江月自孤師後出世祝湛堂寂照二香初主四明延慶後遷杭之上天竺最久一日無疾端坐而蛻白雲堂賜謚佛護宣覺慈匡道大師云 高僧傳

妙文講主 九歲出家十八受具依大德圓和尚學圓頓教始升猊座縱無礙辨若峽倒川奔及平閒居簡默言不妄發其涵養

餘粟 賑饑

冲挹無欲速不躁進大類如此年四十八住薊之雲泉勤儉節用老者懷其德少者嚴其教故眾睦而寺治廩有餘粟以賑饑民薊人稱之世祖召見顧謂侍臣曰此福德僧也詔居京師大寶集寺自爾教乘法席益盛性相並驅僧俗溥濟斯時海內講席紛紛方膠固於名相凝滯於殊塗師獨大弘方等振以圓宗使守株者通於寂默之外龍像蹴躡競駕一乘年逾八十專修念佛三昧是年月日結印而終

庚申 延祐七年 正月朔日有食之帝齋居損膳 帝崩 三月太子即位大赦 謚仁宗文英武章皇帝

英宗 諱碩德八刺仁宗嫡子也在位四年為御史大夫鐵失等弑於行幄年二十一。○帝天性至孝仁宗不豫每夜焚香泣告於天願以身代及崩哀毀過禮寢服於地日歎一粥三嗣位用法無私果於誅殺姦黨畏罪遂構大變 謚格堅皇帝

辛酉至治 元 正月帝服袞服享太廟曰歲必親祀終朕之身議赦 帝曰恩可常施赦不可屢下使殺人獲免死者何辜

二月初建 九月駐蹕興和左右以寒請還上曰兵以牛馬為重民 西山佛寺 以稼穡為本蓋欲馬得芻牧民得刈穫何計乎寒

立帝師殿 詔各路立帝師殿釋源宗主法洪奉勅撰碑其略曰皇元 啓運北天奄荒區夏奮神武之威致混一之績思所以去

崇教 教本

殺勝殘躋生民於仁壽者莫大釋氏故崇其教以敦其化本以帝師 拔思發有聖人之道屈萬乘之尊盡師敬之節諮諏至道之要以施 於仁政是以德加於四海澤洽於萬邦實賴帝師之助銘略曰

佛道弘大洋海無際滔天沃日並育萬類於彼將聖象罔得一推厥 緒餘以匡王國烈烈皇祖草昧天造莫是南紀功格蒼昊云云追謚 皇天之下一人之上云云 趙孟頫書丹元明善篆額

弘教大師 諱了性號大林武氏子初依安和尚薙髮登具歷諸講席 精究三藏遇真覺國師啓迪厥心如栢林潭關輔懷南陽

慈諸公皆以賢首之學著稱一時。悉造其門。領其玄旨。北游燕薊。晦迹魏闕之下。悠悠如處江海之上。與世若相忘焉。成宗徵居萬寧寺。聲價震蕩內外。太后勅寺於五臺山曰大普寧寺。延師為第一代。師不求合於時。不屈於人。識者高其風節。是年九月卒。謚弘教大師云。

壬戌 至治二年 有言佛教可治天下。帝問拜住。對曰清淨寂滅。自治可也。若治天下。舍仁義則綱常亂矣。

幻堂講主 諱寶嚴。字士威。成紀康氏季子。因罹喪亂。與弟同薙髮為方寸之地。湛若止水。值真覺三坐道場。師與弟皆從而佐之。真覺入滅。乃繼其席。無何奉詔住持大玉山普安祐國二寺。是年七月日逝世。

佛炎大師 諱志德。號雲巖。東昌人。十二受經於海聞和尚。習慈恩宗旨。於法照禱公。盡得其蘊。至元間世祖召見。賜宴。并紫方袍。命主天禧旌忠二刹。日講法華華嚴唯什金剛等疏。特賜佛光大師之號。與七眾授戒。必令其立誓無犯。遇歲儉。煮糜粥以食。餓殍數萬人。居天禧三十餘年。一衲一履。終身不易。過午不食。夜則危坐。以苦誦喪明。忽夢梵僧迎居內院高座。空中散花。因示疾。是年二月二十七。誦之不輒。頃之辭眾安坐而化。世壽八十八。龕留三七。顏貌紅潤如生。闍維舍利無數。塔於張家山。趙孟頫為記。

癸亥 至元三年 勅寫金字藏經學士吳澄為序曰。主上寫經。為民祈福。甚盛舉也。

吳澄 字幼清。撫州崇仁人。經傳悉通。貫用力聖賢之學。元明善以文學自負。聞澄易詩書春秋與義。嘆曰與吳先生言。如探淵海。董士選曰。吳先生天下士也。澄嘗為學者言。朱子於道問學之功居多。陸子靜以尊德性為主。問學不本於德性。其弊必偏於言語訓釋。故學以德性為本。又謂為善者死。則上通神明。其極品與日月齊光。為惡者死。則下淪污穢。其極下與沙蟲同類。八月帝崩于行幄。臥所。

中峯禪師 諱明本。號中峯。錢塘孫族。生有異徵。為兒童時。嬉戲必為佛事。稍長。聞經教。燃指臂。求佛甚切。晝夜彌勵。因則以首觸柱自傲。期必得乃已。及入死關。密扣心要。誦金剛經至荷擔如來處。恍然開悟。自謂所證未極。後觀流水。乃大發明。自是說法無礙。著書若干卷。行於世。仁宗聞而聘之。不至。制金紋伽黎衣賜之。并謚號佛日廣慧普應國師。是歲卒。壽六十一。臘三十五。化於本山天目。

斷崖禪師 諱從一。湖州德清湯氏子。幼不茹葷。姿貌巍然。師高峯叅蹤。自此不疑諸佛祖。更無南北與西東。峯印可之曰。後據孤峯絕頂。揚聲大叫。在。後改名了義。賜號佛慧圓明正覺普度大師云。

泰定帝

名也孫鐵木兒顯宗之長子裕宗之嫡孫也初封嗣晉王及英宗遇弒以支庶入繼帝統在位五年殂於上都帝在位災異迭見然守成法以行天下無事稱治平焉改元者二泰定致和帝曰凡事防之於小則易救之於大則難明告於眾俾知所慎

甲子泰定元年

乙丑

丙寅

丁卯

戊辰

至和

七月帝崩不立廟謚禮公哥卜文國公為師

九月文宗襲立改天曆元年設廣教總管府統攝僧眾

明宗

名和世疎武宗長子初封周王出鎮雲南泰定帝崩文宗遣使迎帝帝正位於和寧之北立文宗為皇太子未幾暴崩僅半年張養浩自幼有行義勤學業官至中丞嘗著書三卷一曰朝堂忠告二曰風憲忠告三曰牧民忠告至是卒贈平章謚文忠

文宗

名圖帖睦爾武宗次子明帝之弟也初封懷王出居建康以致和元年九月襲皇帝位改元天曆二年迎明宗於沙漠明宗殂即位

已巳

天曆二年命奎章諸臣輯經世大典改建康為集慶路以西僧輦真吃刺思為帝師師至上命朝臣一品以下咸郊迎大臣俯伏進觴師不為動惟國子祭酒李木魯神舉觴立進曰帝師釋迦

之徒天下僧人師也予孔子之徒天下儒人師也請各不為禮帝師笑而起舉觴卒飲眾為之慄然

庚午

至順元年加封孔子父叔梁紇為啓聖王母顏氏啓聖夫人顏子復聖公曾子宗聖公子思述聖公孟子亞聖公

慧光

釋融照字慧光受業華嚴修習天台教觀後從淵叟湛法師居華亭延慶力精教乘勤修禪定然膏繼晷旦夕無間故學由志臻表於叢席職躋眾祐四十餘祀名聞京師上嘉獎賜號師每歲元日率眾修金光明懺祝釐聖壽說法之外力禮懺摩與諸眾生掃除塵翳攝入善根既老彌勤得其法者三人

僧傳曰居簡曰宗渠曰宗權皆法門之龍象也

辛未

至順二年翰林學士吳澄卒有易春秋禮記纂言及校定皇極經世書大戴禮等書贈臨川郡公謚文正

壬申

至順三年四月天寧地震五月京師地震有聲白虹並日出竟天八月天鼓鳴於東北京師隴西地震帝崩於上都

寧宗

名懿璘真班明宗次子也初封郟王文宗殂遺命傳位於帝帝年七歲在位兩月而殂

學由志臻

臨壇大德

諱惠汝。姓張氏。歸德人。依耆宿缸公出家。二十進具。從大德温公受菩薩戒。嗣法壇主恩公。既而行業日隆。聞望日

途旅。著從者益衆。師齋戒既嚴。護衣惟謹。雖途行旅宿。三衣一鉢。必與身必俱。終日乾乾。惟佛是念。緇素相率。而求戒者。接迹於途。承一訓言。莫不懽心感戴。說法數十餘年。升壇授戒四十餘會。大臣接以師敬之禮。從化者蓋以萬數。是年十一月廿二日。歿年七十有三云。

順宗

名妥。懽帖睦爾。明宗長子也。文宗時被讒。出居廣西。寧宗崩。登大寶。在位三十六年。會大明兵入京城。走於應昌府。一年崩。

癸酉元統

元 六月初八日登位。改元者三。元統二至元六至正卅年。禮請公哥兒監藏班。藏卜爲帝師。

天竺法師

諱真淨。字如菴。華亭姚氏子。母朱氏。夢月墮懷而娠。誕時瑞光滿室。有異僧指謂其母曰。此兒海月法師之再來也。

九歲依明靜志公

學法華經。歷耳成誦。十六得度。博究諸乘。謁雲夢澤公。無極度公。盡得其學。大德間住海鹽德藏。至治間遷松江超果

泰定間居下竺

闍寺前之徑。高大其門。書佛國山以揭之。至順間上竺湛堂澄公舉師。自代。殫心弘法。衆逾千指。上慕其道。賜以佛心弘

辨之號

及金紋紫伽黎之服。師課法華寒暑不輟。是年示疾。書偈而逝。壽七十二。臘五十六。闍維舌根頂骨不壞。舍利五色。塔於本山。

甲戌

元統 元旦汴梁雨血。著衣皆赤。三月彰德雨毛。如線而綠。二年 民謠云。天雨線。民起怨。中原地。事必變。水旱交游。

七月流星如盃色

赤有光。八月京師地震。鷄鳴山崩。陷爲池。百里

乙亥

改元至 宿松地震。山裂。秦州山崩。黃州蝗

丁丑

至元 四月有星孛於王良。至七月沒於貫索。星名。三年 訂義。房星主馬。又名天駟。王良善識馬。故名之。

五月民間訛言

朝廷采童男童女。一時嫁娶殆盡。彗星見於東北

七月武涉縣有蝗

尹張寬仰天祝曰。寧殺尹。毋傷百姓。黑鷹啄蝗。盡

命刊金履祥所著論孟

考證行之。門人許謙序之。

許謙

字益之。東陽人。學於金履祥。告之曰。吾儒之學。理一而分殊。理

歸於理之一。又曰

聖人之道中而已矣。謙由是致其辨於分之殊。而要其

之。自謂吾非有大過人

惟爲學之功無間斷耳。其教以五性人倫爲

本。以開明心術

變化氣質爲先。以爲己爲立心之要。以分辨義利爲

處事之制。嘗曰

己或有不快。哉是年卒。年六十八

門人號之白雲先生

所著有四書叢說。詩名物鈔。讀書傳。觀史等書。後謚曰文懿。同時休寧陳櫟。婺源胡一桂。皆以講明道學重於時

太白

上公大將軍之象。出東當伏東。出西當伏西。過午為經天。謂晝見於上也。太白少陰之星。以巳未為界。經天為不臣兵起也。

戊寅

至元 正月以地震赦天下。四月雨雹如拳。環玦獅象等形。信州山震。邵武雨水深二丈。鞏昌山崩。壓死人民。

巳卯

至元 夏四月加封孝女曹娥為慧感靈孝昭順純懿夫人。五月六月汀州水高三丈餘。沒廬壞田。太白屢經天。

宗周法師

諱子文。字宗周。四明人。得法於北溪聞公。出主寶雲寺。教觀淹博。律規甚嚴。尋常對人則訥。升座講演則滔滔如建

即座 欲滅

鏡之水。莫之禦也。臨終時講十六觀經。罷即欲就座。別眾入滅。有啓曰。和尚後事未曾分付。奈何。遽爾告寂耶。師曰。僧家要行便行。莫做俗漢伎倆。為兒女計。而有後事。眾感益切。於是下座復歸方丈。一一條畫之。即合掌稱西方四聖號。回向發願畢。遂寂。闍維舍利無數。備

庚辰

至元 處士吳萊論作文如用兵。有正有奇。正者法度如部伍。六年 分明是也。奇者不為法度所縛。千變萬化。元不曾亂。

天如禪師

諱惟則。號天如。得法於中峯國師。住姑蘇師子林。有楞嚴會解。禪宗語錄。淨土或問。十法界圖說等書行世。

元粹法師

茗溪人。有圓覺經集註等書行于世。

休耕法師

諱逸。雲門三高之一。有詩文集。

辛巳

至正 帝閱宋徽宗畫稱善。學士夔夔進曰。徽宗多能。惟一事不能。其身辱國破。皆由不能為君所致。人主貴能為君

元叟禪師

諱行端。號元叟。族臨海何氏。出家化城院。叅徑山巖叟。得旨。大德庚子出世。湖之資福。名聞京師。特旨賜慧文正辨

之號

平章張閻公舉中天竺。遷居靈隱。有旨設水陸齋於金山。命師說法。峻事入覲。奏對稱旨。加佛日普照之號。南歸退處西菴。至治壬

戌

眾請補處徑山。璽書金闌三被。人以為榮。師宴如也。先是宋度宗設醮奏章。天庭遇上帝為定徑山四十八代住持事。四十四代虎巖

謂住持

豈苟然哉。皆預定之。天庭師聞頗心非之。及師適當其次。云諱超智。字以中。族姑蘇。得法於元叟端公。歷住於隆教普

愚菴禪師

慈二刹。帝賜以明辨正宗廣慧禪師之號。已而陞淨慈。遂主徑山。四據高座。敷說佛法。以聳人天。龍鬼之聽。緇素相從如雲。歸

梅屋禪師

諱念常。世居華亭。黃姓。母楊氏。禱觀音大士。夢麗眉老僧。託宿而娠。生時神光照室。異香襲人。出家平江圓明院。博

究群書

叅晦機。熙公有省禮五臺。歷燕京。帝師尊寵。預金書藏經之列。迺集佛祖通載二十二卷。備歷代法門事蹟。住持祥符。僧中班馬

用明禪師

諱調。四明人。有文集行世。斷江禪師諱恩。雲門三高之

壬午

至正 大同人相食 地震如雷

癸未

三 詔修遼金宋三
年 史脫脫都總裁

學士揭傒斯字曼碩豐城人脫脫問政治何先曰儲材為先養之於
譽望未隆之時用之於周密庶務之後可也卒封郡公謚文安

湛堂法師

諱性澄字湛堂號越溪會稽孫氏子母姜氏夢日輪而生
從石門殊律師祝髮受具深通止持作犯之義依佛鑿語

公習天台教觀謁雲夢澤公深加器重奏復天台國清講額遊高麗
求天台遺書吳越大旱師率眾說法禱雨格應歲饑民死無以斂乃

掩其遺骸作水陸大會普度之至治間馳召入京問道於明仁殿被
旨居青塔寺校正大藏特賜金襴衣賜號佛海大師後歸天竺之雲

外齋還越之佛果篤志淨土修一心三觀者七晝夜屢感瑞應一日
師揖眾曰今日則有明日恐無光陰其可把玩乎次日黎明端坐而

逝壽七十八臘六十四留龕七日顏貌如生所著有金剛集註心經
消災經註彌陀經句解仁王經如意輪呪經科等並行於世僧傳

甲申

至正 諸山主僧請復僧司且曰為郡縣所苦如坐地獄
四年 脫脫曰若復僧司何異地獄中復置地獄耶不許

笑隱法師

諱訥號謚廣智全悟大禪師文宗以潛龍之舊建龍翔大
集慶寺召師住持授以大中大夫以主寺事奉勅校正德

輝重編之百丈清規是年五月二十三日示寂八月葬城南撥雲山
康僧會塔之隣行業道蹟具如虞文靖學古錄及黃文憲宋文憲二

公碑銘所記得法弟子宗泐字季潭洪武中住持天界聲光顯著云
○時加徵士官太優云隱士無求於朝廷朝廷有求於隱士名爵何吝

乙酉

至正 承旨嚶嚶遇事英發掀髯論辨每遇天變民災必勸帝
五年 側身修行庶天意可回善書卒後片紙之存人爭寶之

宋金遼三史成帝曰史既成書前人善者朕當取以為法惡者取以
為戒豈止為君者為臣者亦當知之以前代善惡為勉

丙戌

至正 山東地震七日 邵武地震有聲如鼓 河決
六年 李綱請祀郊廟近正人遠佞邪以崇陽抑陰云

丁亥

至正 元旦日食大寒而風朝官仆地 東平地震
七年 山東地震壞城郭有聲如雷 河水搖動

竺源法師

諱水盛字竺源自號無住翁樂平人姓范母徐生時祥光
照室依羅山常公受度謁月庭忠公見孤舟濟師自信法

決可證因發誓云吾此生不能作佛當入無間獄也由是力參發悟
者幾回濟公記之云爾後當大弘吾宗也天曆間聘師主西湖妙果

寺一時公卿與師為方外交甚篤是歲四月廿四日書偈而逝壽七
十三師囑學徒嘗云要當洞明諸佛心宗行解相應云

○李孝光温州人少博學篤志為文一取法秦漢古文不拘於世尚。○朱公遷字克升勤於著述有書傳疏義四書約說四書通旨行世。

戊子 至正 揚載字仲弘杭州人文章一以氣為主自成一家言而於詩尤有法取材於楚漢而音節以唐人為宗。

學士虞集字伯生父汲文清而淳母楊氏亦通經學弟槃字仲常進士皆得之家庭槃曰陶菴集曰邵菴嘗言試藝之文推其高者取之不必先有主意若主意先定則求賢之心狹而差自此始矣。

是年十一月台州方國珍作亂聚眾海上授珍以官不赴勢益猖獗。○**方國珍** 黃巖人亦名谷珍兄弟四人先因設酒詭殺其田主事露拒殺捕者官親往亦殺之兄弟遂亡命於海者十餘年乃掠漳

州賊船寇漳州維時文恬武嬉人寇即陷自太不華墮計而死勢日猖獗竊據温台明十二郡十有八年太祖龍興潛迹於海既而內附

已丑 至正 夏四月棗陽民張氏婦生男甫週歲暴長四尺許容貌李好文為諭德集端本堂經史要義 大寶錄 大寶龜鑑以進

他日皇子坐清寧殿分布長席列坐高麗西番僧曰李好文先生教我儒書多年尚不曉其意今聽佛法一夜即曉由是愈崇尚佛學。○天龍主僧大道諱善平構叢桂樓以居受業於慶菴問道於中峰云

庚寅 至正 棧州隕石 奉化山裂 六月有星大如月入北斗聲震如雷 十一月日食 二星隕於耀州為石如斧形

辛卯 十一年 詔修河防南北民兵十七萬修及二百八十里於黃陵岡得石人一眼童謠云石人一隻眼挑動黃河天下反

劉福通 潁州人。是年五月以紅巾為號陷潁州六月據朱臯攻破羅山真陽確山遂陷舞陽葉縣等處九月陷汝寧州眾至十萬

韓山童 樂城人自其祖父以白蓮會燒香惑眾至山童倡言天下大亂彌勒佛下生河南江淮愚民翕然信之福通等復詭言山

童實宋徽宗八世孫當為中國主殺白馬黑牛誓告天地約同起兵事覺縣官捕之急山童就擒其妻楊氏子韓林兒逃之武安。

八月蕭縣李二老彭趙君用反攻陷徐州李二號芝麻李亦以燒香聚眾而起麻城人鄒普勝等以妖術聚眾反亦以黃巾為號

徐壽輝 蘄州羅田人一名真與其黨倪文進等起兵攻陷蘄水及黃州僭稱皇帝國號天完改元治平據漢陽興國等十餘郡矣

十月信州及邵武雨黍饒州建寧雨黑子大如黍菽衢州雨黍民多取而食之十一月有星孛於西方十二月太白屢經天。

壬辰 十二年 隴西地震百餘日城郭頽起陵谷遷變會州公解牆崩獲弩五百餘張長者丈餘短者九尺人莫能挽 日食

郭子興 定遠人見汝穎兵起列郡騷動遂與其黨孫德崖等起兵自稱元帥攻援濠州據之其豪傑多入城以自保矣

石屋禪師 諱清珙常熟人族姓温母劉氏生有異光依崇福永惟出家祝髮受具登天目見高峯峯問汝為何來師曰欲求大法峯曰大法豈易求哉須然指香可也師曰某今日親見和尚大法豈有隱乎峯默契之授萬法歸一話服勤三年次參及菴發憤有省

法海 曰清明時節雨初時黃鸝枝上分明語菴頷之有已後與汝同龕之記及菴住湖之道場師典藏鑰菴謂眾曰此子乃法海中透網金鱗也後登霞巖山卓菴曰天湖居之復赴當湖福源朝廷降香幣旌獎皇后賜金爛衣詔謚佛慈慧照禪師是年七月卒有法語詩頌行出

高皇帝 先句容人祖渡淮考遷太平生四子上季子也先是陳太后夢一神人朱衣象笏饒丸藥光照室吞之既覺異香襲體遂娠焉及誕異香紅光凝結不散時大曆元年戊辰九月十八日也仁祖取水洗兒忽有紅羅來自上流取為兒祿自是室中常有異光生數日不食求醫遇一僧詢故告之僧曰夜子時食矣忽不見夜半果食兒時多病仁祖欲度為僧太后不欲年十七父母三兄相繼歿上孤子乃遵先志托身皇覺寺後出游道病有兩紫衣人與俱助其寢食病愈而去嘗夜陷麻湖群兒呼迎聖駕叱之不見崎嶇多載仍歸

寺中 年二十五值兵亂問筊於伽藍祝曰避難吉陽守舊吉陰筊乃一陰一陽更祝出居不可起義乎筊從之再祝筊躍立香爐上

帝入濠見郭子興與見狀貌奇之與語大悅取為親兵日益敬信以馬后妻之命掌征伐之事一統之業基於此矣

癸巳 十三 詔以西番僧為國師伽璘真為大元國師

帝自制宮漏約高六七尺為木櫃藏壺其中運水上下櫃上設西方三聖殿櫃腰設玉女捧時刻籌時至輒浮水而上左右列二金甲神人一懸鐘一懸鈺夜則神人自能按更而擊

又以内苑造龍船首尾長一百二十尺廣二丈上有五殿龍身并殿宇俱五采金裝自遊後官海子內遊戲船行則龍首尾眼爪皆動以官女撫舞名天魔舞每官中讚佛則按舞奏樂

張士誠 白駒場人為鹽綱司牙儉資性輕財好施頗得眾心見諸處

間呼噪入城官吏倉卒遁走即據高隄稱王國號周建元天祐將兵攻陷平江松江常州諸路地廣兵強遂為勍敵戰爭始于此

甲午 十四 正月朔汴梁河冰皆成五采花草如繪畫三日方解

年 學士黃潛謚文憲有日損齋藿義烏志筆記

寶洲沙門 諱覺岸號寶洲烏程職里寶相寺於菴沙門也學博通古今嘗考釋氏事實上下數千載年經國緯著為手鑑再治

釋鑑稽古 名釋氏稽古略蓋自有佛以來凡名師大德之行業出處以及塔廟之興廢僧侶之眾寡靡不具載本之內典叅之諸史旁及於傳記而間之以事之顯著者為之據歲月先後考覈精審無所遺闕李桓序實能補國史之未周葺禪編之大備一代之司南云

乙未 十五年 二月劉福通等迎韓林兒立以為帝又號小明王建都亳州國號宋改元龍鳳元年

六月我太祖高皇帝自和州渡江取太平路拔之耆儒陶安李習率父老出迎獻言曰明公率眾渡江神武不殺人心悅服以此順天應人而行吊伐天下不足平也

帝以天下兵起下罪已詔大赦天下

丙申 十六 兩日相盪 李實如黃瓜謠云李生黃瓜民皆無家

大明兵取集慶路御史福壽死之後謚忠肅改集慶為應天府
太祖入城諭曰我來此為民除亂耳各安職業民大悅更相慶慰
陶安謂太祖曰金陵古帝王之都龍蟠虎踞限以長江之險若取而有據其形勢出兵以臨四方何向不克此天所以資明公也

金陵 戰國楚威王時以其地有王氣埋金以鎮之故曰金陵漢曰秣陵吳曰建業晉曰建康六朝皆建都於此隋為蔣州唐為昇州

宋為江寧元為集慶置江南諸道行御史臺於此故謂南臺

○太祖渡江時或謂欲定天下僧金碧峰不可不見及至宣州見之僧跣跌危坐不為禮上叱僧亦叱上曰可曾見殺人將軍乎僧曰可曾見不怕死和尚乎上遂釋劍作禮僧答禮徐謂曰建康有地可王

鐵冠道人 張景和江右人道術高精數學謁見高帝曰明公龍瞳鳳目天地相朝五嶽俱附日月麗天附骨挿鬚聲音洪亮貴不可言但四圍滯氣如雲行月出之狀所喜者準頭黃明貫於天庭直待神采煥發如風掃陰翳即受命之日也應在一千日內且邊地驛馬有驚氣南行遇敵切須戒慎上奇之留於幕下常結廬鍾山居都下數年一旦無故自投於大中橋水死求尸不獲仙去不復見

○學士朱升謂高帝曰高築墻廣積糧緩稱王外無他言

天岸法師 諱弘濟字同舟天岸其號也會稽姚氏子從寶積寺舜田

犀角如意 教乘修懺懇切於觀定中見一尊者授以犀角如意自是辨博無礙開法於萬壽圓覺寺况沙擲地以救海岸之崩後主顯慈集慶二寺遷主會稽圓通修念佛三昧詔住大普福寺歸清鏡閣是年歿僧傳

丁酉 三月大明兵克常州張士誠遣其弟士德以兵來援徐

有龍鬪於樂清江颶風大作所至有火光如毬死者萬餘人

陳友諒 沔陽漁家子嘗為縣吏不樂會壽輝文俊兵起慨然往從之

至是文俊謀殺壽輝不果奔黃州友諒因乘釁襲殺之遂并其軍自

稱平章壽輝不能制兵勢方強後并殺徐壽輝自稱帝國號漢改元

大義據湖廣等路後為太祖所滅箭貫頭顱而死

千巖禪師 諱元長字無明號千巖蕭山人族姓董母何氏幼構疾母

部於靈芝寺律師後叅狗子無佛性話中峰為之決擇印正囑師善

自護持師隱天龍有二蛇日來遶座師為說三皈五戒蛇矯首低昂

作拜舞而去自是薦起住持藉甚師不允而往烏傷伏龍山興復聖

壽伽藍名聞朝廷降名香以寵嘉之賜僧伽黎衣及普應妙辨之號

後加佛慧圓明廣照普利之謚王臣嚮道者眾九州外國傾德敬仰

絕宗禪師 諱善繼謚文明海慧諸暨婁氏子母王氏夢神僧授白芙

習天台教次謁湛堂問答慶快湛堂謂眾曰法輪轉於他日將有望

於斯子矣居第一座王崗潤公亦居師第一出住良渚講金光明經

夢四明法智謂曰爾所講經與吾符合自是益加精進嘗示眾曰止

觀一部即法華三昧之筌蹄一乘十觀即法華三昧之正體汝等須

行解並馳正助兼運則圓位可登而不負祖師命宗之意也後專修

淨業繫念彌陀晝夜不輟一日忽告眾曰佛祖弘化貴乎時節因緣

緣與時違化將焉托吾將歸矣端坐而逝是年七月二十二日也壽

七十二茶毘舌根不壞塔於靈秘之西得法上首玘大璞云

字中禪師 諱懷信字字中姓姜奉化人母劉氏夜夢大星墮室中有

從法華院子思出家祝髮受具戒於五臺寺學三觀十乘於半巖全

公扣禪宗大旨於竺西坦公又值雲外岫公後出世明之觀音遷住

荷法

白期

齊古集

戊戌 十八 宋龍鳳 學士歐陽玄。字原功。文章道德卓然名世。比
年 四年 大制作。多出其手。年八十五。謚曰文。圭齋集。

明玉珍 隨州人。集鄉兵屯於青山。未幾降於壽輝。及倪文俊陷蜀。令
王珍守之。文俊死。遂自據成都。蜀中郡縣皆附。號夏。改天統。

○正月陳友諒陷安慶。元守將余闕死之。謚忠烈。後立廟歲時致祭。

○三月宋毛貴破濟南。元右丞董搏霄死之。殺無血。見白氣衝天死。

○十二月大明兵取婺州路。守臣僧住死之。

○太祖諭諸將曰。戡亂雖以武。而安民必以仁。師旅之行勢如烈火。火
烈則人必避之。為將者能以不殺為心。非惟國家所利。在已亦蒙其
福。爾等從吾言。則事不難就。大功可成矣。

巳亥 十九 龍鳳 四月帝以天下多故。却天壽節朝賀。詔曰。朕宜
年 五年 敬天地法祖宗。以自修省。初度之日。群臣毋朝。

浮休法師 諱允若。字季蘅。號浮休。若耶人。依雲門元公。十五剃度。謁
大山恢法師。受天台教觀。次禮湛然。凡法智所集立之義。

錢塘 靡不精究。隨湛堂入燕京。朝廷錫以慈光圓照之號。出住淨聖院。復
主杭之興化。與天岸濟我菴無王庭罕。道望並峙。世稱錢塘四依。後

雲門 居雲門。又與斷江恩。休耕逸。臨風吟咏。又稱雲門三高。歷越之圓通。

三高 遷上竺。纓絡泉。久涸。禱之。泉湧。命曰再來泉。築精舍。修法華三昧。為

暮年淨業。後罹賊難而終。是年二月二十九也。壽八十。臘六十五。茶
毘舍利如菽。無筭。師不妄言笑。趙子昂稱為僧中御史。有內外集云。

大用法師 諱必才。字大用。姓屈氏。台州人。十二從西瞿法師出家。祝
髮進具。謁湛堂澄公。親玉崗潤公。執經入室。雖至流金之

靈山 暑。折膠之寒。足不踰戶。山家之玄。教觀之要。悉臻其奧。玉崗嘆曰。此
子非靈山會上業已習之。烏能至此哉。隨玉崗於德藏。命師分座講

已習 演。辨若雨注。河翻聽者稱之。繼主德藏。後遷杭之興福。次補演福。順
帝特賜佛鑒圓照之號。是年三月十九日焚香。高稱彌陀佛號。盡一

晝夜告眾曰。吾淨土緣熟。三昧現前矣。為書以別相識。合掌而逝。茶
毘有五色光。自龕中發火。舌根齒牙不壞。舍利滿地。穴地尺許。亦有

得者。壽六十八。臘五十六。所著有妙玄文句。止觀增治助文。法華涅槃
繫講義。章安荆溪法智禮文。詩偈等。並行於世。僧傳。

桐江法師 諱紹大。嚴之桐江人。因為號。姓吳。母李氏。入鳳山寺。祝
髮受具。私曰。化龍之魚。肯以蹄涔求生乎。謁雙徑大辨陵

法無 公。公以單傳心印。詰難久之。復徧參各宿。知法之無異味也。閱大藏
教。至三過。通其旨趣。出世景德寺。興復廢墜。詔住義烏寶林。一時法

異味 席號為極盛。是年八月初七日。儵然而化。壽七十四。臘五十八。闍維
舍利如紺珠。齒牙貫珠不壞。有三會語錄。并桐江集行世。

庚子

二十 正月五色雲現 大都有杜鵑
年 彗星見於東方 五月朔日食雨雹

劉伯溫

諱基括蒼人自幼聰明絕倫凡天文兵法性理諸書過目洞
識其要嘗遊西湖有異雲起西北光映湖水時魯道源與諸
同遊者皆以為慶雲劉曰此天子氣也應在金陵十年後有王者興
我當輔之諸人以為狂悉去之惟西蜀趙天澤奇之以為諸葛孔明
之流是年太祖下金華定括蒼基乃指輒象謂所親曰此天命也豈
人力耶太祖遣孫炎聘之劉趨金陵陳時務十八策上嘉納之
○楊憲曰福基於至誠禍生於反覆

辛丑

二十 宋龍鳳七年 正月朔奉小明王慶賀禮劉基怒罵不
一年 漢大義二年 拜陳太祖以天命所在乃定征伐之計

竺遠禪師

諱正源字竺遠歐陽姓南庸人二十七受具始見陵公問
答省悟智開識融外內無礙雄談慧辨動靜皆空住興聖
道場靈隱諸名刹帝師錫以佛慧慈照普應禪師之號方鎮大臣邀

智開

識融

請住持徑山是年六月二十六日歿壽七十二臘四十五塔於徑山
○八月大明帥師伐漢徐達曰師直為壯劉基曰取威制敵在此時也

水菴禪師

諱守貴字無用族甄氏婺州人十八學法為僧首謁千巖
長公與向上之機默究有契隨千巖與聖壽古刹後還天

江殊

龍復叅中峯斷崖梁山反覆扣答初無異致師曰千江雖殊而明月
則一吾今無復疑矣是年八月二十日作偈寄別丞相帖睦爾公頌

曰一蝸臭殼內外穢惡撒手便行虛空振鐸天龍一指今猶昨擲筆
而化丞相大加嘆異壽七十二臘五十四塔於天龍西崗

壬寅

二十 宋龍鳳八年 二月彗星見於危宿光丈餘色青白
二年 漢大義三年 三月長星見虛危間形如練數十丈

松隱禪師

諱德然號唯菴雲間張氏子出家得度後謁千巖禪師有
所悟入又謁石屋於霞幕山屋書松隱二字授之師至華
亭構室以名額焉又主千巖所居之壽聖刺血書經有語錄行世

癸卯

二十 宋龍鳳九年 正月明王珍稱帝建國
三年 漢大義四年 號大夏改元天統元年

七月陳友諒圍洪都太祖帥諸將討之大戰於鄱陽湖友諒敗死
○是戰也友諒驍將奮犯太祖之舟計無所出韓成服上冠袍投水死
○劉基大呼難星過可更舟太祖更之未半餉舊舟為敵砲擊碎矣
○又張鐵冠笑賀曰友諒死矣降卒來言友諒為流矢貫睛及頭而死
周顛仙 建昌人每見人必曰告太平飲酒極多終不醉太祖嘗命覆
以甕積薪煨之火息啓視正坐晏然及征友諒問此行何如

應聲曰好。仰視屋久之曰：上面無他底，從行苦無風。顛曰：只管行，只管有風，不行便無風。既而迅颺猛作，及見江豚，顛曰：水怪見，損人多。

甲辰 二十 宋龍鳳十年 正月，太祖建國號曰吳。
四年 夏，天統二年 二月，陳理降，江西悉平。

陳友諒用鏤金牀，斯進太祖曰：陳氏窮奢極靡，焉得不亡。侍臣曰：未富而驕，未貴而侈，所以取敗。太祖曰：既富豈可驕，既貴豈可侈乎。

實菴禪師 諱茂，號松隱，實菴其字。族鄭，母胡氏，奉化人。年十六，依傳法寺希顏出家，受戒於昭慶惠律師。見南澗泉公，復謁古

林茂公，林曰：子明知四大五蘊是生死根本，何故入此葦囊耶。師擬議間，林以錫杖擊之，師豁然悟入。後會月江印公於湖之道場，請師分座說法。大衆允悅，宣政院命居瑞雲之清涼寺，奏賜佛光普照之謚。住十五年，退隱惠堂。是年八月二十七日，憑几握右手為拳，以額枕之而逝，壽八十五歲。

乙巳 二十 龍鳳十一年 二月，日旁有一月一星。

五年 天統三年 四月，日中有一黑子。

五月，大都雨，鼇長尺許，或曰龍鬚也，命拾而祀之。

○冬，太祖置國子學於應天府，規模宏麗，行至廣業堂前，偶發一言云：天下有福兒郎，應得居此。迄今居此者，往往古魁選，躋位三台者焉。

丙午 至正二年 龍鳳十二年 二月，黃河北徙，自東明曹濮及濟寧。

五月，太祖訪求古今書籍，藏之祕府，以資覽閱。

太祖曰：孔子之言，真治國之良規。孔子誠萬世之師也。

八月，拓建康城於鍾山之陽，延亘周迴五十餘里，盡據山川之勝。

十二月，太祖立宗廟社稷，曰：宮室但取完固而已，何必雕巧。

十二月，宋主小明王韓林兒殂。

曇芳禪師 諱忠，法號廣慈，住持無還禪師。富

徑山，當四十九代云。

丁未 二十 吳元年 正月，絳州夜聞天鼓鳴，其聲如空中戰鬪者。

七年 開熙二年 三月，太祖定文武科取士之法。

應文舉者，察言行以觀其德，考經術以觀其業，試書筭以觀其能，策經史時務以觀其政事，應武舉者，先以謀畧，次以武藝，俱求實效云。

○六月朔，日食。皇太子寢殿後新甃井，中有龍出，光焰爍人，宮人仆地。
○九月，大明兵取平江路，執吳王張士誠以歸。士誠閉目不食，自縊死。
○十月，大明兵取通州及台州，時溫台等皆方國珍所據，相次以降。
○太祖命大將徐達副將常遇春北定中原。
○太祖定律令，頒戊申曆。○十二月，大明兵討方國珍降之。

南楚禪師

諱悅隆興人。法號佛慈法喜。住持徑山當五十大云。

集列八十有五人。附見一百廿三人。

東昌法師

昊天講主

逸林上師

虛照禪師

海雲禪師

仙林法師

古源法師清

竹堂法師傳

雲夢法師澤

癡絕法師冲

無準禪師

偃谿禪師

西雲禪師

著赤上師

刺温卜師

栢林法師潭

萬安法師揀

寂照禪師

方山律師寶

大德法師圓

關輔法師懷

南陽法師慈

大林法師性

海聞和尚

法照禪師禧

淵叟法師洪

大德律師温

明靜法師志

無極法師度

北溪法師開

歲叟禪師

佛鑒禪師銛

羅山法師常

月庭法師忠

孤舟法師濟

慶菴法師吉

及菴禪師

舜田法師滿

靈芝律師

思恭法師

大山法師恢

子思法師

半巖禪師

玉庭法師罕

別傳禪師教

西瞿法師

大辨法師陵

梁山禪師寬

希顏法師

南澗法師泉

昭慶律師惠

古林禪師茂

月江禪師印

日溪禪師泳

天心法師素

良偉法師

東白法師明

開元法師奉

方山禪師瑤

無見禪師觀

斗巖禪師芳

無用禪師

無一禪師全

春谷法師

古懷法師

空中法師假

靈岩禪師芝

無方禪師普

小隱法師大

毒種法師曇

成山法師欽

寶覺法師簡

古田法師滋

無言法師宣

訥翁法師謨

崇恩法師簡

孤嶽法師

古崖禪師純

石門禪師剛

布衲禪師雍

止巖禪師

壽彌法師

北禪法師澤

士瞻禪師杓

石室法師瑛

大均法師

明慶律師果

高麗法師教

一山法師元

佛海法師

賢叟法師思

竺西禪師坦

明極禪師峻

竺田禪師霖

雲寂法師温

如海法師真

仲方禪師倫

竹屋法師淨

子文法師良

雪庭法師

覺源禪師濬

橫雲禪師岳

毒海禪師清

鐵關禪師樞

東嶼禪師海

石林禪師輦

虛谷法師靈

清拙禪師澄

淨覺法師

法秀法師

了然法師義

東陽法師輝

平山法師等

覺隱法師誠

慈觀律師

無隱法師範

一山禪師寧

普覺禪師明

白巖禪師真

雲外法師岫

弘教禪師立

子庭法師訓

東林禪師曉

元起太祖丙辰至順帝丁未凡一百六十二年

自世祖至元巳卯滅宋混一至順帝至正丁未實計八十九年

茲集自世祖至元甲子至順帝丁未凡一百四年

旃檀瑞像自周穆王庚寅止至正丁未計二千三百五十九年

世尊入滅自周穆王壬申止至正丁未計二千三百十七年

大教東被自漢明帝戊辰止至正丁未計一千二百九十六年

釋鑑稽古略續集一

皇明崇禎十一年春月金蓋雲遽
壽光比丘寓杏溪遽菴纂錄編次

釋鑑稽古略續集二

還庵居士嚴爾珪校梓

歸安杏溪遽菴比丘大聞 幻輪彙編

皇明

初建都應天府為南京
次遷都順天府為北京

太祖 建文帝 成祖 仁宗 宣宗 英宗 景熹帝 憲宗
孝宗 武宗 世宗 穆宗 神宗 光宗 熹宗 聖上

太祖高皇帝

帝生於濠州龍光輝炎人咸驚異元順帝壬辰三月起兵
後代郭子興將兵渡江取太平集慶為興王之基次滅陳

友諒張士誠等為吳王後北定中原混一天下即皇帝位在位三十

一年崩於西宮壽七十一上徽號曰聖神文武欽明啓運駿德成功

統天大孝皇帝廟號高祖葬孝陵帝以天縱之資不階寸土一民

卒成大業雖曰天命人歸要亦神武不殺之所致也

戊申洪武元年

正月四日乙亥上親為文祭告天地於南郊禮成即
皇帝位於郊壇南定有天下之號曰大明建元洪武

追尊四代祖考皆為帝后立妃馬氏為皇后立世子標為皇太子

是日天宇澄清香霧凝結獨露中星實天開景運之徵也

○以李善長為中書左丞相徐達為右丞相章溢為御史中丞。

○上為東宮設官曰夫舉賢任才立國之本崇德尚齒尊賢之道又曰

連抱之木必以授良匠萬金之璧不以付拙工。

○勅立典祀曰園丘曰方丘曰宗廟曰社稷以祀天地祖宗百祇。

○頒律令諭司律令者治天下之法也令以教之於先律以齊之於後

諭州縣官曰初飛之鳥不可拔其羽新植之木不可搖其根。

尚寶司 職在禁庭凡寶十四曰奉天之寶以鎮萬國祀天地曰皇帝

之寶以冊封賜勞曰皇帝信寶以徵召軍曰天子之寶以祭

享鬼神曰天子行寶以封賜夷蠻曰天子信寶以調發蕃兵曰制誥

之寶以識誥命曰勅命之寶以識勅命曰廣運之寶以識黃選勘籍

曰御前之寶以進御座從車駕曰皇帝尊賢之寶以答賜宗人曰敬

天勤民之寶以訓迪有司凡扈守侍衛令牌之號六曰申木火土金

水以警夜巡金牌之號五曰仁義禮智信以嚴守衛凡半字銅符之

號四曰承東西北巡者左半守者右半合契而從事焉凡銅牌之號

一曰勇以稽直卒凡牙牌之號五曰勳親文武樂以察朝參凡祭牌

之號三曰陪俱執以謹祀事凡雙魚銅牌之號二曰嚴以肅直衛曰

善以潔祀壇凡符驗之號五曰馬水達通信以給傳郵通制命。

○設登聞鼓御史監之有冤抑機密重情許擊鼓御史引奏。

三月以劉基為御史中丞兼太子贊善大夫嘗與上論兵克敵制勝

上曰闔闢奇正頃刻變化猶風雲之無常勢要在通其變耳

會堂禪師 諱自緣號會堂臨海人族姓陳母感奇夢而生從白雪寺

省親道途艱險發心建構為游行者歇息之所初修妙果寺次創圓

通閣華嚴寶閣復築彌陀閣像十六觀相以啓人淨土正因事聞於

朝授師金襴法服賜佛心普濟之號復建報恩禪院率眾修持囑以

見性為急是年三月日逝世壽五十九臘四十三塔於寺之西北

原璞禪師 諱士璋字原璞海寧王氏子生即伏犀貫頂目炯炯如點

為僧時我菴無公主上天竺師將禮謁而夢游寶所跪禮懺文果見

我菴得其青目凡天台教觀一家章義以次授師與天心瑩素旦夕

磨切詰難極至眾稱雙壁焉受命住持柄真得叩大用才公絕宗繼

公二師教觀之奧嘗曰佛法教海渺若烟雲非獨善所能究盡使我

自畫而不進其能免於孤陋之咎乎移主旌德與眾講演弗倦洪武

改元集慶虛席郡守李公延師主持未幾中書被旨俾浙之東西五

府名利住持咸集京師共覽天界立善世院以統僧眾同監董其役

諸方耆德皆莫知所為師獨出方略具有條叙時十萬之眾咸做法

佛心 普濟

眾稱 雙壁

齊勞 齊勞

焉是年六月預知時至召弟子囑以後事至十七日坐脫壽四十六臘二十八塔於龍井辯才塔南弟子圓覺一印昇元克勤等云

○定天子祭祀冕服 定宗廟時享之禮 禁宦官不得典兵預政

○王禕疏人君修德之要忠厚以為心寬大以為政二者君德之大端

○元都城紅氣滿空如火照人 越二日黑氣起百步內不見人

○元主集后妃太子群臣會議於端明殿忽有二狐自殿上出元主曰

此天所以告朕朕其可留哉至夜半遂開建德門北去如上都

○京城天鼓鳴 大赦天下與民更始惟十惡不赦

○設六部官職以分理天下庶務 下詔求賢

天真禪師

諱惟則字天真菰城費姓母沈氏夢異僧而生禮善壽為師受具後謁佛日琦千巖長無見無用等十八人皆不相

涉世

入最後往匡阜無極源公處釋然頓悟有誓不涉世之戒然於隨根善導契悟者曰黶是年徵天下高僧赴京師大興法事白菴金公首

以薦師俄以足疾告還一日侵曉忽告眾曰吾去矣侍者請偈厲聲

曰平常說底不是耶遂下曉而逝茶毘頂骨齒舌不壞壽七十一臘

五十八敵上胡秋碧寫師神儀日本國人售歸以供天真語錄行世

以張正常為真人去其天師之號上謂群臣曰至尊惟天豈有師也

以此為號褻瀆甚矣改天師印為真人印

巳酉

洪武 正月封京都及天下城隍神 命祭天下五嶽五鎮四

二月上耕籍田 詔修元史 詔立皇陵碑 加仁祖淳皇帝陵

無盡禪師

諱祖燈字無盡族王氏四明人父好謙嘗書華嚴五色設

利見於筆端師年方幼乃曰般若之驗一至於斯乎出家

郡之天寧依僧良偉事住持東白明公受戒於開元奎公參日溪泳

公發明大事復叅中峯方山無見斗巖諸公印其所證後至天台上

雲峰

雲峯勝地卓錫其中至終身焉師與其徒以苦行自持冬一裘夏一

葛朝夕飯一盂影不出山人多化之荆棘之區變為宝坊上雲之境

為諸禪林之最師天性孝謹迎母董氏養膳以終師是年示疾二月

八日祝眾曰色身無常早求證悟時至吾將行焉侍者乞偈乃書曰

生滅與去來本是如來藏撥破五須彌廓然無背向端坐而逝壽七

功臣廟

徐達為首次常遇春李文忠鄧愈湯和沐英胡大海馮國用

一人命死者塑像於廟祀之生者仍虛其位 在鷄鳴山

定大廟功臣侑享廖永安俞通海張德勝桑世傑耿再成胡大海趙

德七人已卒祀廟中後罷永安而徐常李鄧湯沐六人皆上親定

虛堂禪師

諱永寧字一源通州人姓朱母李氏投廣慧寺兆知其為宋淮海禪師之再世也僧錄司給牒剃度往叅太湖山無

用用以多方煅煉成師美器執侍三年授以遇龍即住遇池便居初

二耳

住廣德大洞之實相寺與石溪無一全公相望人稱二甘露門焉後

露

遷宜興龍池名符懸記欣然愜意作室數十楹命曰禹門興化菴與

三番

龍神受三皈依戒帝師降以弘教普濟之號後於李山禪寺詔集沙

賜號

門千七百人閱大藏經七日師陞座敷演天降甘露之祥主常之天

寧

萬壽輪奐鼎新元順帝賜號本覺妙明真淨禪寺命補天童景德

禪寺大華嚴寺悉以疾辭有旨入觀說法於龍光殿上悅賜金爛法

衣兼以玉環加號佛心了悟帝師亦有絳袍毳帽之賜奉旨函香至

五臺山大士為現祥光五道鎮南王延師入宮稟受大戒賜白金盃

遣衛護還龍池募善信萬人為萬善同歸會瘞兵後枯骨至無萬數

時大旱徇鄉民之求結壇誦呪大雨如注歲有登是年六月示微疾

命制緼衣且曰吾將逝矣十七日書偈云七十八年守拙明明一場

敗闕泥牛海底翻身六月炎炎飛雪側臥而化茶毘有五色現齒牙

舌根數珠不壞烟所及處皆成舍利於紫雲建塔藏焉

○七月常遇春卒年四十追封三代皆王二子皆公配享太廟位第二

○十月命天下郡縣皆立學校膏露降乾清宮後苑之上

甘露

此云膏露光潤如酒凝結如脂又如珠昉白飴甘彌布松栢馨

李善長等率群臣稱賀又永樂間降於孝陵松栢凡四日凝為玉脂

融為膏液粲若垂珠聯若編貝抵薦宗廟頒賜百官芳美旁達莫可

擬倫○近有一種名曰爵餒其色白濁其味甚甜其臭松脂嚼之膠

舌頗重饑食之致病多食之則死此其驗也

○章溢有文武才蒞官所至有成績天性孝友撫世訓物一本於誠每

論大事議論不避權勢必拆衷於理官至御史中丞至是卒諭祭之

庚戌

洪武 正月追封外大父為楊王立廟京師親祭之

別峯禪師

諱大同字一雲上虞王氏子母陳氏臨誕父見麗眉異僧

而師生因知其再來人也捨入崇勝寺雜染究清涼宗旨於春谷法

師精四法界觀於古懷肇公見晦機熙公深有悟入見中峯禪師託

以弘揚賢首之教特書偈讚清涼像付之師大喜曰吾今始知萬法

本乎一法不識孰為禪又孰為教也仍侍春谷分座講華嚴大經延

祐間屢住淨土寺景德東塔寶林諸刹然寶林乃清涼國師肄業之

地也師居之而來學者甚眾至正初賜佛心慈濟妙辨之號并金闌

孰禪

孰教

臂香
請雨

法服歲旱師焚臂香請雨大澍。洪武初年鍾山法席召見武樓賜宴禁中。餽幣金珍物以榮其歸。師持律甚嚴。一鉢外無長物。惟有書史五千餘卷。洪武二年冬示疾。三年春三月十日說法辭眾歸方丈坐逝。壽八十二。臘六十五。所著有天柱稿寶林類編等集行世。

習禪
不寐

白雲禪師

諱智度。號白雲。麗水人。族姓吳。母葉氏。年十五投禪智寺。空中假公難染。受具。深習禪定。達旦不寐者三載。於白雲山築舊福林院以居。閱楞嚴圓覺二經。見靈巖芝公。斷崖義公。無見覩公。深得禪宗與旨。又見無方普公。小隱大公。機緣暗合。旋歸福林。與毒種曇公。成山欽公。互相策勵。惟恐失之。洪武二年。詔天下名僧而師預焉。還居虎跑。復趨華頂。是年二月微疾。回至福林。三月日沐浴易衣。書偈曰。無世可辭。無眾可別。太虛空中。何必打楸。擲筆而逝。壽六十七。臘五十二。闍維舍利五色。齒牙數珠不壞云。

○四月冊封諸皇子為王。封第二子棣為秦王。第三子櫚為晉王。第四子棣為燕王。第五子橚為周王。第六子植為楚王。第七子樽為齊王。第八子梓為潭王。第九子杞為魯王。第十子檀為蜀王。姪孫守謙為靖江王。皆授以冊寶。設置相傳官屬。

○定科舉格。初場各經義一道。四書義一道。二場論一道。詔誥表箋內科一道。三場策一道。中式者後十日。以騎射書筭律五事試之。

○危素字太朴。金谿人。以文學知名。元末官至學士。元亡欲投井死。僧大梓挽出口。國史非公莫知。公死是死國史也。後仍為學士。謫和州。夏久不雨。上躬自禱。素服草履。步詣山川壇。晝暴於日。夜臥於地。皇太子捧榼進農家食。雜麻麥菽粟。凡三日。既而大雨。四郊霑足。

古庭法師

諱善學。號古庭。姓馬氏。年十七為大僧。投寶覺簡公習華嚴宗旨。簡公曰。學上人。可謂名實相副矣。名稱勃然。推為人望。別傳教公。古田滋公。無言宣公。俱以上席聘之。師還東林隱居。專修白業。行華嚴懺法。修淨土五悔諸文。藉是以祈生安養。眾請主

淨土。陽山之大慈。大弘賢首之教。以續佛慧命。歲旱為眾禱雨。輒應。是年四月二十日。以官賦違期。徙抵池陽而化。年六十四。於宿業不違也。

楚石禪師

諱楚琦。字楚石。明州象山朱氏子。母張夢日墮懷而生。師襁褓時有神僧摩其頂曰。此佛日也。他時能照燭昏衢。因

道場。小字曇耀。七歲讀書。即了大義。號為奇童。九歲投永祚寺訥翁出家。依崇恩詢公。薙染。往昭慶受具戒。隨詢師住道場。司藏室。閱楞嚴經。有省。參元叟端公。問云。言發非聲。色前不物。其意何如。叟就以師語詰之。未徹。會元英宗金書大藏。應選上京。一日聞城樓鼓聲。汗下如雨。曰。徑山鼻孔。今日入吾手矣。偈云。拾得紅爐一點雪。卻是黃河六月水。再參元叟。一見謂曰。西來密意。喜子得之矣。出世海鹽福臻。升

鬼神
救塔

主永祚。創大寶閣。鑄千佛聖像。建七級浮圖。高二十四丈。功垂就。勢偏將壓。師禱之。夜乃大雨風。聞鬼神相語曰。天寧塔偏。亟往救之。遲明塔正如初。遷杭之報國轉嘉興之本覺。構萬佛閣。宏偉壯麗。儼若天宮。下移人世。帝師嘉其行業。賜以佛日普照慧辨之號。頗符昔日神僧之讖。頃赴報恩之請。退築西齋。以終老焉。洪武元年。赴蔣山法會。師陞座說法。二年復然。賜宴文樓下。親承顧問。餽以幣金。三年七月。示疾。具浴書偈曰。真性圓明。本無生滅。木馬夜鳴。西方日出。謂夢堂曰。吾將去矣。堂曰。子將何之。師曰。西方。堂曰。西方有佛。東方無佛。耶。師厲聲一喝。泊然而逝。是月二十六日也。茶毘齒舌數珠不毀。舍利纍纍如珠。塔於天寧永祚寺。壽七十五。臘六十三。師所著有六會語錄。淨土詩。上生偈。北游鳳山西齋三集。和天台三聖詩。及永明壽陶靖節。林和靖諸作。為國初第一等宗師云。

○十一月。斑爵行賞。封公者六人。李善長。宣國公。授開國輔運推誠守正文臣。進封韓國公。徐達。信國公。授開國輔運推誠宣力武臣。進封魏國公。常遇春。封鄭國公。馮勝。封宋國公。李文忠。封曹國公。鄧愈。封衛國公。封侯者二十八人。鄒封汪。廣洋忠勤伯。劉伯溫。為誠意伯。鐵券。其形如瓦。面刻誥文。背鐫免罪減死之數。字嵌之金。高廣有差。第為七等。刻而為二。一頒功臣。一藏內府。有故則取合之為信。

帝宴功臣。罷有云。明者當燭於未形。昧者猶蔽於已著。事未形猶可圖也。患已著則無極矣。人處富貴。欲不可縱。欲縱則奢。情不可佚。情佚則淫。奢淫之至。憂危乘之。今與卿等。恐久而忘。故戒勉之。

傑峯禪師

諱世愚。號傑峯。西安人。族姓余。母毛氏。夢觀音送青衣童子而生。師自幼好禮佛塔。長依顯教。孤嶽剃度。刺血書金剛經。謁古崖純公。石門剛公。得聞用力之要。兀坐如枯株。又見布衲

忘月
逆日

雍公。斷崖中峯。諸善知識。叅大慈山止巖成禪師。指示力究。而得大悟。偈云。夜半忽然忘月指。虛空迸出日輪紅。之句。止巖印可。服勞三載。後興復西安福慧古刹。帝師聞之。賜以佛智弘辯之號。遷主石溪興龍禪寺。嚮化者甚眾。連應古望龍眼寶蓋。普潤四刹。皆為第一代。洪武三年冬十二月。赴郡守黃公水陸大齋佛事罷。示疾。勉眾以精進入道。書偈云。生本不生。滅本不滅。撒手便行。一天明月。擲筆而化。壽七十。臘五十。塔於烏石慈雲院。有二會語錄。弟子十五人云。

辛亥

洪武四年。賜皇太子王圖書曰。大本堂記。中宮圖書曰。厚載之記。

介菴禪師

諱輔良。字用貞。號介菴。吳縣人。范姓。文正公之十世孫也。父伯和。母鄭氏。師幼稟出塵之相。十五從迎福院壽彌羅。染具戒。慨然曰。學佛將以明心。心非師無以明。終日墻面可乎。事北

禪澤公以習天台教觀。因士瞻杓公策見笑隱訥公。以究禪宗大旨。次與石室瑛公縱橫叩擊。出世嘉興資聖寺說法。增崇殿宇。遷天章移中天竺。傾嚮日衆。最後興建靈隱古刹而終焉。是年正月十六日逝世。年五十五。臘四十。閣維齒牙堅潔。舌根紅潤。皆不壞。舍利盈升。

九奏樂章

冷謙制。一曰本太初。二曰仰大明。三曰民初生。四曰品物享。五曰御六龍。六曰泰階平。七曰君德成。八曰聖道成。九

曰樂清寧。上曰禮以導敬。樂以宣和。不敬不和。何以爲治。

冷謙

字啓敬。杭州人。精音律。善鼓瑟。工繪畫。元末以黃冠隱居吳山。頂上飄然有塵外之趣。國初召爲太常協律郎。郊廟樂章多所

裁定。常遇異人傳仙術。能隱身於瓶。呼則應。碎瓶而片片皆應。

○八月上手書問劉基以天象事。基條答以爲雪霜之後。必有陽春。今

國威已立。宜少濟以寬。上以其書付史館。或有言殺運三十年未除者。基曰。若使我當國。掃除俗弊。一二年後。寬政可復也。按殺運至靖難後除。

覺原禪師

諱慧曇。字覺原。天台人。族姓楊。母賈氏。夢吞明月珠而生。依法果寺大均出家。十六受具戒。學律於昭慶果公。習律

於高麗教公。聽止觀於上竺澄公。時笑隱訥公敷禪宗於中竺。師往陳求道之切。公曰。從外入者。卽非家珍。道在自已。奚向人求耶。師退。疑神獨坐久之。公一日舉百丈野狐語。師大悟曰。佛法落吾手矣。只

師子

兒

福德

僧

爲分明極。翻令所得遲。公曰。爾見何道理。敢爾大言耶。師展兩手曰。不值半值錢。公額之。從訥公於龍翔寺。隨之以見元文宗於奎章。師

能神氣恬然。訥公云。真吾家師子兒也。後出世牛頭山之祖山堂。殿

閣一新。遷清涼廣慧禪寺。起廢一如牛首。帝師嘉之。授以淨覺妙辨

之號。太祖定建業。師謁見於轅門。太祖一見而嘆曰。此福德僧也。命

主蔣山太平興國寺。次年詔主大天界寺。每設法會。師必演揚。車駕

數臨。恩賜優渥。帝書天下第一禪林懸於三門。洪武元年。開善世院

授從二品。以師爲演梵善世。利國從教大禪師。住持天界。統諸山釋

教事。頒降誥命。俾服紫衣。僧有行非法者。有言當痛治。師曰。諺有之

大林有不材之木。能盡去乎。祇益釋門之醜耳。事呈露。勿恕可也。洪

武三年。奉使西域。四年九月。有疾。呼左右曰。予不能復命矣。遂卒。壽

六十八。臘五十三。外國王以香棺。香薪。茶毘。瘞靈骨於其國。辟支佛

塔之側。門友宗泐。奉遺衣藏於南京聚寶山雨華臺之間云。

瞽菴禪師

諱顯示。號瞽菴。姓盧。母金氏。夢觀音大士。現五色雲中而

生。二十一投悟本院。一山元公剃落具戒。首謁天岸。指見

佛海。精究天台教觀。大小部文。義悉貯胸中。叩之則辯說如注。更親

虎岩。願公賢叟。思公而道益進。出世隆壽教寺。增輝舊制。遷顯嚴教

寺。殘毀重新。受聘主崇恩演福教寺。汲引方來。竭盡平昔所蘊。後山

栖專志於西方淨土之業。終日繫念。屢有靈驗。是年月日順寂。

壬子 洪武 上以歷代傳國璽未得。遣將覓之。三月給僧道度牒五年。命賑給無告老幼男婦。詔各有司。舉行鄉飲酒禮。

春卽蔣山寺建廣薦法會。命四方名德沙門。先點校藏經。

御署曲名 命宗泐撰獻佛樂章。既成。呈進署名。一曰善世曲。二曰昭信曲。三曰延慈曲。四曰法喜曲。五曰禪悅曲。六曰徧應曲。

七曰妙濟曲。八曰善成曲。勅太常諧協。舞之。節用之。著爲定制。

廣薦法會 時海宇無虞。洽於太康。文武恬娛。雨風時順。上是恭默思

命而終。動億萬訃。靈氛糾盤。充塞上下。吊奠靡至。烝然無依。天陰雨

濕之夜。其聲或啾啾。有聞宸衷。盡傷若疚。在躬。且謂洗滌陰鬱。升陟

陽明。惟大雄氏之教爲然云云。宋文憲公有記有詩。備護法錄。

蒲菴禪師來復。有鍾山稿一編。備錄本末。及祥異諸事尤悉。

○命僧道錄司。造周知冊。頒行天下。寺觀。凡遇僧道到處。卽與對冊。其

父母籍。告度。月日。如冊不同。卽爲僞僧。

孤峯禪師 諱明德。號孤峯。昌國人。族姓朱。母黃氏。夢僧珎。公托宿。遂

戒。首謁竺西坦公。聞舉世尊拈花之事。而有省。次見晦機熙公。明極

峻。公而了無障礙。又遇竺田霖公。舉泥牛入海公案。而群疑頓釋。又

與仲方倫公。結菴於桃花塢。相與激揚。閱華嚴大經。出世於東禪寺。

再遷集慶之保寧。煅煉來學。興復破壞。帝師授以圓明定慧之號。副

以金爛法衣。一時縉紳莫不願與之交。三遷湖之道場。建造次第就

緒。又赴杭之淨慈之請。逮入國朝。謝歸道場竹林菴。一日戒其徒曰。

吾身雖微。一真之性。與如來等。世相起滅。無異石火電光。晝夜勤行。

毋生退轉。書頌入滅。壽七十九。臘六十二。瘞骨東岡。四會語錄行世。

壁峯禪師 諱寶金。號壁峯。永壽人。族姓石。父稱長者。母張氏。嗜善。弗

未幾生師。白光照室。六歲依雲寂温法師爲弟子。薙染受具。詣講肆。

窮性相之學。演說如貫珠。然次見如海真公於西蜀。示以道要。師大

起疑情。寢食爲廢者三年。若得塵勞暫息。又至脇不沾席者三年。自

是得大定力。一日聞伐木聲。曰。未生前之事。吾今日方知其真耳。急

往求證於真公。公反覆辨詰甚力。至晝三十圓相以示。師一一具答。

公曰。汝今方知佛法宏勝如是也。師往五臺。驗知前生。見文殊瑞應

建靈鷲菴。以居衆。負米來施者甚廣。元順帝召至燕京。賜以金紋伽

黎衣。次年召見延春閣。命建壇禱雨。輒應。贈以金繒。受之以賑饑乏。

特賜寂照圓明之號。詔主海印禪寺。已而懇求還山。洪武三年。詔至

佛法
宏勝

道場

南京見太祖於奉天殿留於大天界寺時召入問佛法及鬼神情狀奏對稱旨四年賜饌於崇禧寺五年正月既望上行獻佛之禮勅師施摩伽斛食以賑幽冥寵賚優渥賜詩十二韻有玄關盡悟已成正覺之言六月四日沐浴坐逝壽六十五臘五十九茶毘舍利五色齒舌數珠不燬師豐偉端重福慧雙足所至皆化不啻生佛出現云

用拙法師

諱祖儼字日章號用拙常熟張氏子祝髮後東游四明時於竹屋淨法師出世永定教寺繼遷崑山廣孝嘉定淨信而主教吳下垂五十年洪武初預選高行有旨就天界寺說法上數召入禁中奏對稱允加賜慈忍法師之號後賜歸故里而終焉

癸丑

洪武六年普給天下僧度牒前代多計僧鬻牒號免丁錢詔蠲之金陵城完上與劉基同閱視上曰城高若此非人可踰基曰殊非燕能飛入耳後燕王入金陵遂符此讖

○訪求賢才於天下曰世有賢才國之寶也古之聖君汲汲於求賢蓋賢才不備不足以爲治鴻鵠之能遠舉者爲其有羽翼也蛟龍之能騰躍者以其有鱗鬣也人君之能致治者以其有賢人而爲之輔也今山林之士豈無文藝德行之足稱有司禮送至京用之以圖至治

○上諮治道於桂彥良對曰道在正心又曰用德則逸用法則勞法以靖民則民勞而弗靖德以靖民則民靖於德矣上曰卿帝者師也

○詔以故元釋帝師喃迦巴藏卜爲熾盛佛寶國師自是番僧有封爲灌頂國師及贊善王闡化王正覺大乘法王如來大寶法王者俱賜

印章誥命領其各本國人民間歲朝貢五月祖訓錄成

○上命禮官參考歷代帝王有功生民者立廟祀之

○詔以恒言註釋經書使人皆通聖賢旨意註成以進賜名群經類要

無夢禪師

諱曇噩字無夢號西菴慈谿人族姓王母周氏幼業儒藻思濬發禮廣法院子文良公爲師就雪庭傳公剃染受戒昭慶性相之學無不該練後依元叟端公咨叩朗然延祐初奉詔敷陳金山水陸佛事至元間出世慶元之寶慶再遷開壽三轉國清帝師嘉之錫以衣號海風飄蕩屋廬徧覆師能坐鎮不傾師戒諸徒衆曰研究空宗當外形骸忘寢食以消累劫宿習然後心地光明耳洪武二年詔徵有道僧而師預焉館於天界寺既奏對上憫其年耄放令還山是年二月命弟子曰三界空華如風捲烟六塵幻影如湯沃雪亘古亘今唯一性獨存吾將入滅聽吾偈曰吾有一物無頭無面要得分明涅槃夜看言訖欽口而逝年八十九塔於天台清涼山云

○時崇尚釋老徒衆日盛上令郡縣擇有戒行者領其事

逆川法師

諱智順字逆川瑞安陳氏子其大父母精修白業既歿蓮華現門屏間母婁氏供智者大師像以求子一夕夢僧頂

何山

有圓光逆江流而上招婁氏謂曰吾當為汝之子師生美質夙成七歲出家習法華經三月通誦為無相院覺源壻公之嗣依橫雲岳師究三觀十乘之旨從毒海清師為綱維之職叅鐵關樞公得領心要真積既久觸發妙機又叅千巖長公歸證樞公反覆辨詰始成囑付初主報恩次拓何山又開山於歸原寺朝廷為降院額賜師佛性圓辨之號并金伽黎服温城淨光塔壞師悉力整完東禪廢刹師落其成料理種種諸事皆有成緒人曰使吾師總戎則無敗北之患矣千佛院萬佛閣師一措置煥乎維新洪武初年鍾山法會師與其列後住淨慈會朝廷徵有道浮屠以備顧問師至南京四閱月書偈而逝是年八月二十日也舍利無數瘞聚寶山有五會語錄善財偈行世

大千禪師

諱慧照字大千永嘉麻氏子母黃氏父母保惜如珠十五

厚德載物

大事兼精教乘見無言宣公於處之淨慈後出世於明慶誨眾曰佛法欲得現前莫存知解一物不立而起居自在聞者悅懌遷四明之寶陀一以厚德載物眾服其化嘗垂三關語以驗學者後築室曰夢菴自號夢世叟掩關獨處凝塵滿席不顧也是年十月朔召弟子曰吾將西歸恬然而寂壽八十五臘七十閣誰牙齒眼精數珠不燬舍舍五色瘞於夢菴之後有語錄行世

甲寅

洪武七年 宋濂等纂修大明曆日成凡一百卷

上謂宋濂曰朕之為君上畏天下畏兆民兢兢業業不敢自逸宋濂對曰陛下此心乃古先帝王之心也慎終如始天下幸甚

撫恤存歿

○太祖詔曰曩因天下大亂死者不可勝數生者備歷艱辛已有年矣朕起布衣削群雄定禍亂改元洪武今紀七年但才疎德薄日夕慮上帝有責思之再三惟兵後苦歿者朕失撫養存恤蓋軍士為朕開拓疆宇奮不顧身沒於戰場屍不至家魂無所依父母年高妻寡子幼一旦拋棄至今不能存活此朕之過也民間經年避難父南子北至今不能會聚奉養者有之亦朕之過也興言至此實可憫傷今詔天下有司各各具名以言朕當會居存養使不失所

日本禪師

諱印原字古先相州藤氏生有異徵幼多奇志八歲歸桃

一白

峰本公給侍左右屢呈見解峰呵曰根塵不斷如纏縛何虛妄塵勞皆非究竟事也師愈精進久之有省現前境界一白無際入室印決

無際

超然領解峰囑以善自護持時虛谷靈公古林茂公東嶼海公月江

鐵中
錚錚

印公師咸往謁焉。以叢林師子兒稱之。後同清拙澄公入日本建立法幢。化行遐邇。殊有力焉。出世慧林。祝香嗣於中峰。次主等持教寺。及真如萬壽淨智等刹。又住持普應寺。長壽院兼主圓覺建長。後退老長壽。是歲春正月示疾。至二十三日。召門人曰。爾等恪守吾平日所訓。使法輪永轉可也。大書心印二字付額其塔。壽八十。臘六十二云。願證。姓李字大猷。姑蘇人。母陶氏。禱觀音大士而生。幼即穎悟異常。學佛於頓覺蘭若。祝髮受具。與僧法秀游。得友益焉。謁南京淨覺法師。師曰。子才銳甚。宜留意文學。他日期子弘宗扶教也。於是竺墳魯典。無不研窮之。著為文辭。森然有奇氣。出世水西寺。遷吳興之道場。退居武康山中。著觀幻子內外篇。以合儒釋一貫之妙。皆踔厲前人。其光燁燁不可襲祕。後至天界寺。值太祖訪良僧於宋濂。濂以師對。太祖覽其所著。喜曰。論議甚高。其鐵中錚錚者乎。召見謹身殿。慰勞備至。勅吏部除以翰林官職。是年二月病歿。壽三十七。

○上容宿學之士於宋濂。對曰。會稽郭傳。雖寄跡浮屠。誠一代奇才也。上領之。濂以其文進。上召見。俾日侍左右。以備顧問。傳清白一心。凡可以獻替者。咸無隱情。擢為翰林應舉。陞起居注。遷考功丞。

○劉基甘露頌稱。洪武四年十月廿露降於鍾山。沾潤草木。瑩若凝脂。五年十一月又降。今年春及十一月仍降如初。帝德動天。禎祥屢應。

西白法師

諱力金。字西白。吳郡姚氏子。其母周氏。夢一驪眉僧趨闈。遂娠。臨育。奇芬馥郁。滿庭。其容方額圓額。白皙如玉。琢見者歡愛。逮七歲。穎悟異常。凡書一覽。即能記憶。見佛像。即拜請於父母。求出家。依道原衍師。祝髮受具。研三觀十乘之旨。衍公主秀之德。藏師為綱維之職。謁徑山古鼎銘公。觸機有契。至正間出世。蘇之瑞光寺。與復嘉興之天寧寺。帝師聞師之賢。授以圓通普濟之號。築孤雲菴。以養母。倣陳睦州之意焉。洪武改元。有旨起師。住持大天界寺。師至闕。見上於外朝。慰勞優渥。賜以御饌。時召入禁庭。奏對稱旨。師於內外典籍淹貫。與縉紳談論。霏霏如吐玉屑。故樂與游。四年春。詔建廣薦法會。師總持其事。五年冬。詔復建會。大駕臨幸。詔師闡揚第一義諦。公侯庶僚。環聽悅服。是年十二月二十四日。示疾而化。

乙卯

洪武八年。糧無所依者。給以屋舍。仍諭之曰。天下一家。民猶一體。有不獲其所者。當思所以愛養之。昔吾在民間。目擊其苦。鰥寡孤獨。饑寒困踣之徒。常自壓生。恨不即死。如此者。宛轉於溝壑。可坐而待也。吾亂離遇此。心常惻然。故躬提師旅。誓清四海。以同吾一家之安。今代天理物。已十餘年。若天下之民。有流離失所者。非惟昧朕之初志。於代天之工。亦不能盡也。爾等為吾輔相。當體朕懷。不可使有憂

愛養
饑寒

志。於代天之工。亦不能盡也。爾等為吾輔相。當體朕懷。不可使有憂

○三月命選國子生分教北方諭之曰致治在乎善俗善俗在乎教化教化行雖閭閻可使為君子教化廢雖中材或墜為小人云云

○詔曰農桑衣食之本學校道理之原朕嘗設置有司頒降條章使敦篤教化務欲使民豐衣足食理道暢焉云云

○四月誠意伯劉公卒年六十五未卒前以天文書授其子璉進呈於上且戒之曰勿令後人習也帝常以老先生稱之至謂吾子房也云

○九月詔建大內宮殿謂廷臣曰唐虞之時宮室朴素後世窮極奢麗習尚華靡去古遠矣朕今所作但求安固不事華麗凡雕飾奇巧一切不用惟朴素堅壯可傳永久使吾後世子孫守以為法至以臺榭苑囿之作勞民費財以事遊觀之樂朕決不為之勅所司知朕之意

甘露論 十一月甘露降於員丘青松之上懸垂上下有若明珠採而食之其如飴糖儒臣獻歌詩頌德上曰人之常情好祥惡妖

然天道幽微莫測若恃祥而不戒祥未必皆吉觀妖而能懲妖未必皆凶蓋聞災而懼或蒙見休見瑞而喜或以致咎何則凡人懼則戒心常存喜則侈心易縱朕德不逮惟圖修省之不暇豈敢以此為己所致哉因著甘露論以示群臣

德隱禪師 諱普仁字德隱蘭溪趙族母楊師公有出塵之思十歲依秋潭月公出家俾師習儒釋諸書師能領解義趣十四祝

髮受具戒二十造謁了然義公機鋒觸發至湖之道場見東陽輝公武林雙徑見南楚說公古鼎銘公無不整容禮敬再叩月江印公雲外岫公相與徵辨無虛日次與覺隱誠公笑隱訥公為最密語不能休出世金華淨土禪寺大明洪武詔住詔之南華抗之中竺皆力辭不赴後住淨慈開堂說法興壞起廢終罹誣咎忽示疾而逝實八月八日也壽六十四臘五十有山居詩三會語錄傳世

夢應禪師 諱智曜日本國勢州人母禱普門大士夢吞金色光而娠戒尋學顯密二教夢游中國名山一龐眉僧授以達磨尊像寤而嘆曰洞明吾本心者其唯禪觀乎謁無隱範公一山寧公一山曰我宗無語言亦無一法與人本來廓然清淨雖慈悲方便亦無師力參至目不交睫於高峯日公言下有省一夕大悟偈有等閒擊碎虛空骨之句高峯印可囑曰西來密意汝亦得之善自護持後入五臺縛吸

江菴構泊船菴退耕菴有終身丘壑之志既而不得已應世所住南禪善應淨智圓覺瑞泉慧林瑞光臨川兜率西芳資聖補陀天龍諸名刹賜號有正覺及心宗普濟等王勅有道振三朝名飛四海主龍象席再轉法輪秉佛祖權數摧魔壘國中以為榮是年九月廿日逝世壽七十七臘六十終時白氣一道橫貫師室存日爪髮皆有舍利

道場

髮受具戒二十造謁了然義公機鋒觸發至湖之道場見東陽輝公武林雙徑見南楚說公古鼎銘公無不整容禮敬再叩月江印公雲外岫公相與徵辨無虛日次與覺隱誠公笑隱訥公為最密語不能休出世金華淨土禪寺大明洪武詔住詔之南華抗之中竺皆力辭不赴後住淨慈開堂說法興壞起廢終罹誣咎忽示疾而逝實八月八日也壽六十四臘五十有山居詩三會語錄傳世

夢應禪師 諱智曜日本國勢州人母禱普門大士夢吞金色光而娠戒尋學顯密二教夢游中國名山一龐眉僧授以達磨尊像寤而嘆曰洞明吾本心者其唯禪觀乎謁無隱範公一山寧公一山曰我宗無語言亦無一法與人本來廓然清淨雖慈悲方便亦無師力參至目不交睫於高峯日公言下有省一夕大悟偈有等閒擊碎虛空骨之句高峯印可囑曰西來密意汝亦得之善自護持後入五臺縛吸

江菴構泊船菴退耕菴有終身丘壑之志既而不得已應世所住南禪善應淨智圓覺瑞泉慧林瑞光臨川兜率西芳資聖補陀天龍諸名刹賜號有正覺及心宗普濟等王勅有道振三朝名飛四海主龍象席再轉法輪秉佛祖權數摧魔壘國中以為榮是年九月廿日逝世壽七十七臘六十終時白氣一道橫貫師室存日爪髮皆有舍利

世壽七十七臘六十終時白氣一道橫貫師室存日爪髮皆有舍利

世壽七十七臘六十終時白氣一道橫貫師室存日爪髮皆有舍利

世壽七十七臘六十終時白氣一道橫貫師室存日爪髮皆有舍利

世壽七十七臘六十終時白氣一道橫貫師室存日爪髮皆有舍利

世壽七十七臘六十終時白氣一道橫貫師室存日爪髮皆有舍利

休菴法師

諱可指字無旨號休菴臨海李氏子十二出家十九得度於安聖院上嗣普覺遷隆恩補白巖故處選主龍華百廢具興山門為之改觀四坐道場諸方倚之為重作休菴日修念佛三昧曰此即禪定功夫惡可強分同異哉洪武六年中天竺請師而淨慈率眾邀於道擁居其位是年八月十一日曰吾將逝矣眾請留偈師曰吾宗本無言說乃合指連稱佛號而逝壽六十九臘五十闍維齒牙貫珠不壞舍利晶瑩如金銀水精者徧布於地藏于龍塔

竹菴法師

諱懷渭字清遠號竹菴南昌魏氏子廣智全悟之甥而即全悟挽致座下訓導成林喜曰此吾宗千里駒也一時名公縉紳相與盤桓爭歆慕之曰此文龍而義虎也後出世主會稽之寶相杭之報國湖之道場為法求人無少懈退洪武初四眾請住淨慈禪林及鍾山無遮法會師亦承詔而赴退居梁渚乃全悟藏瓜髮之地也是年十二月十六日奄忽而終壽五十九臘四十舍利附葬瓜髮塔之側四會有錄詩文外集所書草隸俱精善鼓琴曰是皆般若所寓也

廣慧禪師

諱智及字以中號廣慧吳縣顧氏子母周氏入海雲院祝髮受具聽習華嚴了然透徹次見廣智訖公於龍翔大加

賞譽同袍聚上人策發參究豁然有省升雙徑謁寂照端公執侍左右以便咨叩遷主藏室研窮教理出世隆教陞座說法靡不敬服後主杭之淨慈又補雙徑寂照故處洪武六年詔有道浮屠十人集天界寺而師居其首以病賜還是年九月日書偈而逝壽六十八歲云

丙辰

洪武九年六月以宋濂為學士承旨諭之曰朕以布衣為天子卿亦起草萊列侍從之閑國文臣之首俾世臣與國同休

鍾山○時欽天監奏五星紊度日月相刑下詔求言有吳印者鍾山寺僧也僧印有文學上親選命蓄髮拜官徑授方面寵之甚厚所言多從

○十月改建太廟從同堂異室之制國初立四親廟德祖玄皇帝廟居中懿祖居東第一廟熙祖居西第一廟仁祖居東第二廟至是定此制前為正殿後為寢殿九間以一間為一屋奉安各廟神主時享歲裕則設累朝帝后衣冠於神座而祀之

懶牧禪師

名湛覺字夢菴長安人張姓依月空師出家叅性空師得法結松巢於雨花之左平生語錄有松巢內外集行於世

丁巳

洪武十年詔天下沙門講心經金剛楞伽三經命宗泐如玘等註釋頒行御制演佛寺住持玘太璞字說

御制字說

僧多捨俗惟立字為名何也以其法殊人主之教故也邇來有僧用三字為名曰玘曰太曰璞且玘王之至精者也

太無上之巨也。璞實而不虛，混而未鑿。斯三字之用，果如是乎？若是則仁者體之，又何為而不可哉？今僧用斯三字，理道深長，機根淺露者，莫可探其趣。若遇良工，必由雕琢而方見其形也。昔如來璞太虛，混厚坤，故發問於未判，孰雕琢而使澄清，列無量之象於穹壤。七曜運行，其間布海嶽於鴻龐，百川東注，此由太樸而至穹窿，果理之使然，氣質之變焉。吾聞混沌靜久，今僧捨俗認璞，必釋教之然哉。

○二月學士承旨宋濂致仕歸金華。文憲公為國初一代大儒，傳是永明後身，不獨為國家鋪張文學，以上諸大禪師，多其所傳記者云。

○三月十三日，禮部尚書張等奉天門奏准奉聖旨，就批本著落禮部知道。一切南北僧道，不論頭陀人等，有道善人，但有願歸三寶，或受

五戒十戒，持齋戒酒，習學經典，明心見性，僧俗善人，許令齋持戒牒，隨身執照，不論山林城郭鄉落村中，恁他結壇上座，拘集僧俗人等，

日則講經說教，化度一方，夜則取靜修心，欽此。

○上謂侍臣曰：前代庸君暗主，莫不皆以垂拱無為藉口，縱恣荒淫，不親政事。孰知治天下者無逸，而後可逸。朕即位有年，常以勤勵自勉，待旦即臨朝，晡時而後還宮，夜臥不能安席，披衣而起，或觀天象，見一星失次，即為憂惕，或量度民事，有當速行者，即次第筆記，待旦發遣，朕非不欲暫安，祇畏天命，不敢故爾。朕言及此者，但恐群臣以

天下無事，便欲逸樂，股肱既惰，元首叢脞，民何所賴。書曰：功崇惟志，業廣惟勤。爾群臣但能以此為勉，朕無憂矣。

寶鈔 上初造鈔不就，夢神人告曰：非用士子肝心，不可。上憂之，語馬太后，后曰：此甚易耳。用國學文課置鈔，鈔就矣。上曰：何也？答曰：

士子嘔心，做出文字，豈非此耶？上從之，鈔乃就。

洪武正韻 上以舊韻起於江左，多失正音，乃命學士樂韶，以中原雅音校正之，書成詔頒行之。

十一月皇孫允炆生，皇孫頭顱頗偏，太祖撫之曰：半邊月兒，知其不克終也。及讀書甚聰慧，嘗咏新月詩云：誰將玉指押，搗破碧天痕。影落江湖內，蛟龍不敢吞。太祖不悅，以其非吉兆也。

戊午 十一月，正月給朝叅文武百官牙牌，懸帶出入，以防姦偽。

樸隱禪師 諱元灊，字天鏡，號樸隱，會稽倪氏子。母嚴氏，從弘教立公，落髮具戒於昭慶濡律師，往集慶受天岸濟法師十乘止

觀三千性具之義，謁徑山元叟端禪師，明單傳直指之道。端公稱是般若中人也，久之游大龍翔寺，見廣智訥公，精貫儒釋二家之學，出世長慶寺，陞萬壽禪師。洪武初年，師與東溟日公、壁峯金公召入內庭，問道賜食而退。後主靈隱，終罹誣構，謫貶是年正月十九日卒。

般若中人

扶宗法師

諱崇裕。字約之。毘陵陳氏子。母夢麗眉異僧叩門。托寓之

龍象

端公究明大事。端公云。此龍象器也。叅斷崖義公。廣智訢公。隨廣智

住大龍翔寺。左右十餘年。廣智對客大為稱讚。出世光孝禪寺。香祝

廣智帝師錫以今號。遷於崇勝禪寺。洪武九年。移主育王廣利禪寺。

曾於鍾山廣薦法會。師列十大僧之位。以偈獻上。覽之大悅。命之書

天界寺額。賜食上前。上稱誠善知識也。生平瑞應甚眾。云是古德再

來。不及備錄。是年歿。塔於石耳峯下。年七十五。有三會語錄。

○四月。命造皇堂於陵。所親製皇陵碑記。以示後世。上微時。同里劉繼

祖。助善地以葬。皇考妣。卽皇陵。追封義惠侯。親撰誥文。遣官以祭之。

○五月二十四日。勅授太璞左講經。御製誥文。諭曰。經中知人我之

相教。外忘大小之乘。非古刹之沙門。實東林之德士。學高諸侶。名動

一時。爾玘太璞。養性得宜。講經不倦。持身謹戒。臨事慎為。是用職爾

僧官。以副朝典。往化釋子。無怠講經。尚宜以佛之覺覺人。以師之業

業。已。俾釋子有達憲章。庶不負朕設官之初意也。

今特授爾僧錄司左講經。汝其勉之。

○御製授了達德瑄溥洽僧錄司。諭曰。西說東來。妙演無量。或云不二

法門。斯道也。本苦空寂寞。從斯道者。果若是宜。其然哉。邇來僧錄司

首僧闕員。召見任者。命詢問其人。各首僧承命而還。不數日。來告曰。

臣弘道等若干人。前奉勅詢高僧於諸山。卽會叢林大衆。僉曰。惟淞

右上天竺僧溥洽。京師鷄鳴寺僧德瑄。能仁寺僧了達。東魯之書頗

通。西來之意。博備。若以斯人備員僧錄司。實為允當。嗚呼。昔人有云。

世不絕聖。國不絕賢。近者僧錄司闕員。朕將以為無人矣。及其詢問

乃有人焉。今朕域之內。慕清淨而欲出三界者。有其名而無其實。其

泛泛者。不下五七萬爾。今三人不屈五七萬之下。伸於五七萬之上。

可謂志矣。可謂道矣。然昔如來道備於雪嶺。歸演五天。妙音無量。靈

通上下。天人會聽。若斯之演聽。四十九秋。自是之後。五百餘年。流傳

東土。雖九夷八蠻。一聞斯道。無不欽崇頂禮。何況中國文物禮樂之

邦。人心慈善。易為教化。若僧善達祖風者。演大乘以覺聽。談因緣以

化愚。啓聰。愚為善於反掌之間。雖有國法何制乎。縲紲刑具。亦何以

施。豈不合乎柳生之言。陰翊王度。豈小小哉。今爾僧了達。德瑄。溥洽。

達祖風。遵朕命。則法輪常轉。佛日增輝。名僧於吾世足矣。往欽哉。

已未 洪武十年 詔以北平久不雨。今年夏稅秋糧。盡行蠲免。

○御製授仲義闡教誥文。諭曰。入定於大千界內。談經於不二門中。解

脫為空。清虛成性。久留心於佛教。獨潛於禪林。去就一之。是非不染。

爾仲義居山禪伯對月詩宗抱不墮之慈悲樂無窮之清淨乃命闡教之職用副僧錄之司尚宜深究佛書詳窮禪教條分本末縷析始終俾諸僧皆悟靜中之禪而無教外之失今特授爾僧錄司右闡教往欽於訓宜懋爾功

○御製授清濟左覺義誥文諭曰夫僧者立身於物表以化人初不可煩以官守也然而聚廬以居合眾而食錢穀有出納簿籍有勾稽不有所司何以能治故僧官之設歷代不廢今命爾僧清濟為僧錄司左覺義爾其往慎乃職勿怠以私使彼學道之徒安居飽食而不懈於進修以稱朕興隆爾教之意欽哉

東溟法師

諱慧日號東溟天台人族姓賈依平山等公出家從于庭訢公習台衡之學子庭為之剖析無不盡其玄奧至上竺

禮竹屋淨公偈頌屢屢招拔同伍淨公喜曰翹翹蒼松挺出於荆榛之上者是子也後於越溪座下首眾以表儀四眾創建下竺靈山教寺宏敞上竺觀音教寺帝師嘉師行業賜以金爛法服并署妙應普濟之號洪武初年召赴天界禪林升座說法眾皆聳聽所度弟子甚眾師眉長一寸餘其白勝雪人皆以白眉和尚稱之是年七月夢青蓮華清芳襲人曰吾生淨土之祥也壽八十九葬於妙應塔院
○十二月封諸王相為湘王桂為豫王棧為漢王植為衛王

庚申

洪武十三年

正月丞相胡惟庸謀逆伏誅因是罷丞相等官陞六部分理天下庶務改大都督分左右前後中五都督

○宋濂卒年七十二公博極群書名滿天下文傳四夷而於佛老之言尤深研究所著有潛溪集芝園集龍門子無相謗語等書傳於世

○四月命群臣各舉所知以備任用五月甲午雷震謹身殿大赦詔曰朕以非德託以萬姓之上奉天勤民於茲十有三年矣不期宰

輔失職四姦擅權使賢愚陷於不義朕思創業之艱難念守成之不易首除姦惡鋤根剪蔓爰及餘黨然刑戮之際不無過焉甚非上帝

好生之德乃於是月初四日申時分雷震謹身殿朕甚懼焉於是赦天下罪者除十惡不赦外其餘已未發覺結正罪無大小咸赦除之

○六月詔曰朕荷上天眷祐君主華夷十有三年倉廩盈府庫充皆吾民之所供也今民未甦詔告有司今洪武十三年天下秋糧蠲行蠲

○授建昌僧官諭曰天下大道惟善無上其善無上者釋迦是也固大慈忍志立大悲願心行無所不至化無所不被論性原情談心妙理

潔六塵之無垢淨六根之無翳去諸魔而清法界制外道以樂人天斯行斯修而歷劫無量乃降兜率至於梵宮既捨金輪而猶苦行於

雪嶺時道成午夜明心相符朕觀如來以已之大覺而欲盡覺諸法界眾生其為慈也大其為悲也深可為無上者歟世人宿有善根者

皆慕佛力。寰中之修者甚廣。今建昌僧某博修佛道。善馭僧民。其方士民仰僧善道。感化人淳。既內附之誠。理宜授以建昌府僧綱司云。

辛酉 洪武十四年 創編賦役黃冊。餘帶曰畸零冊。始定翰林院官制。為正五品衙門。

○上謂廷臣曰。夫道之不明。由教之不行也。夫五經載聖人之道者也。譬之粟菽布帛。家不可無。人非菽粟布帛。則無以為衣食。非五經四書。則無由以知道理。云。今以五經頒賜。使其講習。夫君子知學。則道興。小人知學。則俗美。他日收學。亦未必不本於此。

雪牕禪師 諱悟光。字公寔。號雪牕。成都人。姓楊氏。以三昧力入智慧海。初說法於白馬寺。已而住育王天童。四會說法。虞文清

公贊為佛果一枝。鳳毛麟角。洪武十四年記。

南堂禪師 諱清欲。字了菴。南堂其號也。姓朱氏。台之臨海人。住及開福本覺靈巖三刹。有三會語錄行世。

悅堂禪師 諱頴。以東嶼正嫡。住崑山東禪。轉吳門萬壽。升虎林南屏。遂陟雙徑。有四會語錄行世。

古鼎禪師 諱銘。臨濟十五世孫。四坐道場。將示寂。謂其徒曰。觀世音持蓮華至矣。安坐而逝。茶毘舌根齒牙數珠不壞。五色舍利無數。國史危先生為之俾。有四會語錄行世。

○蔣山寺住持仲義。奏遷蔣山寺及寶公塔於東岡。改賜寺額曰靈谷寺。榜外門曰第一禪林。命度僧一千名。悉給與度牒。贍僧田若干頃。

○六月二十四日。禮部為欽依開設僧道衙門事。照得釋道二教。流傳已久。歷代以來。皆設官以領之。天下寺觀僧道數多。未有總屬爰稽宗制。設置僧道衙門。以掌其事。務在恪守戒律。以明教法。所有事宜。開列於後。

一在京設置僧錄司。道錄司。掌管天下僧道。精選通經典。戒行端潔者銓之。其在外布政府州縣。各設僧綱僧正。僧會道紀等司衙門。分掌其事。

僧錄司掌天下僧教事

善世二員。正六品。左善世。右善世。闡教二員。從六品。左闡教。右闡教。講經二員。正八品。左講經。右講經。覺義二員。從八品。左覺義。右覺義。道錄司掌天下道教事。

正一二員。正六品。左正一。右正一。演法二員。從六品。左演法。右演法。至靈二員。正八品。左至靈。右至靈。玄義二員。從八品。左玄義。右玄義。各府僧綱司掌本府僧教事。各府道紀司掌本府道教事。

都綱一員。從九品。副都綱一員。都紀一員。從九品。副都紀一員。各州僧正司。僧正一員。道正司。道正一員。各掌本州僧道事。

- 各縣僧會司僧會一員。道會司。道會一員。各掌本縣僧道事。
- 一各府州縣寺觀僧道。並從僧錄司道錄司取勘。置文冊。須要開寫某僧某姓名年甲某布政司某府某州某縣籍某年於某寺觀出家受業某師。先為行童幾載。至某年某施主披剃簪戴。某年給度開報。一供報各處有額寺觀。須要明白開寫。本寺本觀。始於何朝何僧何道啓建。或何善人施捨。
- 一僧道錄司衙門。全依宋制。官不支俸。吏與皂隸。合用人數。並以僧道及佃僕人等為之。
- 一僧道錄司體統。與欽天監相同。出入許依合用本品傘蓋。遇官高者即欽之。
- 一各處寺觀住持。從本處僧道衙門舉保。有戒行老成。諸通經典者。申送本管衙門。轉申僧錄司道錄司考試。中式。具申禮部奏聞。
- 一各府州縣未有度牒僧道。許本官僧道衙門具名申解。僧綱司道紀司轉申僧錄司道錄司考試。能通經典者。具申禮部奏聞出給。
- 一在京在外僧道衙門。專一簡束僧道。務要恪守戒律。闡揚教法。如有違犯清規。不守戒律。及自相爭訟者。聽從究治。有司不許干預。如犯姦盜非為。但與軍民相涉。在京申禮部酌審。情重者送問。在外即聽有司斷理。

壬戌

洪武十 前太子正字。晉府長史桂彥良入朝。五年 獻萬世太平治要十三事。上嘉納之。

- 三月初六日。曹國公欽奉聖旨。天下僧道的田土。法不許買僧窮寺窮。常住田土。法不許賣。如有似此之人。籍沒家產。欽此。
- 四月二十二日。准吏部咨。除授各僧道錄司咨。本部知會僧錄司。左善世戒資。右善世宗泐。左闡教智輝。右闡教仲義。左講經玘太樸。右講經仁一初。左覺義來復。右覺義宗悅。
- 四月二十五日。禮部為欽依開設僧道衙門事。今將定列本司官員職掌事理。開坐前去。仰照驗遵依施行。
- 一戒資掌印。宗泐封印。凡有施行。諸山須要眾僧官圍坐署押。眼同用印。但有一員不到。不許輒用。差放者不在此限。
- 一戒資提督眾僧坐禪。叅悟公案。管領教門之事。
- 一智輝仲義。亦督修者坐禪。如玘守仁。接納各方施主。發明經教。一來復宗悅。簡束諸山僧行。不入清規者。以法繩之。并掌天界寺一應錢糧產業。及各方布施財物。置立文簿。明白稽考。其各僧官職掌之事。宗悅皆須兼理。考試天下僧人能否。公同圓議。具實奏聞。
- 五月二十一日。禮部照得佛寺之設。歷代分為三等。曰禪。曰講。曰教。其禪不立文字。必見性者。方是本宗。講者務明諸經旨義。教者演佛。

利濟之法。消一切現造之業。滌死者宿作之愆。以訓世人。本月二十日本院官。欽奉聖旨。見除僧行。果為左闡教。如錦為右覺義。前去能仁開設應供道場。凡京城內外大小應付寺院僧。許入能仁寺。會住看經。作一切佛事。若不繇此。另起名色。私作佛事者。就仰能仁寺官問罪。若遠方雲遊看經抄化。及百姓自原用者。不拘是限。欽此。出榜曉諭。應赴寺院僧人。欽遵施行。

○諭鍾山寺僧勅曰。且佛之為教也善。其大也。溥被生死。仲尼有云。西方有大聖人。不言而化。不治而不亂。可謂能仁矣。云何大覺金仙。又讚之以能仁。以其不繩頑而頑化。美善而善光。其行苦而不苦。其心素而弗素。雖儔雪嶺之孤燈。侶白晝之單影。目星見性。超出塵淪。復有人天之說。四十九秋其演也妙。備載大藏。未嘗有訴逋逃於廷。致愆於水火者耶。况昔禪祗樹千二百五十人。從逋逃者未聞。仲尼有云。道千乘之國。敬事而信。節用而愛人。今僧佃逃。未審節用而致然耶。抑愛人而有此耶。若非此而有此。則府謂僧云。當自善來。若論以如律。恐傷佛性。如勅奉行。

○諭僧純一曰。昔釋迦之為道。孤處雪嶺。於世俗無干。及其道成也善。被兩間靈通上下。使鬼神護衛而聽德。故世人良者愈多。頑惡者漸少。所以治世人主。每減刑法。而天下治。斯非君減刑法。而繇佛化普被之然也。所以柳子厚有云。陰翊王度是也。爾沙門純一。既棄父母。以為僧。當深入危山。結廬以靜性。使神遊三界。下察幽冥。令生者慕而死者懷。景張佛教。豈不修者之宜。世人因是而互相倣倣。雖不獨處窮居。人皆在家為善。安得不世之清泰。因爾僧之所及也。爾不能如是。上下朝堂。欲氣力以扶持。意在鼎新佛寺。集多財以肥己。孰不知財寶既集。淫慾並生。况釋迦之非大厦而居。六載大悟。心通方今。楚像巍巍。樓閣崢嶸。金碧燦煌。華夷處處有之。此釋迦之所感。若是歟。集財而建造。歟。爾僧無知。不能修內而修外。故不答。特役之。今脫爾行。命有司資路費。往尋名山。悟善已道。以善人。他日道必燭寰區。可不比佛之為道哉。

○六月丙戌。皇后馬氏崩。后性勤儉。服御不多費。謂諸王妃公主曰。生長富貴。當知蠶桑之不易。當為天地惜物也。上以威武治天下。后嘗濟之以寬仁。至是崩。年五十一。上慟悼。終身不復立后。

○詔選高僧分侍諸王。命僧道衍往燕府。住持慶禪寺。按道衍。即姚廣孝也。姑蘇人。幼出家。為僧。好讀書。工詩文。遇異人傳術。能知人休咎。及善術數之學。太祖擇名僧輔諸王。文皇帝時。為燕王。廣孝自請于文皇曰。殿下若能用臣。臣當舉一白帽子與大王戴也。既而文皇自

求廣孝於太祖許之蓋王上加白乃皇字是時廣孝已知燕邸異日之必有天下為皇帝矣洪武末靖難兵起皆廣孝之謀也永樂初錄僧錄司左善世徑擢太子少師輔導東宮復其姓名竟不蓄髮娶妻卒封榮國公謚恭靖享太廟按姚廣孝之遇文皇猶劉基之遇太祖皆佐命天畀非偶然也廣孝在燕侍文皇時天寒甚文皇出一對曰天寒地凍水無一點不成冰廣孝應聲曰國亂民愁王不出頭誰作主文皇大喜後舉兵令擇日至期疾風暴雨文皇謂日出師大風雨此兵家之忌也孝曰殿下是箇龍正要大風雨方助得勢頭起果驗

癸亥

洪武十年 吳沉等進精誠錄先是上謂沉等曰朕閱古昔聖賢六年 其垂訓立教大要有三曰敬天曰忠君曰孝親君能

敬天臣能忠君子能孝親則人道立矣然其言散在經傳未易會其要領爾其以三事以類編輯至是書成上之賜名曰精誠錄

○五月二十一日早朝僧錄司官於奉天門欽奉聖旨即今瑜伽顯密法事儀式及諸真言密呪盡行考較穩當可為一定成規行於天下諸山寺院永遠遵守為孝子順孫慎終追遠之道人民州里之間祈禳伸請之用恁僧錄司行文書與諸山住持并各處僧官知會俱各差僧赴京於內府關領法事儀式回還習學後三年凡持瑜伽教僧赴京試驗之時若於今定成規儀式通者方許為僧若不省解讀念

且生須容周歲再試若善於記誦無度牒者試後就當官給與如不能者發為民欽此

○論天界寺善世諸行人吾聞釋迦之教務靖不喧時洗心而滌慮去五欲之魔清六根之本雖不至六通圓覺之果其報也必在將來所以修行者磨厲也行者行也功者造積也凡云修行者先置驗不速又將不期然而然歟今之修者期驗欲疾茫然久之心不耐已慮不隔塵世之有者念無不在由是而失道迷宗愆重鬼山信之乎邇來左善世右善世左覺義欲不絕而事生曠致伽藍之有鑿使犯憲章斯非他人訐告亦豈朕之不理然自作為定業將欲以難去實艱以解分是何行哉皆不務靖而好喧生事自取者也行人悟焉

甲子

洪武十年 春頒行科舉成式三年 訪求德行聲名著於州里七年 一大比自是遂為定制 之人再驗年貌書判進呈

○論天界寺不律僧戒泐復曰志所以崇聲名立節義去浮沉凡丈夫舉此必欲出類拔萃而異凡陋也又智用之而知無不知以之而覺覺無不先也豈有過去茫然而不追者乎斯二志智在天地間生而知之者善用教而知之者善守若生而不知教而不成類乎禽獸者也又向屑屑詢其所以然乎爾戒泐復者所致之地漸佛之場所修者出世之道及今之所以甚於處俗妬忌之惡忿於蚊蛇蘘於覲佛

不另禽獸所以昇而上殿周旋佛前斯果頂禮乎當此之際志智全忘生死無知死生亦無知前勅住持果如是乎曾問生死也死生也云何蓋生非死死非生豁然還有覺乎今茫然無知其所以然且今之罪報也人神共怒為集金帛構是非要虛名不立實效甚蚩蝶之尋芳遊蜂之捕蕊若蚍蜉之慕羶腥於車渠馬足之間不顧網羅輪蹄之厄爾本清蟬翅霄漢麗天風飲高露而乃故低飛而掠殘花啖味甚於蜂蟻蝶乎今之罪也在秦愆匿愆觀喜怒乘顏色及盜眾僧用特愚朕以飾已非斯身亡有日矣然死雖有日終未施行於法司

乙丑 洪武十年二月魏國公徐達卒年五十四追封中山王謚武寧八年 賜葬鍾山之陰上親為祭文親製神道碑配享太廟

勅建鷄鳴寺造浮圖五級祠寶公歲遣官祭祀初 僧星吉鑑藏居是山至是為闢院命為僧錄司右覺義

○三月十八日本部官於武英殿欽奉聖旨僧錄司右覺義如錦病故恁禮部辦素祭去祭祀他欽此令祠部備祀庫支價買祭物去祭祀

○詔曰嗚呼罪盈自已蠹政害民朕為民設官為民造福必欲除姦復生姦甚擾害吾民實朕不才之所致今詔天下凡吾良民憐朕不敏以居君位書不云乎天位艱哉寢食不安以圖民康仰天俯察求治姦貪愈增若此人心為之奈何自詔之後凡擾吾民者大赦不赦

設官 為民

○七月詔曰嗚呼天位艱哉朕自即位以來十有八年不遑暇食以措生民奈何內外之臣數用弗當實在予一人以致上天垂戒災於萬姓水旱相仍今聞山東北平雨水愆期農艱栽種歲苗有虧詔書到日今歲秋糧盡行蠲免有司如命毋擾吾民云云

毋擾 吾民

○九月諭曰農桑衣食之本然棄本逐末鮮有救其弊者先王之世野無不耕之民室無不蚕之女水旱無虞饑寒不至云云

救弊

○九月命蜀王閔武於中都王太祖第十子也諱椿最有賢德博通經藝旁及釋典上所鍾愛呼為蜀秀才王至中都首闢西堂以讀書自娛閱武餘暇召儒臣李叔荆蘇伯衡及名僧來復輩與之講道論文始無虛日復建寶訓堂尊奉祖訓及前代帝王經典命來復記之又命來復作正心觀道崇本敬賢四箴以自警

最賢

○僧來復字見心豫章人通儒術工詩文一時名士皆與之交與文僧宗泐齊名上聞召見之後以賦詩忤上意被刑有蒲菴集行世

蒲菴

○十一月十八日本部官於太庖西欽奉聖旨僧錄司左講經如玘病故了恁禮部祭祀他欽此祠部備祭庫內支價辦祭物件完備祭祀

○十一月廿一日本部官於奉天門欽奉聖旨左講經如玘今日下葬恁禮部官便去祭祀欽此令禮部侍郎章祥致祭仍御製祭文

○御製祭如玘文嗚呼業海茫茫濟彼岸者鮮矣爾如玘駕般若舟舉

御祭

楞嚴棹建圓覺檣假華嚴風揚大集帆昨朝施寬帆飽修焉彼岸噫
果操舟之善耶爾如玳貝風濤而有此耶今業海爾濟舟楫猶存孰
備善爾舟傲風於業海如斯濟岸就不日乘爾某之舟有此之濟非
獨如是其拯溺者既多朕觀營般若之舟施普度之道豈徒然哉今
也期當空相絕迹去來所有庶饜爾其享焉 附賡玳太璞韻花逢
夜雨曉看疑實蕊凋時堦不喧試問老禪幽得處謂言物外有青天

續原教論

翰林待詔沈士榮撰上卷七篇曰原教論觀心解內教外

名儒好佛解自私辨莊老異同辨錯說諸經解較是非得失辨三教
論諸師人物雄偉論其序云夫情智相違而後有教識趣相違而後
有辨故分別是非所以立教不辨何以立理哉昔人欲理之明乃設
難以爲問答使讀之者了然不疑今儒者疑難於佛必當辨之所以
立教明理也昔諸佛出世諸大菩薩化爲外道各執異說問難於佛
如來乃破其邪執立如是義說如是經則諸教皆由論辨而起也若
唐宋大儒各執所見疑難於佛毀訾排斥或有甚焉亦或菩薩化身
儒門故爾相違使有以辨之以彰至理歟果亦未造佛之闡域實有
所疑歟自是以來數百年間以儒名者之於佛教或爲敬信或爲非
議毀讚不常是非莫辨使至道不明誠可悲矣士榮自知愚陋所學

不及先儒之萬一又未得吾佛證入之門伏念二教之相違久矣而
智者則默然而不爲之辨坐視求學之士循習舊聞或生誹謗喪內
學之家珍傷名教之根本故不自揆度輒以其所非斥之言具錄於
前爲之辨解於後著論三篇解五篇辨六篇通十四原其異同謂之
論釋其疑惑謂之解明其是非謂之辨理學君子幸決擇而去取焉
固不礙於聖賢之學也時洪武乙丑季夏上弦建安沈士榮謹序
○御製論翰林待詔沈士榮曰古智人有爲身而修身吾不知修者誰
也或曰身爲神而修或云神爲身而修因是之辨惑之而更惑之果
身修神歟抑神修身歟吾不知二修之道但見古人遺跡詢及儒釋
道三宗必欲達之以妙已虛靈嗚呼善哉君子雖未至三宗之奇有
心若是豈不謂學之足矣聃云居善地心善淵今之人頑肯匠斯三
宗者豈不全妙已之虛靈者乎此卽智人也

○護持朶甘思烏思藏詔大矣哉大覺金仙行矣哉出無量歷阿僧下
兜率生梵宮異哉雪嶺之修世人過者乎天上人間經劫旣廣忍辱
愈多方成佛道善被人世法張寰宇人有從斯道者天鑒神扶身後
同遊於佛境若違斯道而慢佛者則天鑒神知羈困地獄與思同處
直候拂石劫盡而方生其斯憂乎苦乎一念同佛則百禍烟消化爲
諸福今朶甘思烏思藏兩衛地方諸院上師踵如來之大教備五印

之多經代為闡揚。化凶頑以從善，啓人心以滌愆。朕謂佛為衆生若是。今多院諸師亦為佛若是。而為暗理王綱，與民多福，敢有不尊佛教而慢諸上師者。就本處都指揮司如律施行，毋怠。

丙寅 洪武十 勅天下寺院有田糧者設砧
九年 基道人一應差役不許僧應。

○ 六月詔天下行養老之政。諭曰：尚齒所以教敬，事長所以教順。云云。

○ 八月初八日，禮部奏據僧性海等告給護持山門榜文，欽奉聖旨：出榜與寺家張掛，禁治諸色人等，毋得輕慢佛教，罵詈僧人，非禮攪擾。

○ 違者本處官司約束，欽此。欽遵出給榜文，頒行天下各寺張掛禁約。

○ 八月十六日，本部官於奉天門欽奉聖旨：雲南僧人性海等回還與他處運船隻，欽此。咨兵部欽遵施行。

○ 論雲南僧遊方云：金仙之教，甘心寂寞，成在苦空。故修道者多棲巖屋樹，落魄林泉，翫霄壤之明月，吟清風於松下。置身物外，淪世事如

太虛。若是者，迺修之宜之。爾雲南僧修者，不辭萬里之遙，欲覺因緣

十二。若止京師而師雲南，又何知天台之景，兩浙之美，高僧之淵藪

特勅往遊，閱諸名山，廓爾方寸，睿爾神靈，異時一歸，演華言於金馬

論風景於碧鷄。時乃道冠點蒼，神遊八極，快矣哉。

○ 十二月，御製大誥三篇成，頒示天下。

○ 怨中禪師 諱無愠，字怨中，別號空室，臨海人也。族姓陳，母林氏，依徑

一元靈公。一一扣問詳切。既歸徑山，居擇木寮。後見太白砥公、竺元

道公，以看狗子無佛話發悟。頌曰：狗子佛性無，春色滿皇都。趙州東

院裏壁上掛胡蘆，又曰：此事如魚飲水，冷暖自知。決不在語言文字

上也。師性愛靜隱，雖兩住名山，皆甫及三載而退。後日本國主以水

晶數珠，峨山石研為贄，請命太祖。祈師往化，師以老病竟辭。弟子居

頂迎師，住於鄞之翠山。四方之扣謁者無虛日。求偈語者甚衆。是年

七月十日，書偈曰：七十八年無法可說，末後一句露柱饒舌。咄。端坐

而逝。至十二月望日，葬於唐魯之原。有二會語錄，拈雪竇拈古續大

慧竹山頌，古山菴雜錄，淨土詩偈頌等若干卷行世。

幻隱禪師 諱慧明，號幻隱，字性原，父項，母陳氏。七歲發疽，忽失所在。

竺元道公於仙居紫葺山，又謁徑山元叟端公。端問東嶺來西嶺來，

師指草鞋曰：此是三文錢買得。端曰：未更道。師曰：某甲只如此。和

尚作麼生。端曰：念汝遠來放汝三十棒。師乃悟其旨。久之，遂罄底蘊

曰：纔涉思惟，皆為剗法。是年示寂，壽六十九，臘五十八。

木菴禪師 聰 覺初禪師 無逸禪師

二二

丁卯

洪武二十年

御製尚書洪範成命。浙江布政及蘇州等府編彙。贊善劉三吾序其後。田土方圓四至魚鱗圖冊成。

二月上躬耕籍田。遣官享先農。禮成宴群臣於壇所。諭之曰耕籍古禮也。一以供粢盛。一以勸農務本也。

○四月十一日

禮部尚書崔等復奉聖旨。將戒牒頒行天下。重出曉諭。論善世禪師板的達曰。禪師自西而東。朝夕慕道。務在濟人利物。朕

○觀禪師之立志也

努力甚堅。其歲月之行也甚深。故得諸方施供善者。頂禮惡者歡心。前者東達滄海而禮補陀。旋錫錢塘而暫禪天目。

○西遊廬嶽

中國之名山。遂禪師之意已達。復來京師。駐錫鍾山之陽。日禪巖穴。禪師之所以玄中。仰觀俯察。志在神游八極。惟神天昭鑒。

戊辰

洪武二十一年

遷僧錄司於天禧寺。試經度僧。給與度牒。

○三月十四日

僧錄司左善世弘道等。於中右門欽奉聖旨。恁僧錄司行文書各處僧司。去但有討度牒的僧。二十已上的發去烏巒曲靖

○四月二十六日

僧錄司左善世弘道等。於奉天門欽奉聖旨。靈谷天界能仁鷄鳴等寺。係京刹大寺。今後缺大住持。務要叢林中選舉有

德行僧人。考試各通本教。方許著他住持。毋得濫舉。欽此。

○五月乙酉

五色雲見。劉三吾進曰。雲物之祥徵於治世。舜之時興於詩歌。此實聖德所致。上曰。古人有言。天降災祥在德誠。使吾德靡悔

○災亦可弭。苟爽其德。雖祥無應。國家之慶不專於此也。

以庶吉士解縉為監察御史。縉言水人。天性英悟。七歲能賦詩。日記數千言。十八鄉試第一。連登進士。草封事。凡萬言。以進。未幾遣歸。

己巳

洪武二十二年

春上以天下無事。問諸將老。欲保全之。詔從公侯各還其鄉。各陞辭賜賚有差。

○七月初三日

本部官於華蓋殿欽奉聖旨。鷄鳴寺老僧官。陝西帶來

○的番僧漢僧教二部

做與綿布僧衣。欽此。移咨二部。造辦僧衣三十

○八月十七日

僧錄司左善世弘道。於奉天門欽奉聖旨。天界寺只作善世為額。欽此。

○授善世禪師詔曰

佛教肇興西土。流傳徧被華夷。善世凶頑。佐王綱而理道。今古崇瞻。由慈心而願重。是故出三界而脫沉淪。永彰而不

○滅爾勞心。願重特加善世禪師

以神善道統制天下諸山。繩頑禦惡。於戲。佐王綱而理善道。願力宏深。體斯之行。無往不復。戒哉戒哉。

○天淵禪師

慧日禪師

季芳禪師

萬峯禪師

諱時蔚。號萬峯。永嘉人。金姓。母夢白氣。亘天。生時有光滿室。襁褓見僧。輒微笑。合掌。七歲。依演慶寺。昇公出家。十六

剃度。十九。受具。謁虎跑。止巖。請益。復至天台。訪無見。觀公。後歸止巖。處決擇。為堂中第一。後巖以法衣拂子。頂相并偈付之。三築精藍。題曰聖恩。三十年。道風遐布。師示得法人。偈曰。慈悲無念。花開果熟。因地分明。慧寶致囑。清徹源源。一派流千古。萬古來相續。又語曰。如今末法。將沈須向水邊林下。鑿頭邊。接引一個半個。闡揚吾道。報佛恩德。不可扳緣。高貴輕篋。下流逐妄。追名迷真。惑道切宜仔細。遂踞跌說偈曰。七十九年。一味杜田。懸厓撒手。杲日當天。言畢而絕。

庚午

洪武二年。仙人張三丰。了不可覓。召其弟子。授官與室爵不受。

辛未

洪武二年。定生員巾服之制。襴衫用藍色絹布為之。寬袖皂線。十四年。緜軟巾垂帶。由是士子衣冠。綽有古風焉。

申明佛教榜冊

六月初一日。欽奉聖旨。佛教之始。自東漢明帝夜有金人入夢。是後法自西來。明帝勅臣民願崇敬者許。於是臣民從者眾。所在建立佛刹。當時好事者在法入之初。有去鬚髮而捨俗出家者。有父母以兒

童子出家者。其所修也。本苦空寂寞。去諸相慾。必欲精一。已之英靈。當是時。佛教大彰。群修者雖不能盡為圓覺。實在修行次第之間。豈有與俗混淆。與常人無異者。今天下僧寺。以上古刹列聖相繼而較者。佛之教。本中國之異教也。設使堯舜禹湯之時。遇斯闡演。未審與止何如哉。今佛法自漢入中國。歷曆數者一千三百三十年。非一姓為君而有者也。所以不磨滅者為何。以其務生不殺也。其本面家風。端在苦空寂寞。今天下之僧。多與俗混淆。尤不如俗者甚多。是等其教而敗其行。理當清其事而成其宗。令一出禪者禪。講者講。瑜伽者瑜伽。各承宗派。集眾為寺。有妻室願還俗者聽。願棄離者聽。僧錄司一如朕命。行下諸山。振揚佛法。以善世。仍條于後。

○ 一自經兵之後。僧無統紀。若府若州。合令僧綱司。僧正司。驗倚郭縣分。僧會司。驗本縣僧人。雜處民間者。見其實數。於見有佛到處。會眾以成叢林。清規以安禪。其禪者務遵本宗。公案觀心。目形以證善果。講者務遵釋迦四十九秋妙音之演。以導愚昧。若瑜伽者亦於見佛利處。率眾熟演顯密之教。應供是方。足孝于順。孫報祖。父母劬勞之恩。以世俗之說。斯教可以訓世。以天下之說。其佛之教。陰翊王度也。○ 一令下之後。敢有不入叢林。仍前私有眷屬。潛住民間。被人告發到官。或官府拿住。必梟首以示眾。容隱窩藏者。流三千里。

○一顯密之教軌範科儀務遵洪武十六年頒降格式內其所演唱者除內外真言難以字譯仍依西域之語其中最密者惟是所以曰密其餘番譯經及道場內接續詞情懇切交章天人鬼神咸可聞知者此其所以曰顯於茲科儀之禮明則可以達人幽則可以達鬼不此未編之先俗僧愚士妄為百端訛舛規矩貽笑智人鬼神不達此令一出務謹遵毋增減為詞訛舛紊亂敢有違者罪及首僧及習者

○一令出之後有能忍辱不居市廛不混時俗深入崇山刀耕火種但影伴燈甘苦空寂寞於林泉之下意在以英靈出三界聽

○一瑜伽僧既入佛刹已集成眾赴應世俗所酌之資驗日驗僧每一日每一僧錢五百文主磬寫疏召請三執事每僧各一千文

○一道場諸品經呪布施則例 各項經中數目不錄

○一陳設諸佛像香燈供給闍黎等項勞役錢一千文

○一凡僧與俗齋其合用文書務依修齋行移體式除一表三申三牒三帖三疏三榜不許文繁別立名色妄費紙劄以耗民財

○一今後所在僧綱僧正僧會去處其諸散寺應供民間者聽從僧民兩便願請者願往任從之僧綱僧正僧會毋得恃以上司出帖非為拘鈐假此為名巧取散寺民施從有緣僧有道高行深者或經旨精通者擅越有所慕從其齋禮毋以法拘

○一瑜伽之教顯密之法非清淨持守字無訛謬呼召之際幽冥鬼趣咸使聞知即時而至非垢穢之軀世俗所持者曩者民間世俗多有傲僧瑜伽者呼為善友為佛法不清顯密不靈為污濁之所污有若是今後止許僧為之敢有似前如此者罪以遊食

○七月初一日本部官於奉天門欽奉聖旨恁禮部出批着落僧錄司差僧人將榜文去清理天下僧寺凡僧人不許與民間雜處

○八月十八日手勅着善世天禧能仁三寺僧官宗泐等明早有雨不要來若無雨天晴早赴奉天門欽此

復原禪師 名福報字復原台之寧海人俗姓方母張氏於杭之崇福寺出家謁石湖美公於淨慈落髮叅徑山原叟得肯出世

慈谿蘆山 遷四明之智門洪武初馳召道行沙門與以中日章赴京館天界寺屢入內庭應答稱旨留三年賜還補處徑山上堂云似地擎山不知山之孤峻如石舍王不知王之無瑕及化之日忽拍手曰呵呵呵大眾是甚麼看取竟寂壽八十四塔於寂照右岡六月四辰至

澹居禪師 諱至仁字行中號澹居又號熙怡叟番陽人姓吳侍報恩寺真牧純公得度自幼識見卓穎指空上人嘆曰再世人

虎而翼 天師也令叅元叟留侍香掌外記叟喜謂曰仁書記虎而翼者也出世德章崇報萬壽等刹宋學士稱之曰虎丘尊者名浮屠見性炯如

摩尼珠洪武初皇上問以鬼神之理師以佛旨為書而對上悅臨終索紙書偈而逝壽七十四臘六十七三月十九忌辰也

全室禪師 諱宗泐字季潭號全室台之臨海人族姓周父吉甫母葛氏幼輒跏趺坐八歲從笑隱訥公學法十四剃度二十受

具訥公開山龍翔師與俱寄意詞章尤精隸古後謁元叟於徑山掌記室出世水西遷中竺升雙徑次五十五代詔師與演福法師大璞

玘公箋釋心經金剛楞伽三經點簡藏經制獻佛樂章往西域求法得莊嚴寶王文殊等經授僧錄司善世掌天下僧教建鳳陽槎峯圓

通菴闢一室曰松下居賜天界住持引見賜詩有泐翁去此問誰禪朝夕常思在目前後賜歸槎峯詩云寂寞觀明月逍遙對白雲汝其

往矣渡江示疾謂眾曰人之生滅如海一漚漚生漚滅復歸於水何處非寂滅之地也言已喚侍者曰這個漚侍者茫然師曰苦遂逝世

時九月十四日也壽七十四茶毘舍利塔於天界附訥公之右高皇帝有賜師免官說護法錄又御和詩一百四十五首稱泐翁

成祖有御製像贊 賜中順大夫 得法弟子湛然性一宗欽

古拙禪師 號祖庭松陵人母持淨戒生不知葷幼背法華十歲日誦老人續然三指九載切磨廓然警地行詣白雲留為眾首後遁迹韜

光巖壑三十餘年有平生最愛隈巖谷二十年來懶放迎之句云

梁寅 字孟敬臨江人家貧力學一時名士多與之遊上徵天下名儒修述禮樂寅與焉以老病辭歸結屋石門山稱梁五經年八十一

壬申 洪武二 試經給僧度牒 勅僧錄司行移天下僧司造僧籍十五年 冊刊布寺院互相周知名為周知板冊

○四月二十五日皇太子薨謚懿文九月立嫡長孫允文為皇太子以方孝孺為漢中教授孝孺台州寧海人聰穎絕倫雙眸炯炯如電

讀書一目十行俱下鄉人呼為小韓子宋濂謂日子之文非當世之文也太祖謂皇太子曰此莊士也又曰異人也後建文未徇忠

冬上患熱病危甚諸御醫進藥皆無效俄有赤脚僧詣闕下云天眼尊者及周顛仙遣進藥視其藥一曰溫涼藥一曰溫涼石一硯其方

用盆盛石磨藥注之沉香酸以服上服之服在未時間至點燈時遍體抽掣藥之効也其藥味香如菖蒲而酸底凝珠紅彩迥異是夜病

愈精神日強

○十二月初六日僧錄司左善世夷簡等於奉天門欽奉聖旨各處有通佛法性理高僧訪問得幾人取將來善世寺住欽此

○十二月廿一日欽依關領清教錄一百四十五本發與各處僧綱司依本刊板印造俵散所屬寺院僧人

琉球 在海東南。自福建梅花所開濛。順颶利舶。七日可至。其俗以盈虛為晦朔。以草木為冬夏。人皆去髭黥手。羽冠毛衣。無禮節。好剽掠。至此遣子弟來學。夷習稍變。奉正朔。設官職。被服冠裳。陳奏表章。著作篇什。有華風焉。

日本 卽古倭奴國。海中諸夷。倭奴最大。西南至海東北。大山國主。世以王為姓。地分五畿三島。又有附庸百餘。拘邪韓最大。唐初更為日本。其俗男子魁頭。斷髮黥面。文身。婦人被髮。屈紒。跣足。間用履。其喜盜。輕生好殺。天性然也。物產金銀。琥珀。水精。琉黃。水銀。銅錢。白珠。青玉。蘇木。胡椒。細絹。花布。螺蜃。漆器。扇。犀。象牙。刀。劍。鎧。甲。馬。交。市。華人。喜得童女。錦綺。絲。綿。磁。鉢。時入貢不誠。

彭亨 在東南海島中。並山多平原。禽獸希少。草木繁茂。沃土宜穀。饒果蔬。其俗上下親狎。無寇盜。男女椎髻。好誦佛經。資海為鹽。釀椰為酒。產片腦。諸香。花。錫。物。遣使奏金葉表文來朝。

百花 在海中。依山為國。國中有奇花嘉樹。民俗饒富。尚釋教。產紅猴。電倚玳瑁。孔雀。倒掛鳥。胡椒。時國王遣使來貢。

卜烟 帖木兒鞑靼別部。去甘肅一千五百里。其地廣袤千里。居無城郭。以氊帳為廬舍。產騾馬牛羊。至是來朝。

彭友信 以貢至京。遇上微行。口占紅霓詩云。誰把青紅線一條。和雲和雨繫天腰。命續之友信應聲曰。玉皇昨夜變輿出。萬里長空駕玉橋。上大悅。問其籍。命翌辰候於升橋。同入朝。友信如言。候久不至。遂入朝。上召友信。上殿前。問故。具以實對。命為北平布政使。

癸酉 洪武二 嚴震直述。浦江鄭濟及同里王勳二家。累世同居。十六年 家世孝友於上。特詔褒異。除二人左右春坊庶子。

○正月初三日。大龍興寺住持僧祖儁等。赴京賀正。辭回。司禮監官魯梯傳聖旨。住持僧賞五錠。散僧每名二錠。教禮部補本欽此。

○賜西番國師詔曰。佛教興於西土。善因博被華夷。雖無律以繩頑。惟仁心而是則。大矣哉。妙覺難窮。昔從斯道者。頓悟三空。脫塵淪而出。苦趣永離。幽冥。使生者懷而死者慕。豈不聖人者歟。邇來西番入貢。有僧公哥。監藏已藏。卜。乃昔元八思巴帝師之後人云。踵師之道。深通典。獨志尤堅。化愚頑。以從善。起仁心。以滌愆。雖是遙聞。特加爾。圓智妙覺。弘教大國師。統治僧民。名當時之善人。永為教中之稱首。於戲。寂寞山房。儔青燈而讀誦。觀皓月以吟風。登膝盤陀之上。草衣木食。方契善符。

象源禪師 諱淑。台州人。住持徑山。六月初四日。趨入門口。殺來了。殺來了。作麼。生。遊。遂。坐。脫。

甲戌

洪武二 命僧錄司行十三布政司選僧補官。
十七年 於是居頂道成淨戒等。應召除授。

○正月上謂劉三吾曰。朕歷年久而益懼者。恐為治之心懈也。懈心一生。百事皆廢。生民休戚係焉。故日慎一日。惟恐弗及。如是而治。效猶未臻。甚矣為治之難也。三吾頓首曰。陛下之言及此。天地神人之福也。諭曰。人之常情。安於所忽。飽即忘饑。暖即忘寒。不思為備。一旦卒遇凶荒。則茫然無措也。深知民艱。百計以勸督之。俾其咸得飽煖。

○正月初八日。欽奉聖旨。釋迦佛發大悲願心。歷無量劫。至於成道說法度人。一切來歷。載大藏。愚者安能知義。聰者未能盡目。有佛以來。效佛之修者無量。凡所說法。人天會聽。愚者雖無知。補於時君多矣。自佛去世之後。諸祖踵佛之道。所在靜處。不出戶牖。明佛之旨。官民趨向者。歷代如此。效佛宣揚者。智人也。所以佛道永昌。法輪常轉。邇年以來。踵佛道者。未見智人。致使輕薄小人。毀辱罵詈。有玷佛門。特勅禮部條例。所避所趨者。榜示之。

○一僧合避者。不許奔走市村。以化緣為繇。致令無藉凌辱。有傷佛教。若有此等。擒獲到官。治以敗壞祖風之罪。

○一寺院菴舍。已有碇基道人。一切煩難。答應官府。並在此人。其僧不許具僧服入公聽跪拜。設若已身有犯。即預先去僧服。以受擒拿。

一 欽賜田地。稅糧全免。常住田地。雖有稅糧。仍免雜派。僧人差役。

一 凡住持。并一切散僧。敢有交結官府。悅俗為朋者。治以重罪。

一 凡僧之處。於市者。務要三十人以上。聚成一寺。

一 可趨向者。或一二人。幽隱於崇山深谷。必欲修行者聽。

一 僧有妻者。許諸人播辱之。更索取鈔錢。如無鈔者。打死勿論。

一 有妻室僧人。願還俗者。聽願棄離者。修行者。亦聽。

一 僧寺庵院。一切高明之人。本欲與僧扳話。顯揚佛教。奈何僧多不才。其人方與和狎。其僧便起求施之心。為此人遠不近。

一 嗚呼。僧若依朕條例。或居山澤。或守常住。或游諸方。不于於民。不妄入市村。官民欲求僧以聽經。豈不難哉。如此則善者慕之。詣所在焚香禮請。豈不高明者也。行之歲久。佛道大昌。榜示之後。官民僧俗。敢有妄論乖為者。處以極刑。欽此。

○七月十二日。日本部官。同僧錄司。華蓋殿。欽奉聖旨。征南陣亡病故的官員軍士。就靈谷。做好事。普度他。恁禮部用心整理。欽此。

乙亥

洪武二 命僧錄司。設上中下三科。考試天下沙門。賜善世天十八年 禧等寺。糧米以給其食。賜僧錄司官大佑。袈裟衣衾。

大宗禪師

諱興。台州人。住持徑山。三月十一日。忽嘆曰。夫三十婦六齡。畢竟偶不成。遂坐去。

丙子 洪武二十一年十一月聖旨靈谷寺住持病故。係禮部與祭祀。欽此。

丁丑 洪武三十年 命僧錄司行十三布政司。凡有寺院處所。俱建禪堂安禪集眾。

戊寅 洪武三十一年 太祖定燕邸後代取諱二十字。四句曰。高瞻初見祐。厚載翊常由。慈和怡伯仲。簡靖迪先猷。

○二月二十九日。僧錄司左善世大佑等。於右順門欽奉聖旨。着江東驛。江淮驛兩處。蓋兩座接待寺。着南北遊方僧道往來便當。欽此。

蘧菴法師 諱大佑。號蘧菴。住持姑蘇北禪寺。詔為左善世。精究內外典籍。善天台賢首教義。有彌陀略解。淨土指歸等書行世。

遂初法師 諱紹宗。號遂初。上海陳氏。十三出家。於松江安國寺。得法於靜菴鎮法師。天資穎悟。戒行精嚴。初說法於長慶。次遷

吳興。慈感大展。玄風縑素嚮化。洪武癸酉。應召有事廬山。奏對稱旨。賜金縷僧伽黎。擢右講經。陞右善世。是年月日示疾而逝。

四月。上不豫。閏五月十日崩。壽七十有一。是月十六日葬於孝陵。尊謚曰聖神文武欽明啓運俊德成功統天大孝高皇帝。廟號太祖。

太祖御製護法集 錄入集中者不列 溝雲棲護法錄中

佛教利濟說

心經序

三教論

釋道論

誦經論

修教論

明施論

雀釋論

鬼神有無論

空實喻

拔儒僧文

僧道衡說

僧妙雲說

僧竺隱說

清教錄

諭鍾山僧勅

諭天界寺僧

賜宗泐免官說

問佛仙二篇

還經示僧

天界寺花架說

戒僧陶冶文

又諭僧

習唐太宗聖教序

遊寺記

靈谷寺記

遊新菴記

牛首山菴記

僧犯憲說

赦二役囚人

祭寶誌公文

祭道林文

讚十六羅漢二次

詩偈十九首

山居詩十二首

讚頌十三首

集列六十一人附見十五人

道原禪師衍

秋潭法師月

宗律禪師

昭慶律師濡

太白法師砥

石湖禪師美

竺元禪師道

一元禪師靈

無着禪師

古梅老人

用明法師

懶收禪師

靜菴禪師鎮

清源法師

白雲禪師

皇太孫即皇帝位以明年為建文元年大赦天下
太孫治喪禮被髮哭踊哀動左右勅有司喪儀悉遵周禮於是做金
藤遺制前朝後殿左右角門及西宮內寢各設座如生存凡十一所
有久不御者即以香湯洒埽之陳祖訓於東直殿設重器於西直殿
京官四品以上朝服執鉞立於諸陛之上自初十以至十六日哭臨
如禮晝不飲勺水夜不就枕輦先是

太祖不豫多暴怒遭譴戮者甚眾太孫入侍事必躬承服藥則親嘗
以進去後則親扶以起唾壺溺器之屬靡不手提以獻而愉色婉容
藹然可掬太祖氣已漸平多所全宥當深更夜分侍衛酣寢際呼
無不應應無不起蓋終夕未嘗交睫也太孫素豐腴至是哀毀骨立
矣是日諸大臣迎之於大明門外群臣百姓望見其毀瘠之容深墨
之色與哭泣之哀莫不舉手加額曰天子純孝舉喁喁然有至德之
思焉 詔行三年喪 命齊泰黃子澄預參國事

○命方孝孺為博士侍講 蹇義為吏部侍郎 夏原吉為戶部侍郎
○徵江西處士楊士奇為翰林院編纂官 張統為吏部尚書
○熒惑守心程濟通術數上書言北方兵起期在來年

釋鑑稽古略續集二

皇明崇禎十一年春月金蓋雲遽
壽光比丘寓本溪蘧菴纂錄編次

釋鑑稽古略續集三

蘧庵居士嚴爾珪校梓

歸安杏溪蘧菴比丘六聞 刁輪彙編

建文皇帝

諱允炆太祖之孫懿文太子子也洪武十年十一月己卯懿
文繼妃呂氏所生生十年而懿文卒時太祖年六十有五矣
是年九月庚寅立為皇太孫至是太祖崩即位年二十二靖難兵起
至金川門帝避位遜去在位四年

己卯建文元年

正月大祀天地於南郊還宮御奉天殿受群臣賀方
孝孺進郊祀頌上嘉納之遣使告即位天下神祇

詔尊皇考懿文太子為興宗孝康皇帝 封弟允熲吳王允燾衡王
允熿徐王立子文奎為皇太子 詔開史館纂修太祖高皇帝實錄

○詔優賢養老墾田興學考察官吏旌孝賑貧捨骸埋骨贖鬻子減租
○卓敬曰夫萌而未動者幾也量時而為者勢也勢非至勁莫能動幾
○勢非至明莫能察 三月京師地震求直言 召解縉為翰林待詔

○六月靖難兵起以丘福張玉朱能為都指揮以誅齊泰黃子澄為名
○燕王召道衍等共謀語未幾簷瓦飄墜地而碎王以為不祥色殊不
懌道衍曰此祥也王謾罵曰汝何妄言此鳥得為祥道衍曰天意欲

殿下易黃瓦爾王乃喜是日謀乃定。

○僧道行者蘇之長洲人姚廣孝也初祝髮為相城妙智菴僧法名道衍字斯道時相城靈應觀道士韋應真者讀書學道法兼通兵機道衍師之盡得其術然深自藏晦人無知者已而至京口賦覽古詩曰

譙榜年來戰血乾烟花猶自半凋殘五州山近朝雲亂萬歲樓空夜月寒江水無潮通鐵甕野田有路到金壇蕭梁事業今何在北固青

眼倦看其友宗泐見其搖膝長吟笑之曰此豈釋子語耶斯道斯道汝薄南朝矣既而宗泐舉道行往燕住持北平慶壽寺或薦道行文武異本燕王召見問曰爾能卜乎道行操吳音連對曰會會即開襟出太平錢五文啓王自祝連擲之睨王曰殿下將無作皇帝乎王

叱曰和尚勿謬說道衍悚然而退他日實告之道衍進言輒合因薦相術袁珙以決之蓋道衍嘗遊嵩山寺遇珙珙相之曰寧馨胖和尚乃爾耶目三角影白形如病虎性必嗜殺他日劉秉忠之流也道行

大笑因此自負王亦聞珙名託以勾逃軍下召珙至燕使者與飲於酒肆王易服雜衛士亦入肆珙一見即趨拜王前占其為他日太平天子王大喜館珙於道行僧舍世傳二語云辨宰相於嵩山佛寺識

真主於長安酒家謂此也王時與道衍語多奇祕者王甚重之道行時或誤爾汝王前王弗之責也靖難之圖實起于道行云燕王密語

道衍以人心所向對曰天之所造何論民心自是遂以道衍為軍師

○江北蝗有司請捕上曰朕以不德致蝗又殺蝗以重朕過臣民極言朕失俾得改赦疑獄捐逋租周窮乏以修實政蝗不為災更有秋

○八月祭告天地祖宗告出征也戒北征諸將士曰昔蕭繹舉兵入京而令其下曰一門之內自極兵威不仁之極今爾將士與燕王對壘務體此意無使朕負殺叔父名

○程濟初以北方兵起議為妄言繫獄赦之擢為翰林充軍師護北征

○贈王禕為翰林學士謚文節

庚辰 建文 八月承天門易名臯門端門為應門午門為端門謹身殿為正心殿 詔舉攸通文學以處士唐愚為學士

辛巳 建文 燕兵敗於東昌初靖難兵起道衍曰師行必克但費兩日耳及至此曰前固已言兩日乃昌字也自此全勝矣

二月文皇令僧修佛會祭陣亡將士張玉等自為文祭之

三月詔逐齊泰黃子澄於外責以付託不效藉其家以謝燕人

壬午 建文 六月十三日帝縱火焚宮變服遁去京師傳言帝崩四年 燕王按兵入城臣民皆迎勸進許之遣人布告天下

太祖預知帝之不終也大漸時授一小篋封鑰甚密戒以急難乃啓至是窘迫無計啓篋視之得楊應能度牒及披剃之具遂削髮披緇

執度牒自御溝出至郊壇而走時宮中火起咸以為建文自焚矣。

○上出亡時問計程濟濟曰云云立召僧人為上薙髮從出亡遇險輒

用術脫去數十年後隨上至南京莫知所終與同邑高翔起明經翔

勵名節濟好術數翔曰願為忠臣濟曰願為智士其後翔九十死難

帝生而慈慧好詩文古典禮文章至性孝友異常人子方懿文之病

癱也帝年方幼含淚撫摩晝夜不暫離親吮吸之及懿文薨哭踊哀

慕至水漿不入口者五日太祖政尚嚴刻帝濟以寬大中外愛戴

○初建文中有道士歌於途曰莫逐燕逐燕日高飛高飛上帝畿已而

忽不見人莫能測至是始驗其言云。

以天子禮為建文發喪遣官致祭輟朝三日。

○方孝孺持斬衰服晝夜號哭召至上曰我家事耳先生何自苦命作

詔授以紙筆孝孺大書數字擲筆於地曰死則死耳詔不可草。

先是道衍託以上曰南有方孝孺素有學行武成之日必不降附請

勿殺之殺之則天下好學者絕矣。

十月以僧道衍為僧錄司左善世。

靖難死節之臣其章章著者後人哀其姓名曰革除遺事一首罹禍

及陣亡之臣凡十九人聞變自盡十五人在朝罹禍二十三人在外

二十人中外士臣九十八人不及難六人被斥六人見用二十二

太宗文皇帝

高皇帝第四子初封燕王後憤齊黃之亂典章起靖難而

入正大統在位二十二年以庚子七月十八日崩壽六十

五上徽號曰體天宏道高明廣運理武神功純仁至孝文皇帝廟號

太宗至嘉靖年改號成祖葬長陵。

癸未永樂元年

二月詔以北平為北京改為順天府。太祖高皇帝實錄成共一百八十三卷。

佛說希有大功德經

正月初八日夜仁孝皇后夢感佛說緣起具自序中仁宗及漢王趙王俱有跋在五年十一月

○九月二十九日本司官左善世道衍一同工部侍郎金忠錦衣衛指

揮趙羲於武英殿題奏天禧寺藏經板有人來印的合無要他出此

施利奉聖旨問他取此個欵此。

甲申 永樂 四月冊立世子御名高熾為皇太子。

二年 郡王高煦為漢王高燧為趙王。

○擢左善世道衍為太子少師始復姓姚賜名廣孝上自是稱為姚少

師而不名亦終不蓄髮娶妻居止多在僧寺嘗賜二官人亦不近上

乃召還之。

道餘錄

少師別號逃虛子著道餘錄其自序曰余曩為僧時值元季

兵亂近三十從愚菴及和尚於徑山習禪學暇則披閱內外

典籍以資才識因觀河南二程先生遺書及新安晦菴朱先生語錄三先生皆生趙宋傳聖人千載不傳之學可謂間世之英傑為世之真儒也三先生因輔名教惟以攘斥佛老為心太史公云世之學老子者則絀儒學儒學亦絀老子道不同不相為謀古今共然奚足怪乎三先生既為斯文宗主後學之師範雖曰攘斥佛老必當據理至公無私則人心服焉三先生因不多探佛書不知佛之底蘊一以私意出邪說之辭枉抑太過世之人心亦多不平况宗其學者哉二程先生遺書中有二十八條晦菴朱先生語錄中有二十一條極為謬誕余不揣乃為逐條據理一一剖析豈敢言與三先生辯也不得已也亦非佞於佛也藁成藏於巾笥有年今自公退因簡故低得此藁即淨寫成帙目曰道餘錄置之几案士君子有過余覽是錄者知我罪我其在茲乎逃虛子序

賢 六月命太子少師姚廣孝往蘇湖等府賑濟廣孝初為僧其姊嘗戒之曰汝既為和尚當發慈悲心蓋知其好殺也及預靖難姊歎息謂人曰和尚慈悲當如是耶廣孝既貴還吳往見姊姊拒之曰貴人何用至貧家家為不納廣孝乃易僧服而往姊堅不肯出家人勸之姊不得已出立堂中廣孝即連下拜姊曰我安用爾拜許多耶曾見做和尚不了底是甚好人言畢遽還戶不復再見

乙酉 永樂 四月上謂侍臣曰致治之道莫先於廣言路蓋天下之

丙戌 永樂 徵天下道士至京師即朝天宮神樂觀洞神宮修舉金

迎西僧尚師哈立麻至京師先是上在藩邸聞烏思藏有尚師哈立麻者異僧也及即位遣中官侯顯賫幣往迎五歷寒暑乃至車駕躬往視之無拜禮合掌而已

丁亥 永樂 直隸及浙江諸郡軍民子弟披剃為僧赴

二月命西僧尚師哈立麻於靈谷寺啓建法壇薦祀皇考皇妣尚師率天下僧伽舉揚普度大齋科十有四日卿雲天花甘露舍利祥光青鸞白鶴連日畢集一夕檜栢生金色花徧於都城金仙羅漢變現雲表白象青獅莊嚴妙相天燈導引幡蓋旋遶亦既來下又聞梵唄空樂自天而降群臣上表稱賀學士胡廣等獻聖孝瑞應歌頌自是之後上潛心釋典作為佛曲使宮中歌舞之

○二月初六日文武等官奉天門早朝奏准奉聖旨着落禮部知道新出榜曉諭該行脚僧道持齋受戒恁他結壇說法有人阻當發口外為民欽此

三月封西僧尚師哈立麻為萬行具足十分最勝圓覺妙智慧善普
封僧 應佑國演教如來大寶法王西天大善自在佛領天下釋教賜金百
為佛 兩銀千兩彩幣寶鈔織金珠袈裟金銀器皿鞍馬賜儀仗與郡王同
其徒字羅羅等皆封為大國師並賜印誥金幣等物宴之於華蓋殿

太初禪師

諱啓原號太初日本國人九歲禮物外禪師得度年十九
與宗猷等十八眾游叅上國丙午二月進京見季潭禪師

後見了堂天童無着懶牧等四十五員大善知什末於傑峯和尚處
入室付頂相大衣拂子法語後住羅陽三峯寺及山交龍護禪院有
鐵皮 三會語錄是年三月一日卓午說偈曰生也鐵面皮死也鐵面皮一
雜碎 椎百雜碎白日繞鐵圍擲筆坐逝壽七十五行化四十餘年塔院南

七月乙卯皇后徐氏崩謚曰仁孝皇后
十一月永樂大典書成凡二萬二千九百卷一萬一千一百本後廢

戊子

永樂 三月福建栢生花為瑞上賜勅責之
六年 既而蘇州揚州二府奏言檜花為瑞

無礙禪師

諱普智別號一枝叟浙江臨平褚氏子出家龍井寺依東
溟日法師授天台性具之學優於講說歷四大道場門風

大振晚年開演於松江延慶寺遂為終老專修淨業寒暑不輟是年
春月二日微疾會眾端坐面西念佛而逝嘗集註阿彌陀經一卷

瑞檀瑞像至此二千四百年矣

巳丑

七年

庚寅

八年

辛卯

九年

壬辰

十年

癸巳

十一年

五月五日。上幸東苑觀擊毬射柳皇太孫擊射連發皆中上大喜曰
今日華夷畢集朕有一言爾當思對之曰萬方玉帛風雲會皇太孫
即叩頭對曰一統山河日月明上喜甚大宴賦詩盡歡而罷
七月十七日工部尚書吳中於奉天門早朝欽奉
聖旨如今京城起蓋大報恩寺

呆菴禪師

諱莊台州人住持徑山臨終云難難難二八嬌娘上高山
老僧扶不起言竟遂寂有呆菴語錄轟轟然宗門偉人也

乙未

十三年

丙申

十四年

丁酉

十五年

戊戌

十六年

○太子少師姚廣孝卒追封榮國公謚恭靖有道餘錄見前
○十二月勅修武當山宮觀成賜名曰太嶽太和之山山有七十二峰
三十六巖二十四澗峰之最高者曰天柱境之最勝者曰紫霄南巖
上軼雲氣下臨絕壑舊皆有宮為祀神祝釐之所元季兵燬至是悉
新之紫霄曰太玄紫霄宮南巖曰大聖南嶽宮又有興聖五龍宮玄

天王虛宮。遇真宮。清微宮。淨樂宮。又即天柱峰頂。冶銅為殿。飾以黃金。範真武像於中。選道士三百人。供灑掃給田二百七十七頃。并耕

陰騭

戶以贍之。每宮設提點一人。秩正六品。
巳亥 永樂十年。頒為善陰騭。孝順事實二書。於文武群臣。天下學校

二月二十八日。賜僧錄司右善世。一如佛像二軸。佛骨五塊。鈔一千貫。諸佛菩薩名稱歌曲大小三本。道成佛一軸。思擴佛一軸。大小歌曲各三本。命編類禪宗語錄。

三月初三。命道成一。如等八人。校勘藏經。新舊比對。聚僧寫錄。

法華科註 上天竺住持僧錄司右善世。一如法師。依法華文句。句記。編葺成之。

大明法數 一如法師。奉勅探討。大藏群經。采輯類編。

雪軒禪師 諱道成。字鷲峰。薊北人。參秋江潔公。言下會旨。囑曰。是汝

屠活

聚屠沽為之。易業。洪武間。詔授青州僧都綱。後太祖聞其賢。召為僧錄司右講經。賜金襴衣。住持天界寺。至永樂中。命師往日本。闡揚佛法。及歸。陞去善世。御製詩章。賜之三坐覺場。四會語錄。行世。

秋。御製佛曲成。併刊佛經以傳。九月十二日。欽頒佛曲至大報恩寺。當日夜本。寺塔見舍利。光如寶珠。十三日。現五色毫光。卿云。捧日。千

頌曲

佛觀音菩薩羅漢妙相畢集。
續頌佛經佛曲。至淮安給散。又現五色圓光。彩雲滿天。雲中現菩薩

羅漢。天花寶塔。龍鳳獅象。又有紅烏白鶴。盤旋飛遶。

續。又命尚書呂震。都御史王彰。齋捧諸佛世尊。如來菩薩尊者名稱歌曲。往陝西河南。頒給。神明協應。屢現。卿云。圓光寶塔之祥。文武群臣。上表稱賀。上甚嘉悅。中官因是益重佛僧。建立梵刹。以祈福者。徧

兩京城內外云。
心淵法師 諱居敬。字心淵。別號蘭雪。學通內外。善屬文。精嚴律部。禮

詔校大藏經。預修會典。已而住持上海廣福講寺。遷松江普照。大開法席。一十三載。建大雄寶殿。海月堂。三解脫門。廊廡重軒。精舍香積。煥然新之。七眾瞻仰。道風大扇。

庚子 永樂十年。三月初七日。頒御製經序十三篇。佛菩薩讚跋十二

聖朝佛菩薩名稱佛曲作五十卷。佛名經作三十卷。

神僧傳作九卷。俱入藏流行。

○旨刻大藏經板二副。南京一藏六行十七字。北京一藏五行十五字。又旨石刻一藏。安置大石洞。聖旨。向後木的壞了。有石的在。

○北京建兩座大寺。選聰慧的僧住持。

○七月二十七日。宣聞祿天喬二僧。賜七佛偈。

○八月十九日。衆僧慶壽。入內賜坐。賜齋。

○十二月十八日。賜禪宗入藏。古尊宿語。聯珠頌古二對。續傳燈錄三對。講宗佛祖統紀四十五卷。

辛丑 永樂十年 西僧大寶法王來朝。或請駕親勞之。夏原吉沮之。上曰。爾欲效韓愈耶。乃不出勞。他日法王入見。吉不拜。

正月二十一日。僧錄司左覺義慧進等題內。瞻寫大藏經事。恭惟聖朝較刊藏典。乃千載之希遇。臣等伏請御製序文。以冠經首。增輝佛日。流傳萬古。實爲教門至幸。爲此謹具題知。

○正月三十日。上看所寫藏經。著就寺裏刊刻。賜各僧傳心妙訣各本。八月初十日。着寫經僧人且回去。明年不來。後年來。是你教門的事。若待文書來取時不便。修行的僧人。經板刊了。送你們坐山去。我也結些緣供你。欽此。

壬寅 永樂十二年 九月二十四日。賜衆僧官齋。御讚觀音金剛數珠等。賜天下預會僧人輪子。

○十月初一日。賜衆僧官住持等。彌陀佛。西番文殊各一軸。

○十月初六日。賜僧道官宴。及天下衆僧。宴刻絲觀音。水晶數珠等物。

癸卯 二十一年 七月十八日。上崩。年六十五。

九月朔。上。大行皇帝。謚曰。體天弘道高明廣運聖武神功純仁至孝。文皇帝。廟號太宗。至嘉靖中。改廟成祖。十二月葬長陵。

岱宗禪師 諱泰。紹興人。住持徑山。晨起盥沐。罷趺坐而逝。

伯蘊禪師 諱琇。蘇州人。住持徑山。一日經行次。倚杖而化。

國初名僧未見傳紀者附 前列九人後附二十一

無礙禪師 鐙 月菴禪師 素菴禪師 田

了堂禪師 頑石禪師 無念禪師

天童禪師 素 屯菴禪師 用剛禪師 軟

寂照禪師 獨空禪師 願菴禪師 真

無禪禪師 悟 無瑕禪師 一雨禪師

和菴禪師 演福法師 溪澄禪師

悟虛禪師 懶雲禪師 壞空禪師 成

仁宗昭皇帝

成祖第一子。仁孝太后徐氏所生也。正位儲宮二十二年。成祖崩甲辰八月十五日即位。在位一年。乙巳五月十一日崩於西宮。壽四十八。上徽號曰敬天體道純誠至德弘文欽武章聖達孝昭皇帝。廟號仁宗。葬獻陵。

乙巳洪熙元年

正月朔。上御奉天殿。朝群臣。設樂不作。大祀天地於南郊。皇祖皇考配享。

賜三公及六卿。天元玉曆祥異賦。諭曰。天道人事。未嘗判為二途。有動於此。必應於彼。朕少侍太祖。每教以慎修敬天。未嘗敢怠。

○加贈少師榮國公謚忠靖。姚廣孝等四人。並配享文皇帝廟號。

○詔免稅糧。上曰。救民之窮。當如救焚拯溺。不可遲疑。

○上曰。恤民寧過厚。為天下主。寧與民寸寸計較耶。

○賜蹇義一印曰忠貞。賜楊士奇一印曰貞一。向賜繩愆糾謬圖書。

○五月帝不豫。次日大漸。遺詔傳位太子。遂崩。

○六月十二日。皇太子即皇帝位。大赦天下。

○八月。勅修太宗仁宗兩朝實錄。

○國朝名僧未見傳紀者附。

雲溪英禪師

潔空通禪師

寶月潭禪師

雪峯瑞禪師

宣宗章皇帝

昭皇帝長子。張皇后所生也。文皇初有易儲之意。見帝英敏。解縉復贊曰。好皇孫。文皇因立帝為太皇孫。仁宗龍升。遂即帝位。在位十年。以乙卯正月初三日崩。壽三十七。上徽號曰憲天體道英明神聖。欽文昭武寬仁純孝章皇帝。廟號宣宗。葬景陵。

丙午宣德元年

諭選官曰。庶官賢否。關國家之治亂。諭三法司。審錄囚繫。務存平恕。

賜蹇義圖書曰。忠厚寬弘。賜夏原吉圖書曰。含弘貞靖。

賜楊榮圖書曰。方直剛正。賜楊士奇圖書曰。忠方貞靖。

賜胡濙圖書曰。清和恭靖。

丁未

宣德二年。講孟子講官言。太公以救民為心。伯夷以君臣之義為重。上曰。太公之心在當時。伯夷之心在萬世。

戊申

二年。二月。冊立皇長子。御名初唐。為皇太子。上曰。古人謂笛者滌也。所以滌邪穢。納之以正之意也。

巳酉

四年。正月。騶虞見於南京。山西圓果寺。是古蹟道場。為國祝聖之所。乞役民為之。

庚戌

五年。太宗實錄一百卅卷。寶訓十五卷。仁宗十卷。寶訓六卷。夏原吉德量寬弘。曰。君子不以冥冥懈行。卒贈太師。

土魯番國。氣候多暖。少雨雪。信佛法。多僧寺。有靈山最大。人言十萬。

羅漢涅槃處。近山有高臺。臺畔有僧寺。寺下皆石泉林木。此時來貢。○以監察御史于謙為兵部侍郎。巡撫河南山西。

于少保 浙江錢塘人。骨相異常。七歲僧蘭古春見而奇之。曰：此他時救時宰相也。登永樂辛丑進士。授御史。才貌英偉。聲如洪鍾。

遇事敢為。不避權貴。嘗扈從征高煦。罪人既得。上命謙數其不軌。詞嚴義正。矢口而成。大稱上旨。自是受知。至是河南山西西省各奏災傷。廷議欲令大臣經理。上親署謙名。超授之。時年三十三。

○柴車錢塘人。清慎得名。為兵部侍郎。

○况鍾江西人。為蘇州知府。鋤強扶善。民以青天稱。

○十二月含譽星見于九旂。大如彈丸。黃白光耀。群臣表賀。

教乘法數 僧錄司右善世心源法師滌公集

辛亥 六年 金幼孜簡易沉默。不伐善。驚名。卒贈少保。謚文靖。

癸丑 八年 八月熒惑犯南斗。甲寅 九年 曹端字正夫。篤尚理學。著述甚夥。稱月川先生。

乙卯 十年 正月三日上崩。乾清宮。初十日太子即位。大赦天下。蹇義沉靜和厚。歷事五朝。年七十三卒。贈太師謚忠定。

敬菴禪師 諱莊。台州人。住持徑山。當六十三代。含笑坐化。

雷菴禪師 諱澤。蘇州人。住持徑山。當六十四代。八月日化。

無際禪師 諱悟。本蜀人。二十出纏。專坐參究。念佛縛竹為菴。研勵無懈。師曰：無念即着空。有念即着執。有無兩相忘。非空亦非執。又曰：寂照無上下。光明處處通。本來無皂白。何處不含容。授法偈曰：我無法可付。汝無心可受。無付無受心。何人不成就。師有心藥方。行於世。又走馬燈。偈云：團團游了。又來游。無個明人指路頭。滅却心頭一點火。刀鎗人馬一齊休。

楚山禪師 諱紹琦。姓雷。唐安人。九歲出家。初從玄極和尚。最後謁東普無際禪師。得法。普曰：還我無字意來。師曰：這僧問處偏多事。趙老何曾涉。所思信口一言。都吐露。翻成特地使人疑。普曰：如何是不疑處。曰：青山綠水。燕語鶯啼。歷歷分明。更疑何事。普因付法。

月江禪師 諱淨。金華人。住持徑山。當六十五代。一日念佛坐逝。

雪崖禪師 諱珂。金陵人。住持徑山。當六十六代。日晝沐浴坐逝。

英宗睿皇帝

章皇帝長子宣德二年孫皇后所生宣宗崩年九歲時倡國有長君之議賴三楊英國而定乙卯正月初十日即位

建元正統。巳巳北狩。庚午七月回鑾。尊為太上皇帝。居南宮。丁丑正月復辟。改元天順。至甲申正月十七崩。在位前後共二十二年。壽四十八。上徽號曰法天立道仁明誠敬昭文憲武至德廣孝睿皇帝。廟號英宗。葬裕陵。

丙辰正統元年

十月命僧錄司復照洪武舊制。造僧人周知冊。優免先聖先賢子孫差役。

丁巳二年

三楊 宣德實錄成。楊士奇楊榮俱進少師。楊溥進少保。

巳未四年

庚申五年 王福秉心正大。義利介然。憂國忘家。老而彌篤。官至尚書少保。卒。贈太保。謚忠宣。

釋應能

實建文帝也。自出家後。經湘湖入蜀。至雲南復遊閩。後入廣西。橫州南門壽佛寺。居十五年。陞座說法。歸者甚眾。復往南

寧。居一寺中。歸者亦然是時。思恩知州岑瑛出行。忽一僧當道立。從者呵之。師自稱為建文帝。遊方至此。今老矣。欲送骸骨歸帝鄉。瑛大駭。聞於巡按御史奏之。驛送赴京。號為老僕。途次賦詩云。流落江湖四十秋。歸來不覺雪盈頭。乾坤有限家何在。江漢無情水自流。長樂

宮中雲影暗。昭陽殿裏雨聲愁。新蒲細柳年年綠。野老吞聲哭來休。弘治中。追謚恭仁康定景皇帝。

辛酉六年

壬戌七年 太皇太后張氏。謚曰誠孝昭皇后。天下休息。人謂女中堯舜。

癸亥八年

王振作大第于皇城。又作智化寺于居東。以祝釐。追封元儒吳澄為臨川郡公。從祀孔子廟庭。

曉菴禪師

諱善啓。字東白。別號曉菴。長洲人。楊姓。甫能言。即通釋典。如舊熟。投入永茂院。雜染受具。屏跡龍山。研窮大藏。百氏

諸子無不精究。永樂戊子出世。郡之延慶寺。明年應召纂修永樂大典。并校大藏經。賜金僧伽黎。一時名士皆為方外交。或辯儒釋之異。師曰。無論聖人理同。且各為其教。又曰。東魯乘道。西竺見性。皆莫先於厚本。故吾儕雖離父母。而養生送死。率皆從厚。正統癸亥示寂。

甲子九年

楊士奇年八十。卒。贈文貞。有沙羨稿。右臺稿。世稱西楊。楊榮庚申七月。卒於杭州。謚文敏。世稱東楊。

乙丑十年

侍郎王英齋香幣祀。南鎮大雨。稱侍郎雨。丙寅 楊溥天台人。官至學士少保。是年卒。年七十五。謚文定。

空谷禪師

諱景隆。字祖庭。號空谷。從弁山懶雲和尚受學。參禪。次謁古拙。後從石菴出家。於昭慶寺受具。有空谷集等。行於世。

虛白禪師

諱慧昂字虛白湖廣族家於丹陽姓王母黃氏方娠之夕
夢僧頂包入門及產多異警悟不凡寓目成誦七歲夢坐
稠人中揮塵玄論醒以告母母曰此高僧說法相也十四出家謁湛
然松隱果林諸公於寶藏持公處省徹偈曰一拳打破太虛空百億
須彌不露踪借問個中誰是主扶桑湧出一輪紅住安溪東明二十
餘禩晝夜無睡坐若鐵幢稱昂鐵脊卒年七十塔於山之東塢

西疇禪師

諱頊會稽人住持徑山當
六十七代一旦整衣坐脫

守中禪師

諱宸金華人住持徑山當
六十八代經行頃刻坐脫

傑峯禪師

諱英金華人住持徑山當
六十九代持金剛經而逝

于謙

每入京未嘗持土物送餽汴人誦曰手帕蘑菇與線香本資民
用反為殃清風兩袖朝天去免得閭閻話短長

商輅

嚴州淳安人自鄉薦禮闈連中三元
官至內閣秩一品事業為時名臣云

丁卯

十二年

戊辰

十三年

巳巳

十四年

學士致仕黃

准卒謚文簡

六月雷電大震風雨驟作南京宮殿一火而盡

紹興山移

地動白毛徧生

陝西二處山崩

山移有聲叫三日移數里

黃河改往東流於海淹沒千餘家

熒惑入於南斗

七月北虜寇邊王振挾帝親征有黑雲如繖罩營雷雨大作

八月既望駕至土木繼與北虜戰我師敗績上遂北狩

九月六日郕王即皇帝位尊上為太上皇帝

于謙抗言京師天下根本一動則大勢盡去出榜諭眾固守議始定

韃靼眾每夜見帝帳房上火光隱隱若黃龍交騰其上近視不見

景皇帝

宣宗第二子吳貴妃所生初封郕王英宗北狩奉孫太后懿旨
皇太子幼冲未能踐祚以帝年長監國既而群臣勸進遂正大

位在位七年英宗復辟廢帝為郕王歸西內時帝已病越數日崩成

化十年命復帝廟號上尊謚曰恭仁康定景皇帝

庚午景泰元年

正月朔帝受朝免賀
上皇在虜庭寫表祝天

全寅

卜者與上皇卜奏
曰大吉復還再辟

辛未

二年

壬申

三年

李賢進戰車之議欲行則行欲止則止
謂之有脚之城備邊長策有所取焉

武剛車

衛青所制長一丈五尺高六尺五寸上開小窗下留銃眼前
後左右橫排鎗頭每車前後占地五步若用一千輛一面二

百五十。約長四里。內藏軍馬糧草輜重。以此禦敵。使馬不得衝陣。箭不得傷人。○所謂備有脚之城。運無糧之馬云。

常山蛇陣 鄭林操練團營軍士言常山之蛇擊首則尾應擊尾則首應擊中則首尾俱應者也。○八陣天地風雲龍虎鳥蛇也。

制龍 徐有貞築一决口。下木石若無。往山中叩一道術之僧問之。僧曰聖人無欲。貞悟下有龍穴。性多欲。鑿鐵沉之。龍徙去。决口塞。

癸酉 四月新建隆福寺成。車駕臨幸。
甲戌 四月。勅纂宋元史書通鑑綱目共集。

毒峰禪師 諱季善。鳳陽人。父吳姓。母程氏。十七歲出家。初遇源明和尚。請益受無字公案。掩關不設臥床。睡魔沉重。百計遣除。

一朝聞鐘聲。忽說偈云。沉沉寂寂絕施為。觸著無端吼似雷。動地一聲消息盡。觸體粉碎夢初回。云。師有語錄行世。

一清禪師 諱天號潔祖。廬陵人。歐陽氏禮正宗忠公授業。得度於右街雲海法師。侍香於大天界會中。即左街講經制授弘慈。

普應之號。正統癸亥。上勅弘慶禪院。師創立焉。道風遠布。朝野知名。後因碩德名公。共推住持徑山。諸大檀越欣然施助。恢宏像設云。

乙亥 六年
丙子 七年
寰宇通志成 纂修總裁等官。皆進秩有差。

英宗復辟丁丑天順元年

李賢儀度端凝得體 薛瑄學行老成
岳正剛正慷慨自許 吳與弼儒者高蹈

雪光禪師 姓趙氏。斷指發心。禮妙音師出纏。見寂照禪師策發進功。萬里無雲。絕點埃。未離廣寒宮。裏去銀蟾印。破水中胎。臨終云。鐵笛

橫吹在自由。何必曹山不借借。擲筆而逝。住持西雲寺。塔於正法寺。

物外禪師 名圓信。字無念。姓高氏。金臺人。物外其別號也。母夢一僧。托宿而娠。童時不食五辛。禮大覺為師。轉禮天池春公。謁

無際叅究。後得脫洒。偈曰。崑崙倒躡清風舞。澗底泥牛鬪石虎。磕著蒼松眼上眉。蟪蛄踏破虛空肚。後月幻付於衣法。出世伏牛山云。

雪庭禪師 仁和人。族姓桂母徐氏。十五出家。叅休休翁於仙林寺。十

飛入園林錦繡鄉。記得小牕驚我夢。滿庭紅杏帶斜陽。有語錄行世。

古可禪師 銀 寶池禪師蓮 南山禪師壽
白雲禪師 素虛禪師 湛然禪師
大宗禪師 蓉菴禪師 光澤禪師

大機禪師 用 月溪禪師 道育禪師
壽堂禪師 天甘禪師 濟 大覺禪師

戊寅

陳真晟為聖賢踐履之學。有功于主敬。謂大學誠意為鉄門關。主一二字乃其玉鑰匙也。

理學

薛文清瑄。陳克菴選為最。吳敬齋仁。羅一峰倫。章楓山懋。亞之。陳白沙獻章。莊定山景。黃未軒仲昭。陳剌夫。曹月川端。何椒丘。

巳卯

尚書高穀端亮有守。恪持公論。卒贈太保。謚文義。庚辰。陝西隕石如雨。擊人萬數。石又能言。可駭。

辛巳

帝謂李賢曰。朕進膳。飲食隨分。未嘗揀擇去取。衣服亦隨宜。雖著布衣。人不以為非天子也。

壬午

二月會試場屋。焚舉子焚死者數十人。是月晦。夜空中有聲。李賢疏傳言無形有聲。謂之妖鼓。

甲申

正月上不豫。處置勿以嬪御殉葬。為盛德事。平富剛正敢為。卒謚恭定。薛瑄謚文清。所著讀書錄。多名言。

古溪禪師

名覺澄。號古溪。蔚州人。從天輝景公出家。閱三乘教典。參無字公案。住南陽香嚴寺。後楚山老人付法。為臨濟二十四世之燈。遷天界。善於開導。慈隆物類。有藥師科儀三卷。行於世。

李賢請復于謙等官。以雪冤枉。盛顯為官。有清如水。明如鏡之謚。

乙酉

正月于謙之子冕。疏訟父冤。上憫之。追復故秩。祭墓。天雨黑。悉地震有聲。彗星見西北。長三丈餘。

乙酉成化元年

庶吉士在院寂寞。注假賦詩云。迴廊寂寂鎖齋居。白日都消病曆餘。竊食大官無寸補。綠陰亭上看醫書。

憲宗純皇帝

英宗長子。周太后所生。初立為皇太子。英宗北狩。帝方二歲。主少國疑。邠王監國輔政。未幾即真。改封帝為沂王。英宗再位。復立為太子。英宗崩。即位。在位二十三年。壽四十。上徽號曰繼天凝道誠用仁敬崇文肅武宏德至孝純皇帝。廟號憲宗。葬茂陵。

圓鏡法師

汾州人。早歲出家。游心賢首講肆。得悟諸經密旨。常游平陽府妙樓山石室寺。為眾說法。一日至北門瓦窰坡上。鑿一庵。如龕。燕默其中。忽囑其徒曰。吾將歸矣。請其期。曰。來日耳。晨興沐浴。即更三衣。焚香趺坐。說偈而逝。

月江禪師

名覺淨。號月江。姑蘇人。父沈母鈕。出家張墩古拙座下。授以念佛公案。參峴山大宗。指見東明昂師契悟。返古道山居。活埋菴。天順間。住小鴻村水心院。歷二十年。示門人道。林曰。吾往矣。一衣一盃。此正法眼藏也。壽七十九。立塔以瘞靈骨。院中云。

無極禪師

諱瀨。住持徑山。當七十一代。一日誦心經坐脫。宗勝。諱胤。住持徑山。當七十二代。常時禮佛。一日臥去。

丙戌^二 三月廷試取羅倫第一。倫嗜學好古。篤志尚行。
年 十二月學士李賢卒。贈太師。謚文達。

丁亥^三 戊子 巳丑 庚寅^六 尚書魏驥年九十八卒。謚文靖
年 尚書王翱年八十四卒。謚忠肅

辛卯^七 壬辰^八 七月大風雨雹有如牛者。
年 五州之北。山吼三日而裂。 癸巳^九 甲午^十

正覺禪師 諱成住持徑山當七十三
代持戒精專。無病而終。 用璠 諱珺住持徑山當七十四
代禪定不懈。端坐默化。

乙未^{十二} 丙申^{十二} 七月京師黑青見其狀一片黑氣。其疾如風。或
年 自戶牖入。至則人皆昏迷。金睛修尾狀類犬狸。

丁酉^{十四} 戊戌^{十四} 修撰羅倫 巳亥 庚子 辛丑 壬寅^{十八}
年 卒。謚文毅。

陳獻章字公甫廣東人。築一室名陽春。日杜門端默其中。以明心為
務。曰舍彼之繁求我之約。又曰為學須靜坐。養出端倪。方有商量處。

癸卯 甲辰 胡居仁其學以忠信為本。以力行為要。因以敬名齋。
聘請主白鹿洞書院。卒年五十一。有敬齋錄。居業錄。

乙巳 丙午 學士商輅抗節致忠。 丁未 八月上崩 九月六日
關係千古。卒。謚文毅。 皇太子即位。大赦天下。

孝宗敬皇帝 憲宗長子。紀妃生于西宮。妃少乳。太監張敏以粉餌餵之。
護視惟謹。後悼恭太子薨。內官漸傳西宮有皇子六歲矣。

萬貴妃驚而召入昭德。因立為太子。憲宗崩。即位。在位十八年。年二
十六歲。乙丑五月初七日崩于乾清宮。上徽號曰遵天明道誠純中
正。聖文純武至仁大德敬皇帝。廟號孝宗。葬太陵。

戊申弘治元年 加贈前少保兵部尚書于謙。特進光祿大夫柱國
太傅。謚肅愍。建祠墓所。賜額曰旌忠。春秋致祭。

大闡禪師 名惠通。號大闡。政和邵姓。年二十。造寶積玉溪師處出家。
參周山主。付念佛公案。積久透徹。後往樵陽君峰。示寂。

梵絕禪師 諱瑞。南昌人。禮荆門無說和尚。薙髮見寶峯大師。反覆辨
詰。機緣契合。付以袈裟拂子。住鍾陵名刹。弘法接機。甚眾。

巳酉^二 鄒智字汝愚。四川人。讀書龍菴。十九發解。鄉人爭看。口占
年 龍菴山上舊書生。偶掇三巴第一名。天下許多難了事。鄉

人何用大相驚。後論事見斥。詩曰。人到白頭終是盡。事垂青史定誰
真。夢中不識身猶繫。又逐東風入紫宸。又曰。盡披肝膽知何日。望見

衣裳只此時。但願太平無一事。孤臣萬死更何悲。

庚戌^至 丁巳^十 纂修大明會典 戊午^{六月} 熊入京師。未幾城
年 各省天鳴地震。 內在處火災延燒甚烈。

竺芳禪師

諱葦住持徑山當七十五代。時常說法度人。一日坐逝。

庭禮禪師

諱訓住持徑山當七十六代。十年不出戶。安然坐脫。

天才禪師

諱英住持徑山當七十七代。每常勸人念佛自念佛而終。

樵山禪師

性空禪師

靜晃禪師

印宗禪師

默堂禪師

寶月禪師

天暉禪師

吉菴禪師

休休翁

野翁禪師

寶芳禪師

月幻禪師

巳未

年十二

甲子

年十七

年不可以多得也。又一母一子各天一涯。千思萬思無時不思。疾病獨自呻吟。藥餌孰與調節。臣既思母。則報主之心亂。母復思臣。則保身之念微。臣心可愍。母心尤可虞也。又庶得以慰倚門之望。少伸寸草之忱。又尚期捐塵埃之報。于將來。更效犬馬之勞。於未死云。

乙丑

年十八

五月帝不豫。顧命輔臣。崩於乾清宮。十八日皇太子即位。大赦天下。

武宗毅皇帝

孝宗長子。張太后所生。時年十五。太陵崩。即皇帝位。乙丑正月十八日也。在位十六年。壽三十一。上徽號曰承天達

道英肅睿哲昭德顯功宏文思孝毅皇帝廟號武宗葬康陵。

丙寅正德元年

三月星隕如月。雷震郊壇太廟奉身殿。七月彗見參井掃太微垣。太白經天。

章懋潛心大業。身體力行。登仕五十年。年七十餘。謚文懿。楓山先生。劉大夏廉退無營。官至一品致仕。學士謝遷劉健致仕。王鏊吳縣人。入閣典機務。李東陽乞致仕。張元禎稱東白先生。

丁卯

年二

八月黃河清。慶雲見。翼軫分野。應世廟生。

戊辰旃檀瑞像至此二千五百年

辛未

年六

上方好佛。自名大慶法王。有僧奏曰。百頃為大慶法王下院。

壬申

黃河清。清河柳家浦九十里。清五日。

馬文升年八十七卒。贈太師謚端肅。李東陽卒。贈太師謚文正。石經山寺。朱寧營建窮極壯麗。上親幸焉。湯峪山玉泉亭。

古音禪師

諱法果。自號王泉老人。與賢蔡姓。母黃。二十五禮赤石山。主出家問法。叩大闡。叅性空。靜晃印宗諸大士。商確決擇。

又遇寶明壽堂印可。應瑞巖請為眾說法。開示詳悉。後於斗峰創一大刹。弘化一方。示寂之日。群鳥悲鳴。池魚躍起。有醍醐集三卷行世。

無聞禪師

名思聰字無聞初晤獨翁次同雲峯月山習定多年後謁

匪透人懷個中消息無多子自有通身歡喜來又頌曰古雲峯頂人難覩偶被風來映落霞百鳥未歸天已晚夜深依舊宿蘆花

雲峯禪師

赤石山主

寶明禪師

月山禪師

臥雲禪師

不會禪師

無能禪師

無用禪師

天池禪師

白牛禪師

慧堂禪師

寶珠禪師

癸酉至巳卯

年十四六月寧王宸濠反十六日始七月王守仁討之七月二十六日悉已被擒八月下詔南征

王守仁

浙江餘姚人字伯安號陽明自幼聰明才辨擅名登進士提督軍務屢平劇盜倡義討寧勲業益隆倡良知道學封新建

悅山禪師

諱愷住持徑山當七十八代常笑無嗔臨終亦笑而寂

石牕禪師

諱珉住持徑山當七十九代耽文證果臨終跌坐而逝

月林禪師

諱鏡杭州人少穎異釋齡出家弱冠剃染專修淨業叅本

驀然揪着個鼻孔試看元來是白下自是聲名遠著住持徑山當八十代進士張公寧讚之其略曰瑞芝三秀古栢十圍得正度於無傳

嗣妙法于東嶼又云超龍眠於下界興象教於中衰丞相開選佛場和尚晤出世法乘流而行遇徑而止命當年國一亦起于崑山容首

庚辰年十五閏八月上幸故學士靳貴第時樞在堂上撫臨嗟悼之度坡仙重游於方丈凡吾方外之友盡讚僧中此郎正德已卯歸寂

辛巳年十六羅欽明江西人所著困知記深明性理之學官至吏部尚書謚文莊

迎興獻王長子至即皇帝位大赦天下

天奇禪師

鍾陵人父江臺母徐氏二十聞無說能和尚乃有道之士依之出家剃落教看一歸何處話後得昱首座苦口提攜

晝夜搜逼用心至其目如覩其耳如聽字字明白句句歷歷晝夜如一遂得豁然又見寶峯禪師乃得印證有語錄行世

傑峰禪師

大信大疑大疑大悟提起話頭一切不顧行叅坐究口念心思密密推窮時時覷捕忽朝撥破疑團觀面更無回互

古心禪師

大因禪師

月印禪師

世宗肅皇帝

興獻王長子。憲宗之孫也。興獻封于湖廣之安陸。正德丁卯八月十五日。上生于興邸。王薨。上嗣理國事。至是年十五矣。武宗無子。臨崩奉詔迎立。在位四十五年。壽六十。上徽號曰欽天履道英毅聖神。宣文廣武洪仁大孝肅皇帝。廟號世宗。葬永陵。

壬午嘉靖元年

毀剖玄明宮佛像。金屑一千三十兩。從趙璜之言。毀拆京師寺院。屠應墳。一夕發檄行之。

癸未

八月。晉王奇溯母病渴。王祝天。井泉湧出。病愈。建醮祈禱。有雙鶴飛鳴。遶壇。母卒。王哀毀。古栢生奇花。異香襲人。

丙戌

御書十二言曰。法祖安民。奉天行道。福善禍淫。頒示群臣。上製敬一箴。及註范浚心箴。視聽言動四箴。頒賜大學士。

更定大禮全書。為明倫大典。鑒古韻語。含春堂稿。

丁亥

五月。京師雨。錢。七月。南京雨。血。日重暈。生珥。白虹彌天。

戊子

御製十六字箴曰。卓爾之見。一貫之唯。學聖君子。勗哉勿偽。提督兩廣軍務王守仁。收兩廣諸寨。賊寇悉平。

寶峰禪師

月天禪師

無盡禪師

古春禪師

海天禪師

楚峯禪師

指南禪師

月溪禪師

照堂禪師

庚寅

建園丘於南郊。其北為皇穹宇。建方澤於北郊。其南為皇祗室。作朝日壇於東郊。夕月壇於西郊。

王守仁後謚文成。胡世寧謚肅愍。楊一清謚文襄。桂萼卒。謚文襄。張璁易名字敬。重刊二十一史成。

辛卯

清馥殿。翠芳亭。九五齋。皇史宬。錦芬亭。寶月亭。精一堂。恭默室。

乙未

上曰。有德行者。方可為人師範。文章是末藝耳。祀天重器成。除禁中佛殿。併燬大善殿。金範佛像。

己亥

張孚敬。狗國之純臣。振古之人豪。卒贈太師。祭葬。蔭子有加。上親按謚法。以危身奉上。謚曰文忠。蓋特眷云。

庚子

七月。方士段朝用。以燒煉術進。授紫府宣忠高士。術卒不驗。顯鼎臣崑山人。卒贈大保。謚文康。霍韜南海人。卒謚文敏。

癸卯

七月。熒惑入南斗。甲辰。水土火三星聚于房。江南斗米二錢。六月。熒惑犯南斗。

丁未

大同。女年十七。化為男。十月。夏言死於西市。好去天上辭宰相。却來平地作神仙。

辛亥

十一月。楊繼盛遷官。癸丑。楊繼盛疏嚴嵩專政。誤國十罪。妻勸鬼號。而致囚獄。拷掠處決。

乙卯

冬楊繼盛詣朝審。士庶夾道。共指曰：此天下義士繼盛。口吟風吹柳鎖滿城香。簇簇爭看員外郎。豈願同聲稱義士。可憐長板見君王。聖明厚德如天地。廷尉稱平過漢唐。性僻生來歸視死。此身原自不隨楊。歲子血三年而化碧。即地下必有以報應生。

庚申

寧夏地震。嘉興湖州大震。屋廬媿媿如布帆。工部尚書劉麟卒。贈太子少保。謚忠清。

法舟禪師

諱道濟。字法舟。生思賢里。族張氏。年二十餘。入天寧寺為行者。服勤默堂宣禪師座席。次事吉菴祚公。朝夕參叩。一

日聞佛殿磬響。豁然契悟。趨菴方丈。決擇印可。繼謁古印雲峰諸師。日益深奧。住覺王景德雙髻等刹。嘉靖初出世金陵安隱。僧問：如何是安隱境。師曰：三山半落青天外。二水中分白鷺洲。又問：何如是安隱家風。師曰：石虎山前開泥牛水底眠。次抵陽羨。還攜李雲寄天寧靈光諸刹。買舟南湖。信風游詠。後入吳興弁山居之。復歸天寧。遂終老焉。師持神呪多驗。呪枯井以重泉。特梵僧而假榻。青蛙就聽聽誦。神人入戶護持。後復嬉笑怒罵。縱橫自調。而人不能測矣。庚申之秋。寢疾而逝。年七十四。臘五十二。塔其骨于別室。有法語偈頌。名刹語。

辛酉

四十 訪仙術異人 符籙祕方

壬戌

嚴嵩致仕 世蕃充軍

癸亥

四十 二年

王芝禪師

諱法聚。號月泉。嘉禾富氏子。母馮氏。幼肄儒業。淹貫經籍。事王陽明先生。得良知之旨。出家後。參夢居禪師。呈二偈。

曰：湖光倚杖三千頃。山色開門五六峰。觸目本來成現事。蒲團今不鍊頭空。一滿目風光足起居。有誰平地別親疎。縱令達磨傳心訣。問着依然不識渠。問答切磋。由是了悟。結菴荆山。有芝產於座下。人號王芝和尚。後居天池山。以終老焉。一時道學先生。若一菴唐公。龍溪王公。白石蔡公。訪師山中。證儒釋大同之旨。師題蔡公廓然堂曰：儒曰大公。釋曰無聖。不二不一。水月空鏡。心非物伍。物不我競。海印森羅。寂感斯應。妙圓致止。曰：惟正定。嘉靖癸亥歲逝世。有語錄行世。

雲亭禪師

諱正宗。住天池。與王芝為道義之友。心宗透悟。教理深明。灑落直遂。有古人風。臨終沐浴。跌坐佛前。索筆偈曰：六十

夢居禪師

住金陵碧峰山。乃王芝得法之師。其接王芝之際。即其二

皇達磨。兩不見機。何勞折葦。又遣人追古之今之。落人圈續。芝曰：如何得不落人圈續。居打一掌曰：是落也。是不落也。芝即禮拜。

無瑕禪師

佛鑒禪師

非弓禪師

會原禪師

道智法師

淨戒法師

萬松法師 名慧林，號萬松，姓沈氏，仁和人。出家法輪寺，禮天目平野

陳其所請，為嗣法云。遜迹諸暨山中，尋入徑山，接引後學。臨終偈云：七十七年浮踪，何倚本無去來，應緣而已。塔于菖蒲田，之傳衣菴云。

甲子 五月，上夜坐庭中，御幄忽獲一桃，明日又獲一焉。是月白兔生二子，未幾壽鹿亦生二子，群臣表賀，手詔答之。

乙丑 方士熊顯，江西人，進法書六十六冊，詔賜冠帶銀幣而遣還。又趙添壽進獻符法三十六本，特給冠帶勅遣還鄉。

丙寅 四月，海瑞廣東人，抗疏上言，下詔獄。五年，中外相顧失色，瑞直聲聞天下。

十二月十四日，上崩于乾清宮，裕王即皇帝位。海瑞獄中聞上晏駕，大慟絕而再蘇，哭終夜不休。

穆宗莊皇帝 世宗第三子，初封裕王，太子薨，帝崩即皇帝位。在位六年，于壬申五月二十六日崩，壽三十六。上徽號曰契天明道。

淵懿寬仁，顯文光武，純德全孝，莊皇帝，廟號穆宗，葬昭陵。陳以勤，上謹始十事，曰定志、曰保位、曰畏天、曰法祖、曰愛民、曰崇儉、曰攬權、曰用人、曰接下、曰聽言。

丁卯隆慶元年 詔削真人邵元節、陶仲文官爵，誥命毀其碑坊，藉其田宅。

贈楊繼盛為光祿寺少卿，謚忠愍。子應尾為國子生。十一月，金星入南斗，十二月，天鼓鳴，流星如盞大，尾光三丈餘。

荆山法師 諱珂，曾會楞伽三譯，以便學人簡閱。隆慶改元，弘法于湖城之飛英塔院，傳法弟子有鷲岩、天機等。

禺川禪師 諱真，慧號禺川，姓符，雒城人。侍鏡空於鹿山寺，手書法華經十二部分，供諸刹，禮清淨三業，積久，應感智慧超越。往

天池，叅王芝，授以萬法公案。一心叅究，書無常二字於几上，手持戒拍以警昏散。父父醒發，芝為印可。後首眾於飛英荆山法席，罹縣令

之窘，守戒而終。偈曰：何時種下無明苦，聚會今來受折磨。痛痛未能空，色蘊閒閒猶自覺。安和天花不向空中散，更鼓偏從月裏搗。分受

誰能定業，此身生死任由他。年四十六，有禺川稿。雲谷禪師 諱法會，嘉善懷氏子。始於嘉禾大雲寺，習瑜伽教。後謁法

舟濟公於天寧教，以學道以悟為主，授以誰字公案。一日食椀墮地，有省，住叢桂菴，天開巖，有問如何，是西來意，曰：有水皆含

月無山不帶雲，又示眾曰：古人道終日喫飯，不嚼粒米，終日行路，不踏寸地。如是用心，方有少分相應。師住棲霞，曾示袁了凡立命玄談

戊辰 二 三月，冊立皇太子。五月，陝西民李良兩變為婦人，侗儻年。張居正條上六事，振紀綱，固邦本，飾武備等。

巳巳 三 高拱兼太師尚書學士入閣豫機掌吏部事。海瑞為僉都御史總理漕運巡撫應天等處。

庚午 四 八月浙江湖州府山崩成河。九月河決小河口三百里皆淤。坡顧成河溺人失米甚眾。

辛未 五 浙江杭州栗樹生桃。蔡汝賢曰微陽初生宜遏欲養靜。張居正以少傅加太子太師吏部尚書建極殿大學士。

壬申 六 四月浙江黑書日見時杭州黑霧中一物蜿蜒如車輪。月光掣電冰雹隨之。五月南直隸龍目井化為酒。

五月二十六日上崩於乾清宮。六月皇太子即位。

神宗顯皇帝 十八年庚申七月二十一日崩壽五十七。上徽號曰範天。合道昏肅敦簡光文章武安仁止孝顯皇帝廟號神宗葬慶陵。

癸酉萬曆元年 上謂張居正曰幸忝心見輔臣賜金幣居正泣謝。張居正進帝鑑圖說指陳大義上喜動顏色。

明龍禪師 淮南姚氏俗諱東陽嘗補邑庠嗜書典從大光和尚祝髮。進具尋居羊山秀峯菴鶉衣一衲諸陵中貴人多檀助之。

休寧汪司馬道昆聞師名瞻敬甚至問能作常住乎曰無常無住辭歸除夕集眾告曰元年元日吾當行矣夜半命弟子視中星師曰日

午乃行元日羊山放五色光至日中師辭眾坐化舉眾望光羅拜曰佛耶佛耶願以此光普照下土汪公為之殆

甲戌 二 以吳嶽為南京吏部尚書嶽清操絕代茅屋薄田日惟默坐一室闡禪經數卷不謁客遊行惟跨一騶一事簡便云

中官欲建浮圖為萬壽焚修之地工科疏止

丁丑 五 十月朔彗星見斗牛間其尾指婺女長數十丈光芒竟天。狀若練氣成白虹。大內火。身服繡豸心同犬羊。擲說

辨融禪師 初任廬山證華嚴三昧得大解脫法門後入京師大作佛事化度群品王公大臣瞻仰敬服雲棲大師與眾同參師

曰不要貪名圖利無拔綠貴要之門惟一心辦道老實持戒念佛。

笑巖禪師 金臺世族也父吳門母丁氏弱冠出家禮大寂能和尚為師後徧參知識修進開悟後隱京師柳巷罕接見人雲棲

大師詣京師叩謁請法深相契會密傳心要云有笑巖集四卷行世。諱真節號素菴襄陽人少為郡諸生忽宿根內萌辭割親

素菴法師 愛禮明休和尚祝髮遊燕都居秀法師座下深得賢首之旨學富內外諸方以龍象推之久之南還任持棲霞眾逾三百教備

三觀五乘居十年一時名公陸五臺李石麓等盟為方外交嘗講法華寶塔品空忽現寶塔於座前一如經言四眾跣觀灑然希觀中使

奏慈聖皇太后命至同親聖瑞乃出上方金縷僧伽黎衣一襲宣慈旨賜之即於講堂之西建一浮屠以徵神化汪道混記其事

庚辰八文華殿西柱礎上有天下太平四字拭之不泯張居正曰此瑞也請上臨觀上見之曰此偽也不憚而罷

無趣老人諱如空秀水人族姓施俗號靜齋留心內典志慕祖道同友濟法舟參訪八年謁野翁曉禪師指叅一歸何處話後

聞鷄鳴有省往扣決擇蒙翁印可付衣付法偈曰非法非非法非性非非性非心非非心付汝心法竟師剃染後居敬畏於萬曆庚辰八月六日逝世年九十歲入滅偈曰生來死去空華死去生來一夢皮囊付與丙丁公白骨斷橋隨眾呵呵明月清風今弄

丁亥海瑞剛直清廉執法持公卒于官贈太子少保謚忠介遣行人護喪歸葬士大夫醵金為斂小民白衣冠泣送百里不絕

千松法師諱明得號月庭得法於萬松之門故又號千松湖州烏程周氏子十三出家郡之雙林慶善菴首叅百川海公不契

次遇萬松禪師授以楞嚴大旨研究朗然偈曰楞嚴經內本無經觀面何須問姓名六月炎天炎似火寒冬臘月冷如冰深得華嚴宗旨夢遊兜羅綿世界登座闡經偈從本已來無今日何曾有一毛頭上現虛空笑開口吐下座即寤白松松撫之曰此聖力冥被耳後於

徑山凌霄峯力叅說偈曰千年翠竹萬年松葉葉枝枝是祖風雲嶽高岑棲隱處無言杲日普皆同萬曆丁亥秋告眾曰吾為汝等轉首楞嚴法輪作再後開示無復為汝更轉也冬示疾明年正月十七日吉祥而逝壽五十八臘四十六茶毘塔於徑山

麓亭法師釋祖住字习依號麓亭丹徒人族姓楊母朱氏夢僧入室覺而誕十三入龍蟠山依朝陽和尚受法華華嚴諸大部

經雜染進具通曉諸經大義游少室叅大章和尚至伏牛謁高安詣都下禮松秀二師盡得清涼宗旨往京萬壽寺演華嚴大鈔至入法界品地震天雨寶花無極妙峯承印俱與會萬曆丁亥九月二十二日沐浴趺坐說偈曰虛空無面目無位強安排話頭不話頭處處是如來又曰今年六十六不知做甚麼嘆諸人看眼看這個消息佛祖到來也用他不着言訖而逝年六十六臘五十四塔於蓮華峯北

大智禪師建志堅強勵行嚴肅初住普陀海潮菴久之恢拓巨刹納眾千餘四海至山進香大士者得一瞻仰為慶幸檀施殷繁福緣宏勝朝廷降幣路王奉衣儼然一大士生現其山有徒天然住千步沙承繩步武克振宗猷者云

李卓吾諱贇官至刺史掛冠祝髮住持龍湖率眾焚修為人豪爽英敏著述頗多有華嚴合論簡要及焚書幾卷多論佛法性理等學

戊子 十六

年

混河水來自西北，即古桑乾河，出盧橋，天津直流入海。黃河發源崑崙，入中國數千里，諸水皆入其中，為害大。

象先禪師

天台慈雲寺釋真清，號象先。長沙湘潭羅氏子。生而穎異，日課經史數千言，終身不忘一字。年十五補邑庠，十九投

南嶽寶珠和尚，薙染受具戒，看無字話久之，因舟觸岸有聲，忽有省。珠喜而囑，宜善護持。珠化後，師駐覺皇患疾，夢關君授藥而愈。眾扣

師室，師從容語曰：圓宗無象，滿教難思。會旨者，山嶽易移，乖宗者，錙銖難入。眾稽首而退。一夕夢琳宮寶樹彌陀三聖，師方展拜，傍有沙

彌授與一牌，曰：戒香薰修，寤中品往生之象也。萬曆丁亥八月，蒙慈

聖太后賜金紫方袍以寵之。戊子正月二十九日告門人曰：吾淨土緣熟，聖境冥現，此人間世固不久留。至夕別眾而逝。荼毘舍利紅白

西方合論

中郎袁宏道撰，分叙十門：第一刹土門，二緣起門，三部類門，四教相門，五論理門，六稱性門，七往生門，八見網門，九

修持門，十釋異門。中郎著述頗多，此論為往生之本。伊弟小修，中道專修淨業，中郎先小修而卒。後小修卒時，見中郎來謂已生淨土。今

迎弟詣彼，小修詰曰：汝何以得生？曰：吾以著合論之功，承此得生耳。小修兼問其他，中郎答言甚少，但武林虞淳熙以著淨土詩而生也。

庚子 二十

年

通政沈子木奏言：建文帝御宇，顧不得一孟麥飯，下向齊民于誼，太忍或耐食高廟懿文之側，以彰大義。

佛法金湯編

緯真居士赤水屠隆撰，發明聖教淵微之理。品題當世師友之英，金城湯池為外護嚴矣。

淨土資糧

桐鄉居士莊廣還字復真禮雲棲，采集經論及古今緇素蓮宗之樞要，力勸修持，為往生淨土之資糧。有六卷云。

妙峰法師

諱真為千松之嗣，號百松云。重興天台三觀十乘之學，申明性具理毒之宗，判楞嚴為方等實相，有百問行世。

月川法師

諱鎮澄，住持五臺，時赴京師大弘法化。所著有楞嚴正觀疏，永嘉集註行世。

大休禪師

名實，一號際菴，新鄭人。至伏牛山參古心，又參天奇付法。自偈法身元無相，真性本來空，識得這消息，內外顯家風。

妙有禪師

名智空，雲南葛姓，住蒼山，謁萬松得授記，蒞赴天界，居超果。徐太師請居余山，師契悟直指之道，念念以淨土為歸。

易菴法師

名如通，自稱蘆江老叟，初謁萬松決擇心要，吳越各山賴興復者甚眾。後赴天台國清，說偈而逝，年七十三。

慧廣禪師

諱真緣錫山人，得悟性宗，兼修念佛三昧，於育王獲覩如來丈六金身，因是感激然身，頂問現化佛靈化殊甚云。

紫栢大師 諱僧可。號達觀。吳江人。姓沈氏。少負俠氣。遇虎丘慧輪出家。後往清涼燕京。大豎法幢。後罹誣而終。有紫栢老人集。

雪浪法師 創講經典正文。不牽註疏。為一時緇素所尊。有雪浪集云。
紹覺法師 諱廣承。住蓮居雙弘。性相啓迪。英賢云。

無习禪師 諱性冲。號古湛。得法於無趣老人。有語錄行世。
一心禪師 住宜興龍池山。建禪宗。接引來學。

儀丰禪師 諱方彖。夔州人。參金菴。依徧融。釋疑頌云。三玄三要。沒來由。用盡機思。無處求。總前移步。灶前過白雲。青嶂齊點頭。

孤月禪師 名淨澄。燕都人。張姓。參月溪老人。指示有省。聞爆竹聲。豁然心空。又造雲谷師處。付於衣法。詩云。甘貧林下思悠悠。

竹榻橫眠。枕石頭。格外生涯。隨分足。都緣胸次為無求。有清涼錄。斷

雲棲大師 諱株云。字佛慧。號蓮池。杭城世族。沈氏。初為諸生。三十後。禮性天理和尚出家。行脚多年。備嘗艱苦。歸住杭之雲棲。

創建禪林。安居海眾。精修淨土。玄猷整飾。羯摩勝軌。住世八十一年。著書二十二種。名聞朝野。法布華夷。過現未來。善知識之樣子。禪教律部。和尚之標題於生也。福緣隆重。於歿也。德澤綿延。乙卯年寂。

納川法師 名真海。一號學亭。寧海人。得法於千松座下。講演於天台。太平仙居。及弁山資福等刹。年七十三。說偈告終。

壽昌禪師 名慧經。字無明。因閱金剛經發心。住靜二十四年。參瑞峯和尚。請益相契。居壽昌。壽七十一。大書今日分明指示。終。

丁巳 四十 五年 上於五臺山建龍華大會。御賜錫杖衣鉢。一千二百五十。十副。盛闡宗猷。古心承芳。二師住持。如是三年三次云。

憨山大師 諱德清。恢弘那羅延屈。與復曹溪道場。註有楞嚴通議。法華通議。楞伽記。圓覺解。金剛決疑。道德南華等註。行於世。

戒山法師 諱傳如。海鹽顧族。出家昭慶。得法於妙峯師席。所著有楞嚴截流。法華抒海。行世外。有道德方笑及莊參等云。

幻居法師 諱真界。號悅堂。為千松之高足。住徑山。傳衣菴。著有楞嚴纂註。起信註。金剛直解。因明緣緣等解說。法城山圓證云。

西方直指 涿田一念 居士著 法喜志 冰蓮道人著 法界安立圖 燕山貝琳 諱仁潮著

楞嚴正脉 交光法師 真鑑著 法華知音 隱璞法師 法華大窾 一雨法師 著

楞嚴直解 仁安法師 著 楞嚴合轍 一雨法師 著 楞嚴圓通疏 無盡法師 諱傳燈著

庚申 四十年 七月上不豫。二十一日。崩于乾清宮。 八年 八月初一日。皇太子即位。改元泰昌元年。

光宗貞皇帝

神宗長子，貴妃王氏所生。萬曆壬午年生，辛丑年十月十日冊立為皇太子。至是神宗崩，以八月朔即皇帝位。在位

一月。建元泰昌，壽三十九年。上尊號曰崇天契道英睿恭純憲文景武淵仁懿孝貞皇帝，廟號光宗，葬慶陵。

庚申泰昌元年

八月初一日，上即皇帝位，大赦天下。九月初一日，上崩于乾清宮。九月初六日登位。

熹宗哲皇帝

光宗長子，王才人所生。時年十五歲，光宗崩即皇帝位。在位七年，壽二十二。上尊號曰達天闡道敦孝篤友章文襄

武端靜穆莊哲皇帝，廟號熹宗，葬德陵。

辛酉天啓元年

二月，日傍有耳如月狀，倏如玉環，其大竟天。十二日，日上恍有一物如日大，伏壓日上，磨盪

湛然和尚

任雲門，傳曹洞宗興古。鵝湖禪師，諱廣心，號養菴，禮翠峯，參辨融，得法雲栖

丁卯年

黃檗無念，諱深，有號西影，參大休等，未後偈曰：四十餘年不住功，窮來窮去轉無踪，而今窮到無依處，始悟從前錯

釋鑑稽古略續集三

終始自元世祖甲子，至此熹宗丁卯，計三百六十四年，共僧四百三十餘人，釋聞叙畢，謹識。

